

FOURTH MIZORAM LEGISLATIVE ASSEMBLY
(NINTH SESSION)
THIRTEENTH SITTING ON TUESDAY, THE 17TH APRIL, 2001

PRESENT

PU R.LALAWIA, Speaker at the Chair, Chief Minister, 14 Ministers and 23 Members were present.

QUESTIONS

1. QUESTIONS entered in separate list to be asked and oral answers given.

LAYING OF PAPERS

2. PU C.LALRINSANGA to lay on the Table a copy each of correction of Answer to Starred Question No.199 and 200 put by Hon'ble Members Dr.Lalzama and Pu K.L.Lianchia on 11.4.2001 respectively.

PRESENTATION OF REPORTS

3. PU H.RAMMAWI to present to the House the Sixteenth, Seventeenth and Eighteenth Reports of Public Accounts Committee relating to Agriculture Department and Excesses over Grants and Charged Appropriation for the year 1998 - 1999 respectively.

DISCUSSION AND VOTING ON DEMANDS

4. 1) PU TAWNLUIA, Minister to submit to the vote of the House various Demands under his charge
- 2) PU C.LALRINSANGA, Minister to submit to the vote of the House various Demands under his charge.

S P E A K E R

: "Chungnungbera chuan mihringte Lalna ram chungah thu a nei a, a duhsak apiang a pe a, mi hnuaihngung ber te pawh a luah-tir thin a ni tih mi nungin an hriat nan a ni".

Daniel 7:14.

Business 1-naah kan kal leh nghal ang a, zawhna kan la nghal ang a, Starred Question No. 221-na zawt turin Pu R.Lalzirliana i lo sawm ang.

....851/-

PU R.LALZIRLIANA : Pu Speaker, ka lawm e. Question No. 221-na General Administration Department Minister zahawm tak chhan atan-

a) Kumin Financial Year (2000-2001) chhunga M.R. hnathawk ban tak te kha kum tharah hian lak leh tumna a awm em ?

b) M.R. ban tak a ruaitu Officer/Officers te hnenah khan Sorkarin eng thu nge hrilh a neih ? tih ka zawt e.

PU ZORAMTHANGA CHIEF MINISTER : Pu Speaker, kan Member zahawm tak Pu Zira zawhna (a)-na Kumin Financial Year, 2000-2001 chhunga M.R. ban tak te kha kum tharah hian lak leh tumna a awm em ? tih chhanna chu, tunah mai chuan a awm ri h loh tih a ni a.

Tin, M.R. bak tak a ruaitu Officer te hnenah khan Sorkarin eng thu nge hrilh a neih tih a ni a. Chhannaah chuan, Heng M.R. ban takte chungchang hi enzui a, a ti dik lotu te leh mawhpurtu te enfiah turin Sorkarin Officer te enfiah leh an report dan enin a tul ang zelin Sorkarin hna a thawk ang tih a ni.

PU R.LALZIRLIANA : Hei M.R. ban tak te kha, khaw- ngaihin Pu Speaker, min lo hrethiam la, a pawimawh riauwah in ka hria a. 1209 an ni a, tichuan Fund awm loh vanga ban a kha 253 a ni a, a lem, bogus an tih kha 956 a ni a. Heng hi DHE ah hian 284 ah bogus 259, PWD ah 557, 557 ah bogus, Revenue Department ah 5, bogus 5, Food and Civil Supplies Department ah 55, ban a ni a, 55 bogus a ni a, Arts and Culture Department ah 3 ban a ni a, 3 bogus a ni a, Power and Electricity Department ah 289 ban a ni a, 289 kha bogus a ni a. Heng hi Officers te leh midang a endiktu tan hian a hrehawm khawp mai a, an endik a, bogus a ni ngei a ni tih an hria a, tichuan ban a ni ta a. Hemi kum engemaw tizat lo ruai tawh te an ni hlawm a, chung angah chuan a tlem ber a thlakhatan nuai 14 chuang Sorkarin a seng thin a ni. Hetianga ban a lo nih a hmuh chhuah a lo nih hian a ruaitu Officers te leh lo eirutu te kha hrem ni miah silova a kal hian mitha Officers tam tak tan a hrehawm lutuk a, kan Sorkar hian action a la ngei thei lawm ni ? Kalphung tharah hian midang tih loh in rawn hmu chhuok a, a lawm-mawm ka tiin kan Sorkar pawh hi fakawm ka ti a. Amaherawh chu, an/sualna hmuchhuak ta cheng a, ngawih leh hmiah mai hi chu a dik dawn em ni ? Action an lo thei lawm ni tih hi Pu Speaker ka han zawt e.

FUZORAMTHANGA
CHIEF MINISTER

: Pu Speaker, action lak tumin Sorkar pawhin a tul ang zel-in hma a la a, heng M.R. lak a then surplus nia hriatte, a then bogus nia hriatte heng hi chhui chhuak turin nasa taka beih a ni a, A lo inchhawpna hi a rei tawh a, a thenah te phei chuanpawisa engemaw zat a involve ang tih pawh a hriat a. Chuvangin, Sorkar pawhin hma lak tumin Office Order te pawh tun 23rd March khan a chhuah nghe nghe a. Chungte umzui chuan hei hi a awm leh tawh lohna turin theihtawpa leh tidiklo ni ngeia hriatte chu a tul anga Sorkarin disciplinary action a lak theihna turin hmachhawp mek a ni e.

S P E A K E R

: Starred Question No.222-na hi Pu Vanlalhlana, Pu C.Thanghluna, Pu H.Tanpuia te zawhna a ni a, kan khaihawm a, tunge han zawt ang ? Pu Vanlalhlana.

FU VANLALHLANA

: Pu Speaker, Pu C.Thanghluna leh Pu H.Laltanpuia te nena kan zawhna intawm Starred Question No.222-na R.D. Minister chhan atan -

a) Sorkar hian Rangva sem zel hi a tum em ? b) Tum nise, tun aia uluk zawk hian a dawng turte Sorkarin thlan a tum em ? c) Rural Housing Scheme hnuai inchung tur Rangva hi sem zui zel tumna a awm em ? d) NLUF thlakna tur Programme thar duanchhuah a ni tawh em ? e) Mizoram Sorkarin Rangva inchung neilo te tan Rangva GCI sheet pek zel a tum em ? f) Tum lo nise, engvang nge ?

S P E A K E R

: Chhang turin Dr.R.Lalthangliana R.D. Minister i sawm ang.

Dr.R.LALTHANGLIANA
MINISTER

: Pu Speaker, Starred Question No.222 chhanna - a) Sorkarin Rangva sem zel a tum tawh lo. b) Chhan ngai lo. c) Rural Housing Scheme hnuai inchung tur rangva hi sem zui zel tumna a awm tawh lo. d) NLUF thlakna tur Programme thar duan a la awm lo. e) -na (a) leh (b) chhanna ang a ni. f) EMGY (Gramin Awaas) Scheme hnuai ah Central Sorkar atangin insakna tur leh repairna tur pawisa min rawn pek avangin inchung neilote tana rangva GCI sheet pek hi tihtawp a ni.

FU K.T.ROKHAW : Fu Speaker, Zawngling leh Laki khuaa MLA inthlan result puan laia in an thiahsak te kha, kan Minister zahawm tak hian he House ah hian rangva pe turin min tiam tawh a. Chu chu beiseina sang tak nen kan lo nghak a, tuna rangva sem tleih anih leh tak si loh ah chuan, thildang atangin IAY atangte emaw, a remchang min zawn sak thei dawn em ? tih kan zawt duh e.

S P E A K E R : Chhang turin Minister, in-charge i lo sawm ang.

Dr.R.LALTHANGLIANA : Fu Speaker, kum hnih bawr MINISTER vel kal ta ah khan Tuipang hialah hian harsatna lian tak kan tawh a. Ka hnenah pawh hialtu MLA pawhin a rawn thlen a. Theihtawp chhuah a tan lak pawh kan han tum a, Mahse, Rangva sem anih rih dawn loh kha hetiang hian min han nang ta a. Mahse, Scheme danga in tanpui dan kawng chu kan rilruah kan lo nei dawn nia.

S P E A K E R : Starred Question No.223-na zawt turin Fu Sanghmingthanga H.Pautu i lo sawm ang.

FU SANGHMINGTHANGA : Fu Speaker, ka zawhna, Starred H.PAUTU Question No.223-na R.D. Minister zahawm tak chhan atan - Ministry of Rural Development hnuai-a Computerisation of Land Records Head atangin Mizoram Sorkar hian sum hmuh/dawn tur a nei em ? (b)-na Nei se engzat nge tih a ni e.

Dr.R.LALTHANGLIANA : Fu Speaker, kan member zahawm MINISTER tak Fu Sanghmingthanga H.Pautu zawhna. Ministry of R.D. hnuai-a Computerisation of Land Records Head atangin Mizoram Sorkar hian sum hmuh/dawn tur a nei em ? tih chhanna chu. Nei e, tih a ni. Nei nise, engzat nge ? Chhanna chu. District Council tin ten Rs.25 lakhs theuh an hmu dawn a, an hmu mek a. Hei hi 100% Central Assistance a ni.

FU SANGHMINGTHANGA
H.FAUTU

: Fu Speaker, hei hi thil lawm-
awm tak niin ka hria a. A
thu hrimah he Scheme hnuaiah
hian tunhmain Mizoram hian

kan dawng tawh em ? tih kan zawh belh duh a. Tin, lo
dawng tawh ni ila, engzat nge kan dawn tawh te leh khawi
hmunah nge tih min hrilh tel thei em ?

Dr.R.LALTHANGLIANA
MINISTER

: Fu Speaker, Ministry of R.D.
hi Department lian tak Central
Sorkarah ruahman a ni a. Hemi
hnuaiah hian Department of

Land Resources tih Department hrang hlauh R.D. Ministry
hnuaiah hian a awm a. Tunhma a kan hmuh kei chuan ka hre
chiah lova. maherawhchu, kan hmu ngailo niin ka hriat
dan chuan Report chu ka dawng a. Kan hmuh dan tlangpui
chu Fu Speaker, han sawi lawk ila, tun hnai a kan han
hmuh ah hian Aizawl District ah hian nuai 45, Lunglei
District ah nuai 35, Mara Autonomous District Council
nuai 35, Lai District Council ah nuai 35, Chakma Autono-
mous District Council ah nuai 35, Champhai ah nuai 7
leh sing nga. Hei hi New Project a ni a, an hmuh chin
tawh, an la hmuh tur pawh a awm ang a, Kolasib ah nuai
7 leh sing nga, Mamit ah nuai 7 leh sing nga, Serchhip
ah nuai 7 leh sing nga, Avaiin record a alan dan chuan
nuai 215 niin a lang a. Tin, Pilot Project on cadastral
survey map tih velah hian nuai 75 a tli ng a, a vaiin
nuai 295 niin record ah a hmuh theih a. Ministry of R.D.
atangin a then hi chu hmu tawh an ni a, a then hi chu
hmuh lai mek an ni a, khalai kha chu Revenue concern a
ni tlat mai a, he zawhna hi, R.D. Ministry lam atanga
tangka lo kal anih avangin he zawhna hi ka hnenah a lo
kal a, khalai kha chu chipchiar deuhin nakinah recor d
a in pek theih mai turah ka ngai deuh a.

Kan Member zahawm takin a rawn
hriat duh lai a kha Fu Speaker, Ministry of R.D. hnuaiah
hian Land Resources thil tum pakhat pawimawh em em mai a
neih/pakhat chu hemi kan Land Resources, kan Land Base a
eizawna kawng te leh ngelnghet taka kan hamthatna tur
atana thiltih hi a tum a, chumi kawngah chuan Zoram angah
hi chuan kan la buai lutuk lo na a State tam tak ah hi
chuan ram record fel a tul em em a, chumi kawngah chuan
Mizoram pawh tan ila tiin Sorkarin theihtawp Revenue De-
partment in tan a la niin ka ring a, hetah hian Project
te siam turin ruahmanna a ni a. He Land Resources Depart-
ment hnuaiah hian Computerisation of Land Records Head
pawisa hmuh theihna tur a awm a, a Objective tak a chu
Fu Speaker, Computerisation of Land Records in a tum
ber chu mirethei ten Land Survey leh Record man tlawm
zawk a an hman tangkai theihnan tih te, Land Survey leh
record chungchangah transparency a awm theih nan tih te.

Tin, Development works leh Flanning ah awl ai zawka hmalak anih theih nan tih te, a bikin R.D. Programme hrang hrang dik tak leh awlsam zawk a implement anih theih nan tih te, mipuiin chhiah an pek chungchangah dik tak leh awlsam zawka an pek theihnan tih a ni.

Land Record chungchangah mipuiin an mamawh leh an hriat duh te awlsam taka Computer hmanga an zawhfiah theihna tur leh an hmanrua changkang zawk an neih theihna tur atana tih a ni ber a. Hei kan vannei a, za a za Central atanga tangka Revenue Department hman tur atana kan hmuh lai mek a ni. Hei bakah pawh hian strengthening of land revenue administration tih head a awm a, hetah pawh hian Revenue Department te Project Proposal siam turin kan ti a, an siam zo anih chuan heng pawh hi bawhzui tura ngaih a ni, helamah hian pawisa rin aini an neihna lam a ni a. Awlsam taka lak theih chu a ni lo ang a, Project Proposal mumal tak an approved theih tur ang chi Revenue Department lamin an siam anih chuan pek theih beisei a ni.

FU LALHMINGTHANGA

: Fu Speaker, heng pawisa lo kal thu kan dawng kha a lawm-awm viau a, Computer hi tawng

pawng aychilh ngawt hian kan kal ang tih a hlauhawm a, Computer tam tak nei tur chuan a hmang thei tu tur man power training kha modified kan neih a ngai em em a nia, entirnan, hman deuh hlek khanin Sesawngah khian kan han kal a. An High School ah chuan Computer an lo pe a. M.F. Fund lam atanga an dawn nge nia, khawh atanga an dawn nge nia ka hre chiah lo, an lawm zia thu an lo sawi a, a hmang thei in awm em ? tiin ka zawt a, khawlchhut na atan a hmang thei pawh chu an awm chuang lova, an hung ringawt a. Kha kha kan ram dinhmun kan zuk en hian khatiang kha thil awm thei a ni tlat mai a ni. A lei lamah hian kan uar viau ang a, Computer hi, mahse, khawl chhutna piyah lama hmang thei awm mang silo hianin thil hi a kal ral ang tih hi a hlauhawm viau a. Heng hi Ministry of Rural Development ina anrawn sanction dan a hi tum tha tak a nei tih pawh kan Minister zahawm tak hnen atangin kan han hria a, mahse, chumi utilise tur chuanin kan Sorkar hian khalamah khan engtin nge a in puahchah a, hmang tangkai turin tuna kan neih hi chu khawlchhutna atan deuh ngawt a ang viau hlawm mai a, khalai kha hriat a va chakawm em ?

Col.LALCHUNGNUNGA
SAILO

: Fu Speaker, zawh belhna. Hei Computer tam tak lei belh tum na nite pawhin a lo lang ta a, keimahni Mizo ngei te zing-

ah Computer Dealers tam tak an awm a, hengho hian engkim assemble te an thiam ve vek a, a repair thlengin an thiam

a, chubang chuan heng keimahni mi ngeite hnen atang hian heng Computer te hi lei tur a ni ang em ? Lei theih nise a va tha em ! tih kha zawh pahin ka rawn sawi duh a ni. Tin, chu lo pawh ammahni Department chauh lo pawh hi Department dang hrang hrang pawh an awm a, FHE atang pawhin tunhnai lawk ah 51 velte pawh lei niin kan hria a, mahse, keimahni Mizo a zuartute hnen atanga lei ni-lovin khutah Bangalore vai sumdawng hnen atangin lei a ni thin a. Hengte nilo hian keimahni dealers Mizoram mi ngei hnen atang hian lei theih a ni ang em ? tih ka rawn zawt duh a ni.

FU H.LALTANEUIA : Fu Speaker, Minister zahawm takin nichina a sawi ang khan, Computer thahnem tak lei tum a ni tih kha, Ministry of Rural Development atangin a rawn sawi a. Computer chu a pawimawh a, Fu Speaker, kan hriat thohh angin tunlai khawvelah. Amaherawhchu, Computer Mizoram Sorkarin kan lei dawn anih chuan Industry Department hnuafia Information and Technology wing te'n an approve leh chumi te'na an remtihna an approve a ngai a ni lawm ni tih ka zawt duh a ni. Ka lawm e.

FU LALRINZUALA : Fu Speaker, lei tum a ni tih kan ngaithla a, eng angin nge a rate te, lei kan tum dan tih kha ka hre duh a. A chhan chu tlemlai deuh a Chief Minister in Department hrang hrang Officer te a kohkhawm khan, Finance Commissioner khan kan Computer rate siam hi pawisa kan neih loh teh reng nen a sang lutuk a. Pakhat leina tur hian pathum a lei theih a ni tih statement Chanchinbu lemah a lo lang tlat a. Khami rate khan em ni lei kan tum ? tih ka'n zawt teh ang.

Dr.R.LALTHANGLIANA MINISTER : Fu Speaker, zawhbelhna kha keini han chhan chi a ni mang tlat lo mai a. Ka sawi ang deuh khan R.D. Ministry a Department a Land Resources lam atanga sum hmuh anihna angin he zawhna hi a lo kal a. Amaherawhchu, a pawisa hman dan leh a Computer a ni emaw hmanraw dang khang vela kha chu Revenue Department lampangtein tihdan phung an neiin ka ring a. Khawi atanga an lei nge tihte leh a lei dan tur phungte Mizoram chhunga mi nge ni ram pawn ami tih laia kha chu, min hrethiam ula, ka chhan chi a ni lova. Ka in buatsaih lo bawk a. Khalam pang kha, khawngaih takin ka chhang thei loah min ngai mai teh u.

S P E A K E R : Demand Industry ahte pawh a
la awm dawn a, Member ten in
la sawifish ang chu maw, a
dawtah i kal zel ang. Starred
Question No. 244-na Fu F.Lal Thanzuala zawt turin i lo
sawm ang.

FU F.LAL THANZUALA : Fu Speaker, ka zawhna Starred
Question No. 224-na FWD Mi-
nister zahawm tak chhan atan -
Engtikahnge kan Assembly Hall
hi Air Condition a nih dawn ? tih ka zawt e ?

FU R.TLANGHMINGTHANGA : Fu Speaker, member zahawm tak
MINISTER zawhna - Engtikahnge kan Assem-
bly Hall, Session neihna hmun
hi Air-Condition a nih dawn ?
tih zawhna chhanna chu - Assembly Hall Air Condition neih
hi kumin chhung hian peih hman beisei a ni.

FU H.DALTANFUIA : Fu Speaker, kan Assembly Hall
Air-Condition dah tur chung-
chang hi nikum lamahte leh
kum hmasa lamahte helai House
ah hian sawi a awm tawh a. Tin, nikum Budget Session a
niin ka hria a, ka hriatsual loh chuan, Air Condition hi
helai Assembly Hall atan hian dah tum a ni a, pawisa pawh
a awm vek tawh tih kha chhanna kan hmuh a ni a. Fu Speaker,
amaherawhchu, vawiinni thleng hian hei a la awm ta lova,
kha a statement a kha enge ni kum a liam leh ta si a,
tunah hian, Wrong Statement min pe nge ni tih kha kan hre
duh a.

Tin, chu lo lehah chuan Fu
Speaker, thil harsa a niin ka hre lova. Tunah pheih chuan
Mipui a ni tawh a, member te pawh, a taima fal deuhin
Neck-tie te pawh an awrh peih tawh a ni mai, thatchhe
deuh tan pheih chuan Neck-Tie pawh kan awrh peih tawh lo
a ni a. Chutiang khawp chuan kan room a hi a boruak hi
a rit a, nilenga han thut pheih chuan Fu Speaker, zana
kan haw kan chau hnawp anih thu sawi lem lo pawh hian
chutiang khawp chuan kan Session Hall a hi a uap em em a.

Tin, chutihruel chuan a aia
tharlam zawk kan Chief Minister Pungalow pawh nuai 18
man lai Air-Condition a kha siam a ni daih tawh mai a.
Helai hi a pawimawhna kha nep ta deuh bik em ni tihte
kha kan zawt duh a ni.

FU LALRINZUALA : Fu Speaker, hei kan ngai pawimawh a, kan sawi thin a, a dik tek chuan i ding lama mite phei chu hei T.V. a han en leh hian kan muthlu ang phuau zel hi a ni ringawt mai a. A lum lutuk a, an thiam awm a, Upa lam ten chuan a boruak a hrehawm em em a, a ni reng a. Kan zawh apiang hian tih tep a ni tih a ni reng a, kan ngaithla a. A tih tep lohna lampang Chief Minister Bungalow thar lam pangah khan tihtep tur anih lohna lamah khanin sawm paruk zet a awm an ti a, an midum chawchhum awma lamah te an fit a ni tih kan hria a. Thuthang hi a dik pawhin kan ring a. Chuti lai chuanin helaiah hianin keiniho hi kan awm a, kan han tive thin a, a sawt lo hle mai a. Chuvang chuan kuminah kan tum ti naran lo deuh khan eng nge maw ni helaiah Officer zahawm tak tak te leh House Member te leh mi tam tak kan awm a ni a, a pawimawh kan ti tlang si a, tun atanga thla 2/1 chungin kan ti thei ang tiin Minister khan min tiam thei em le ?

FU H.RAMMAWI : Fu Speaker, hemi dan hian sum awm tawh ang khan kan ngai-thla a, hmanah khan Sum hi pek a ni reng em ? Engnge harsatna tak a awm em ? Engemaw tak hi harsatna nei niin a lang a, a harsatna lai taka kha kan Minister hian min hrilhfiyah teh se ?

S P E A K E R : Chhang turin Fu R.Tlanghmingthanga i lo sawm ang.

FU R.TLANGHMINGTHANGA MINISTER : Fu Speaker, kan Sorkar hlim atang khan member tumahin an sawi hmain i ngaih pawimawhzia nangmah ngeiin i sawi thin a. Member muthlu te, khawlum avang te, a boruak hrim hrim mai hi air condition kan ngai a ni tiin nangmahin i thahnem ngaihmain i sawi thin a, chu chu han tih mai theih dan a awm lawm ni, han dap chawp rawk rawk a han tihdan a awm lawm ni ? kan ti a. Kha kha Official takin tih dan tur te a awm lawm ni tia kan han dapah khan cheng nuai sawm vel te chuan tih theih mai turah te khan kan han ring deuh a. Maherawhchu, khati mai kha a lo ni lova. Cheng nuai sawm li lai tur kha a lo ni a. Tin, 1999-2000 ah khan fund hmuh belh beiseiin Capital Project Fund atanga he Assembly hi sak a ni a. Chumi chhunzawm nan chuan Capital Project ah bawk Fund dil chhoh zel a ni a. Amaherawhchu, pawisa kha a rawn kal ta lova. Capital Project atan. Additional Fund cheng vaibelchhe sawm pahnih leh maktadaui khat leh nuai riat dil belh a ni a. Chu chu a lo kal tak loh avangin beiseina in kan kalchho zel a.

Tahchuan a hnua h cheng vaibelchhe thum chu minrawn pe a. A bak 9.18 crore hi kumin chhung hian Planning Commission hnen atangin hmuh leh beisei a ni a. Tichuan, hei hi kan hmuh chuan State Capital Project hnuaia hna hrang hrang kan thawh te thawh nan leh Assembly Hall Air-Condition nan hian hman tum a ni. A harsatna ber chu pawisa awm loh vang a ni e. Pu Speaker.

S P E A K E R

: Starred Question No. 225-na zawt turin Pu L.N.Tluanga i lo sawm ang.

FU L.N.TLUANGA

: Pu Speaker, ka lawm e. Starred Question 225-na Higher and Technical Education Department Minister zahawm tak chhan atan - (a) atanga (i) hi ka zawt e.

S P E A K E R

: Chhang turin Pu B.Lalthlengliana Minister Higher and Technical Education Department i lo sawm ang.

FU B.LALTHLENGLIANA
MINISTER

: Pu Speaker, Tlungvel bialtu zahawm tak Starred Question No. 225-na -

a) Higher and Technical Education Department ah hian Director tak tak dah lovin charge latu chauh a awm em ni ? tih chhanna chu - Director tak tak dah lovin charge latu chauh dah a ni tih chhanna a ni a.

b) Deputy Director awm lovin a ruak reng em ni ? tih hi chu - Deputy Director Post hi kan la nei lova, a ruak ang chuan a awm a ni.

c) Hei hi engvanga dahkhah loh reng nge a nih ? tih chhanna chu - Deputy Director Post hi a awm lo hrim hrim a, a awm sa pawh Joint Director Post ah upgrade a ni.

d) Joint Director Post hi pakhat chauh em ni ? tih chhanna chu - Ni lo.

e) Joint Director pathum lai ana wam em ni ? tih chhanna chu Joint Director Post chelhtu pathum an awm tih a chhanna a ni a.

f) Engvanga Joint Director pathum lai awm nge a nih tih chhanna chu - Joint Director sanctioned Post 3 (Pathum) kan neih avangin heng hi 3 dah an ni.

g) Higher and Technical Education ah hian Director tak tak awm lovin kum engzat nge a awm tawh ? tih chhanna chu - Kum 6 a awm tawh a, Dt. 1.2.1995 atanga vawiinni thleng a ni.

h) Charge la ringawta Director dah reng hi Sorkarin tha a ti em ni ? tih chhanna chu - Ti love, mahse, High Court injunction a awm avangin Director dah ngeh hi a theih hrih loh a ni.

i) Director tak tak tlak leh tling an awm em? tih chhanna chu - Director tak tak tlak leh tling chu awm e, tih chhanna a ni e.

PU H.LALTANFUIA

: Pu Speaker, nichina kan Minister zahawm tak min chhanna kha a chiang viau a, ka hriat sualin, thil pakhat zawhbelh ka

duh a. Director charge la tu thin, amaherawhchu, MBBS Selection vel avanga Inquiry Commission te din anih tak avanga Director atanga lo chawh lai lawk tir. Tunah hian Planning Department ah OSD in an dah a. Chu OSD a an dah chu Office pawh an pe lova, file pawh an pe lova, thutthleng leh dawhkan pawh an pe lova. Thlatin hlawh tam tak la in, a ui chuang vah mai mai a ni, Zoram Sorkar sum harsat tehlul nen. Ka hriatdan a sual loh chuan tunah hian kan Minister zahawm tak (Higher and Technical) hian a case te a fel tawh a ngain (a fel tawh nia hriat a ni a) Director charge la la turin file a move mek niin ka hria a, vawi tam tak a move tawh ni te pawh ka hria a. Amaherawhchu, Chief Minister hnen a thleng thei reng reng lo tih thawm te ka lo hria a. Hei hi tun kum January thlaah pawh khan file hi move chhoh a ni a, mahse, Chief Minister Dawhkan ah nge a tan a, a Secretary Dawhkan ah tih pawh hriat lovin file a lo let leh thin a. Hemi chungchang hi kan Minister zahawm takin thahnem ngai taka Director pangngai charge la leh tur a file a move hi Engvanga nge vawiinni thlenga delay a la nih tih kha kan zawt duh a ni e.

PU B.LALTHLENGLIANA
MINISTER

: Pu Speaker, kha thil kha chu hmannah pawh khan ka sawi tawh a. File chu a move mek a, mahse, Session lai te a nih avangin thil a kal chhuak mai lo anih ka ring a, Chutianga thil harsa leh thil dang awm turah keini chuan kan ngai lo a ni.

S P E A K E R : Starred Question 226-na zawt turin Pu J.Lalthangliana i lo sawm leh ang.

PU J.LALTHANGLIANA : Pu Speaker, Starred Question 226-na hi FWD Minister zahawm tak chhan atan ka han zawt e.

a) Rawpuichhip-Buarpui kawng Truckable Road a laih mek hi engtikah nge zawh anih dawn ? b) Aibawk - Sabual Road hi Truckable a laih tumna a awm em ? c) Engtikah nge laih tan a nih ang ? d) He kawng atana sum hman tur hi khawi atanga hmuh nge a nih ?

PU R.TLANGHMINGTHANGA : Pu Speaker, Member zahawm tak MINISTAR zawhna chhanna chu hetiang hi a ni. a) Kum tina sum neih theih dan tur hi a hriat chiah lova, chuvangin engtikah nge zawh anih ang tih a sawi theih loh a ni. b) Awm e. c) May thla chhunga Tender a, August thlaah chuan laih tan theih beisei a ni. d) He kawng a tih hi Rawpuichhip - Buarpui kawng nge Aibawk - Sabual kawng tih a chiang lova, Rawpuichhip-Buarpui kawng hi NABARD atanga sum puka laih a ni a, Aibawk - Sabual kawng hi FMGSY (Iradhan Mantri Gram Sadak Yajona) atanga Central Sorkarin sum a pek atanga laih a ni.

PU LALRINZUALA : Pu Speaker, Rawpuichhip - Buarpui kawng Truck kal theihna tura laih mek hi Departmental a laih a ni thin a. An thawk chak viauva, kan lawm hle a. Bial mihring kan lawm hle a. Mahse, hei tun hnaiah Contractor kaltlanga rawn thawh a ni ta a. Hmanniah FWD Demand sawi niah pawh khan kan sawi a. Ka han zawh belh duh chu tunah hian heti lamah kan Minister Makpa hian nuai 140 chuang man Contract a rawn hmu an ti a.

A main Question neitu pawhin hmanna a sawi ang khan. Tichuan a kawng kha Sazu mei angin a zuih ral dawn a, an mangang ta a. Telephone te pawhin an rawn ti a. Tin, khu lamah Buarpui lamah khan a chhuahna lampang turah khan tute emaw ni 5/6 vel hi Contract pek an ni leh a. Department in mechanisation a an tih lai khan a tha hle a. Amaherawhchu, hetiang a mimal a pek anih chuan a tlang loh hi kan hlau hle mai a. Chuvang chuan kan Minister hian a hma a a kal dan ang khan Departmental hian khawngaih takin min tih sak leh thei ang em chumi anih loh chuan kawng hi a tlang lovang tih kan hlau a ni, chu chu khawngaih takin min tih sak leh thei ang em ? Khatia Contractor kaltlang a ti lo hian, tih kha kan zawt teh ang.

FU R.TLANGHMINGTHANGA : Pu Speaker, Sazu mei anga
MINISTER kaltir kan tum lova. Kan tih
vek vek chuan a size leh a
standard kha a ngai a kaltir
tum a ni a. Contractor rawih a awm lova. Departmental
a kalpui mek a ni tih kha ka'n sawi duh a. Tin, helai
hi pawisa kan hmuh tum, tuna kan hmuh tumah hian chu
aia hniam zawk chu Sorkarin a lo tum ve tur a tam avang-
in, kan beisei aiin kan hmu tam dawn lo niin a lang a,
Tin, helai kawng hi ruahmanna lo kal tawh leh Sorkarin
a bituk danah chuan kum 3 chhunga zo tura beisei a ni
a. Amaherawhchu, pawisa kan ruahman dan ang kha kan puk
tur zat kan puk chuan pawisa a pung leh khatiang kha a
tam dawn lutuk avangin tunah chuan puk tur zat kha tih
tlem thlak a ni a. Tin, tunah tak pheih chuan, hei Fu
Speaker, helai kawng hi kan pawisa dah te pawh kan en
nawn a ngai a. Kan Assembly ah khan kan hriat angin,
kan Demand te kha min pass pui duh ve tak loh avangin
engtin nge kal zel dan tur pawh hi ennawn deuh te pawh
a ngai dawn a. Kan kaldan pangnai khan kan kal leh dawn
nge, tichuan khalai kha Sorkarin engtiangin nge kan en
dawn ? tih kha a ngaihtuah mek a ni.

FU K.L.LIANCHIA : Fu Speaker, kan Minister khan
Budget min pass pui duh lo a
ti a. FWD Budget hi pass tak
loh em ni ?

FU R.LALZIRLIANA : Fu Speaker, han sawi ve loh
ka duh a. Mahse, kan Minister
tih dan kha tha lo riauin ka
hria a. Tiang anga in vauna
hun a ni tawh lova. 1966 chho vel kha invauna hun a ni a.
Tunah chuanin a hlauhawm loh khawp mai a. Tianga invau
kha chu. Tunah an zawhna kha chhang zawk sela thain ka
hria. A makpa in a thawk an ti a. A makpa thawh lampang
kha sawi ta lo chuan, a makpa thawh kha engngemaw han
sawi hrehna em em tur awm chuang le ? Minister a ni a,
a lo thawhtir ve a nih chuan han sawi mai sela, a tha
lawm ni ? Ka hriat dan chuan tun LDC hnuhnung berah pawh
khan Pu Tlanghmingthanga makpa an rawn ti mai a, Tele-
phone in, pawisa zawng zawng a la zo vek mai a, Contractor
dang chu kan hil vek mai an rawn ti a. Khang te kha a dik
em le ?

FU R.TLANGHMINGTHANGA : Fu Speaker, ka makpain Con-
MINISTER tract a thawk lova. Department
hian Motor awm reng reng me-
chanised a nih avangin khawi
party nge, khawia mi nge tih lam an ngaihtuah lova. De-
partment machine hi hmanni phawt sela, priority ah. Chu-
ta kan Department neih ang ten an tihzawh loh chuan

Private ta pawh hire ni rawh se, tih a ni a, tichuan, Motor hire a, tu ta nge an hire a tih kha chu a hire tu tena an duh duh, a remchang ang ang tih a ni. He laiah hian tu ta mah hire loh tur tih emaw bik Sorkar atangin tumah instruction kan pe lova. An thawh chak theihna tur atana machine nei apiang kha an tih theih a ni mai a. Tumah thliar kan nei lova, ka makpa, ama Bulldozer an lo hire hi khap a ni bawk lova. Tin, midang hire kha khap a ni bawk lova, Citizen an ni a, Motor an nei a, hire tur an neih chuan an duh duh an hire hi an tih theih a ni. Chuvang chuan Pu Speaker, kha kha thil awmdan a ni a.

Tin, Congress ani emaw, P.C. a ni emaw, chutiang lamah machine neia kha thleina a awm reng reng lo. Khitah NEEFCO Road ah te, Ngopa Road ah te, leh khulalah Kawrthah, Hriphaw Road ah te pawh, tute nge an nih hi ka hre lova, Kei chuan. Amaherawhchu, a remchang chang an hire a, leh lamah Party mite chuan kan Party ni lovin an hire alawm mawle, tih an rawn sawi thin a. Party mi, Motor nei emaw, Tractor nei emaw, Bulldozer nei emaw, chungte chu hrilh ve ula, an neiha kha zuk advertise ve se a ni mai dawm tih kha kan chhanna a ni mai Pu Speaker.

Tin, helai kawng chungchangah, helalah hian theihtawpin Sorkarin hma a la a. Pawisa kan neih a hi tunah hian nuai 712 tunah hian kan nei mek a. Chumi atan ghuon formation cutting kan ti dawn nge, black topping kan ti leh phawt dawn tih Sorkarin a ngaihtuah mek a. Sawlaia nuai 114 tiha kha formation cutting atana ruahman a ni a, tumah Contractor Appoint a awm bawk lova. Amaherawhchu, formation cutting tih hmasaka hi nge tha ang a, Black Topping tih a hi Sorkarin a ngaihtuah mek dawn chauh a ni.

Tichuan, formation cutting tih zawh phawt a, chuta pawisa, helala black topping tih hma ai chuan formation cutting tiha tih zawh hma hi a tha lawm ni? tih pawh ngaihdan a awm a, chutih lai chuan, khatianga formation tih ai chuan hmasakin zo pheii zel phawt ila tih ngaihtuah dan a awm bawk a, chu chu a inbuk chho mek a ni. Khati khan kan sawi duh a. Chuloah chuan, engnge ni.....

FU LALHMINGTHANGA : Pu Speaker, kan Dan 328-na hman hian ka rawn ngon a. Kan Minister hian min tibuai miah lo sela, mi dang pawhin min tibuai miah lo sela ka sawi duh a ni. Hemi order chungchang thu a hi tuna kan Minister Statement chungchang thu a kha, he rorelna zahawm tak atan chuanin, khami Budget in pass duh lova, Sorkarin heng lai hi a ngaihtuah dawn tih a kha phuba lak tumna, tawngkam, tawngkam tenawm a ni a, Pu Speaker, hman tlak loh a ni. Chu chu kan rules pawh hianin khatiang ang Business kha tha a ti lova, 328-ah hian mumal takin a dah a ni. Khatiang kha Minister, mimalina thiltitheihna hman a tum dan leh Member te

hrem a tum dan anih chuan Minister nihna a ding tlak a ni tlat lo, Fu Speaker. Withdraw leh rawh se, chu chu ka ngen a ni, Fu Speaker, kan rorelna hi thienglim tak leh fel taka a kal theihna turin Member te hian kan dan hi kan enchuan privilege kan nei a, right kan nei a, chuta kan lawm lohna ang chu entir thieng a ni. Budget pheih chu kan pass pui duh lovang tih te pawh hi Democratic weapon thil tih thieng a ni a. Chumi china kal chu ngati nge kha tiang anga Member malchungah emaw phuba lak tum ang zia zanga thu kha a rawn sawi a, mimal thuneihna kengkawh ang zia zanga thil a tih. Khatiang ang kha chu ram rorelna in a mamawh lo Fu Speaker, kan Speaker khan khawngaih takin a Statement kha kan Minister FWD Minister khan a Statement kha withdraw leh selangin record ah proceedings ah hian awm lo selangin Fu Speaker, a lawmawm ngawtin ka ring a.

Hei mimal inhuatna a ni lo, he inchhunga kan rorelna engaw pawh hi mimal inhuatna a ni reng reng lova, ram leh hnam tana tha tur ngaihtuaha thil ti kan ni thin a. Khalai kha khawngaih takin a withdraw leh thei lawm ni tiin kan dil anih chu Fu Speaker.

*Speech not corrected.

S P E A K E R : Tlemte, point of order hi question Hour-ah hman ngai a ni lo a ni. Point of order hi tlemte kan sawifiah lawm anga, min lo ngaithla ula, points of order hi kan Dan 328-na kha a ni a Constitution emaw, Rule kalh emawa kan kelin Rules hmangin emaw point of order kha in rawn raise thei a ni; mahse, Speaker phalna a ngai a, chu chu in hriat a ngai anga. Tin, point of order hi privilege a ni lova, claim nan hman phal a ni lo ve thung bawk a ni. Chu chu in man thiamin ka ring a. Tin, hriat duh zawh nan te, a dinmun sawifiah nan a hman tur pawh a ni lova. Chutiang chu a kalphung a ni a, Member zahawm tak ten hei hi in ngaih pawimawh tlan a tha in ka hria, point of order hi ka admit fo a ni. Mahse, a dan hi chu kan ngaih pawimawh a tul khawp mai a.

Tin, chubakah, Parliamentary practice te a sawm a, chuvangin, kalphung pangngai ang tlangpui, thil hriat chian duh bik han zawh te hi Speaker-in rem a tih a, a tih theih a ni. Mahse, Minister te pawhin House-a kan pass tawh te hi chu in duh duhin in khawih danglam thei lo tih hi chu in hriat a ngai a. Chutiang anih chuan kan House zahawmna hi kaltluang thei a ni lova. Chuvangin, subject Committee ten thuneihna sang tak an nei tih te pawh hre tel ve rengin kan kal a tha in ka hria a. Tiang chuan, kang dan te kha uluk taka hretlang sain kal hram hram i tum ang u. Chu chu kan sawi lang duh a ni. Tunah FWD Minister khan sawi chian duh a neih chuan han sawi se.

...865/-

FU R. TLANGMINGTHANGA : Pu Speaker, ka Demand-ah khan
MINISTER Work Programme te tel vekin, a
bikin kan Opposition Member
zahawm tak tak te biala hmalak
na kha a tam zawk daih a. A hma pawn ka ngen a, hei hi chu
min pass pui turin, mahse, a pass ve duh loh laia kha a
nih thu ka rawn sawi lang a.

Tin, Rural Connectivity-ah hian
Member te idea/ngaih dan lak ka tum thju ka hrilh a. Pawisa
kan passed an nin an duh si loh kha kei chuan kan passed
tawh ang leh a tul anga kalpui kha ka tum lo, ka tihna a
ni lova. Mahse, a ruahmanna sawlam atanga nawr pheih nge
tha helam atangin tih te anih avangin, min tihpui duh lo
zui ang tih ka hlauva Pu Speaker. Demand min pass pui duh
loh avang khan min tihpui duh lo mai ang tih ka hlau a ni.

Tin, Work Programme, Work Sched-
uled hi tihdanglam theih anih chungchang te, a programme
tih hmasak tur leh tihhnuhnun tur te a awm vek a. Sorkarin
a tul leh tha a tih kha a ruahman thei tih kha kan hriat sa
anah avangin khelai kha kan sawilang a ni e.

FU R. LALZIRLEANA : Pu Speaker, khatianga a rawn
sawilan chuan a lawmawmah ka
ngai a. Passed tawh a ni a, pas
sed tawh anga a kal dawn anih
chuan a tha e. Tin, Contractor pek a nilo a tih kha, a pek
a te anga in ngai khan ka biala ka kal lain a hna kha an
rawn en a, an hming han sawi hi a thiang lova, ka hre vek
a. Chung mite chuan helai hi ka portion tur a ni e, tiin
an rawn en vek a ni. Chu chu a lo pelo anih chuan a lawm-
awm a, ka zu kal leh anga, a lo pe leh deuh reuh anih kha
Chuan chu chu ka rawn thlen leh anga, min ngaihsak sela
ka duh khawp mai, kan kal lain kan in hmu miao a ni.

FU NIRUPAM CHAKMA : Pu Speaker, Rawpuichhip-Buar-
pui kawng hi kan Sorkar lai
atanga tan tawh a ni a. NABARD
atangin pawisa engzat nge puk?
Tin, interest engzat tur nge tih hi ka zawt duh a. Hemi
kawng atan NABARD pawisa kha interest kha engzat nge anih
dawn? Tin, Minister khan khawngaih takin nichina Budget
pass duh lo tih kha, opposition lam a charge-na kha thil
tha lo a niin ka hria. Anni hun laia an tih dan kha lo
hria sela ka duh a ni. Vawi engemaw zat an pass duh lo a
nih kha.

FU J.LALTHANGLIANA : Pu Speaker, ah khuan kha kan Minister zah-awm tak khan a makpa Bulldozer an hire a ni tih a sawi a. Bulldozer dang 3 thawk mek te khu a makpa enkawl bawk hi a ni em ? tih kan zawt a nih chu mawle. Bulldozer 3 in an thawk a, 2 dang la thawk mekte khu a makpa enkawl bawk an ni em tih kan zawt anih chu.

FU R.TLANGHMINGTHANGA : Pu Speaker, Bulldozer leh Excavator te Department-in a awm ang ang an thawh thlak pui a ni tih ka hria a. Chu chu a ni mai awm mange. A dang, midang ta reng an lak ka hre lova, Pu Speaker, a hmain a Phase-I ah Bulldozer leh JCB mi hrang hrang ta an ruai tih ka hria a. Fhai lam atang te pawhin, Bulldozer leh JCB an hmuh mai loh avangin phai lam atang te pawhin an chah chho niawmin ka hria a. Ka hriat pui lo a, a detail-in, a phase-I ah khan Machine nei hi Mizoramah hian an thathnem loh avang in helai tana hma la tur pawh hian a theih ang angin kan in advise a, Kan hmehriat leh ngamlak te chu, chu chu ka hriat a ni mai a, tunah chuan Bulldozer, Department ta, a lian ber ber chi a awm a, an thawk mek a ni tih ka hria a. Midang ta chutianga lak belh a awm ka hre lo.

S P E A K E R : Starred Question No.227-na zawt turin Fu C.Thanghluna i lo sawm ve leh ang.

FU C.THANGLUNA : Pu Speaker, S/Q 227-na Minister for GAD chhan atan-

(a) Mizoram State Sorkar hna thawk te hi tih tlem tumna a awm em ?

(a) Awm lo anih chuan post ruak hi hnawkhah anih theih nan qualified person appoint tumna a awm em ?

FU ZORAMTHANGA : Pu Speaker, zawh belh hman ngei CHIEF MINISTER theih nan tawite in ka'n chhang ange.

(a)-Chhanna ah chuan- A duh thu ah chuan titem thei ila, kan duh a, kan then chu kan tum lova, chuvangin ban then leh

tih tlem tumaa tunah chuan a awm lo.

tumaa b) chhanna - Post ruak awm
zawng xawng hnawkhah, tunah chuan an nei rih lova, sum
dinmun a zir zelin, post ruak zinga a tul zual te hnawh-
khah leh Promotion avanga hnawkhah te, hnawkhaherawh
chu tum a ni.

FU C. THANGHLUNA : Fu Speaker, zawhbelhna - Post
ruak tul zual te hnawkhah
tum a ni tih min hrilh avangin
lawmthu ka sawi a. A tul zual
te zingah Doctor Post ruak hi engzat nge awm B tih min
hrilh se.

Tin, chung chu hnawkhah tum-
na a awm em ? tih a ni a. Zawhbelh lehna chu FHC Centre
thenkhat chhim lamah te sawn ka bialah pawh Doctor tun-
hma a dah tawhna tun thlenga dah leh tak loh an awm a.
Kum 2 zet a ni tawh a, chungte chu Doctor indaih lohna
avanga dah loh nge ? Hnun kilkhawr anih avanga dah loh
nge an nih ? Doctor indaih lohna yang anih chuan Doctor
dah tur a awm theih nan Doctor min laksak thei ang em ?
tih kha ka zawt leh e.

FU ZORAMTHANGA : Fu Speaker, tul zual chu hei
CHIEF MINISTER loh theih loh tam tak a awm
a, a bik takin Doctor te hi
chu kan ngai pawimawh em em a.
A theih dan kawng kawng a a hnawkhah dan kan dap a. Hemi
a post regular a in appoint kan tlin chiah loh pawhin
Contract Basis emaw engemaw tal chuan tihdan kawng i dap
teh ang tia theihtawp a tih mek a ni a. Tin, FHC Centre
ah te pawh Doctor awma tur a ngaih awm lohna, dandawi
lammi awma tur a ngaih awm lohna. Chung avang chuan
mipuite pawhin an tuar em em a ni tih kan hria a. Chuvang-
in heng hi chu ngai pawimawh ah pawh kan nei a, regular
posting basis in emaw a tam thei ang ber dah khat chu
kan tum e.

S F E A K E R : Kan Question Hour a tawp
chiah a, kan list of Business
No. 2 ah kan kal ang a, Laying
of Papers Fu C. Lalrinsanga'n
zawhna No. 199, Dr. Lalzama zawhna leh No. 200 na, Fu
K.L. Lianchia te zawhna correction chu House Dawhkan ah
han lay sela.

FU LALRINSANGA : Fu Speaker, i phalnain Tahrik
MINISTER ni 11.4.2001 a Starred Ques-
tion No. 199 na leh 200 na,
Member zahawm tak Dr. Lalzama
leh Fu K.L. Lianchia te zawhna, a chhanna tih dikna copy
he House zahawm takah hian ka lay e.

S P E A K E R : A copy kha sem nisela. Hei tawngkam hnihkhat lek a ka'n sawi duh chu, hetiang eng-emaw Question zowhna ziak ngei a chhan te tihsual a awm fo mai a hi a pawl khawp mai a. Nimin lamah te pawh khan kan hmuh tawh a, heng hi tunhnu chuan fimkhur nise. Kan House record ah hian kan han en chhin a, a lo vang khawp mai a, hetiang hi tumhnih ngawt tun Session ah hian kan nei ta mai a, hei hi Minister te pawh fimkhur zawkin tunhnuah in rawn tih hram hram a tha in ka hria. Thil fello tak a nihna lai a awm a, chinfel lehna nimahsela, chinfel ngei lova siam hram hram tum nisela, ziak meuhva han tih tawh hi chu tih thu kha ka'n sawilang duh a ni.

FU F.MALSAWMA : Fu Speaker, a theih hram MINISTER chuan a Minister incharge dikah pek hram hram tum ni ve thei selang. Hei hi Question a lo luh khan a Department nilovin a chhan tur a a lokal khan a zahawm tawh thin lova. Chulsi chu kan member te pawh hi min ngen sak thei la chu a lawmawm ngawm ang.

S P E A K E R : A ni khawp mai, a pekna tur dik taka pek kha kan tih tur dik tak a ni a. Fimkhur nan han sawilan a tha a. A tam tawh tawh mai ang tih ka hlau deuh a. Chuvang chuan ka'n sawilang a ni.

Tunah Presentation of Reports
Fu H.Rammawi, Chairman, FAC chuan 16th, 17th leh 18th Reports of Public Accounts Committee Relating to Agriculture Department, Public Works Department and Excesses over Grants and charged Appropriation for the year 1998-1999 respectively chu House ah rawn present sela, tunah i lo sawm ang. Fu H.Rammawi.

FU H.RAMMAWI : Fu Speaker, I phalna leh House rem tihna in Public Accounts Committee Report 16th, 17th leh 18th na he House zahawm takah hian ka present e.

Fu Speaker, a copy an sem chung khan, tleme hrilhfiah ngai awmin ka hria a. FAC term te pawh hi kum 2 1/2 term a ni a. Tun thlenga FAC activity tlangpui hi a copy sem chung hian hrilhfiah lawk ka duh a. Tun term ami hian sitting 4 an nei a. Tin, CAG Fara hi Fara 172 he Committee hian tun term ah hian a chingfel tawh a. Tin, main report hi tun Session ah hian tun ami nen khan 12 Report hi kan pe a. A vain Report 18 kan pe tawh a ni. Tin, Action Taken

Report hi pahnih kan pe tawh a. Statement of Action Taken on Action Taken Report hi 4 he House ah hian kan lay tawh bawk a. Tin, Spot visit hi vawiruk kan nei hman a. Evidence tum hnih he Committee hian kan Conduct tawh a ni tih kha, he House information atan ka sawi duh a ni e. Ka lawm e.

S P E A K E R : A lawmawm hle mai in hna kan sawi tawh thin angin in thawk nasa em em mai a. Hetiang hi kan hmu khat hle a ni. Awle, tunah chuan kan List of Business palinaah kan kal tawh ang a. Discussion and Voting on Demand, kan tih thin angin vawiin hian Fu Tawnlui leh Fu C.Lalrinsanga te Demand kan la kawp leh mai turah kan in ngai ang a. Hei hi House in kan remti tlang ang em ?

Awle, tunah Pu Tawnluia a Demand te House ah rawn submit turin i lo sawm ang.

FU TAWNLUIA MINISTER : Fu Speaker, On the recommendation of the Governor of Mizoram and with your permission Sir, I move the Demand No. 14, 18, 27 and 34. of Rs. 1,30,42,03,000/- only for meeting expenses during 2001-2002 in respect of the following Departments - Demand No. 14 - Police Rs. 86,42,13,000/- Demand No. 18 - Other Administrative Services (Home Guard, Fire Services and Administrative Training Institute) Rs. 8,30,00,000/- Demand No. 27 - Water Supply Sanitation Rs. 34,70,60,000/- Demand No. 34 - Social Security and Welfare (SS & Board only) Rs. 99,30,000/- Total - Rs. 1,30,42,03,000/- Thank you.

S P E A K E R : Tunah Pu C.Lalrinsanga a Demand te House ah submit turin i lo sawm ve leh ang.

FU C.LALRINSANGA MINISTER : Fu Speaker, On the recommendation of the Governor of Mizoram and with your permission Sir, I moved the Demand Nos. 36 & 37 for Rs. 30,53,40,000/- only for meeting expenses during 2001-2002 in respect of the following Departments. Demand No. 36 - Agriculture Rs. 19,76,60,000/- Demand No. 37 Horticulture Rs. 10,76,80,000/- Total Rs.30,53,40,000/-. Thank you.

S P E A K E R : Tunah chuan kan sawiho zui mai ang a, kan tihdan pangngai angin member pakhat minute 10 kan inpe leh ang a, tunge han sawi hmasa ang.

Col. LALCHUNGNUNGA SAILO : Pu Speaker, hei demand vawinah hian sawi tur a tam hle a, amaherawh-chu minute 10 chauh la nih avangin thiam tawka sawi kan tum ang a. A hmasain demand 14-na Police thu hi a ni a. Helaiiah hian thil pakhat kan han hmuh chu demand bu atang hian Civil Service-ah hian nikum lamah 6 lakhs dah a ni a. Kuminah pawh hian 6 lakhs dah a ni a. Amaherawhchu, nikum revised-ah khan 26 lakhs lai a lo ni a. Chuvangin he Civil Service hi thil pawimawh tak a nih avangin 6 lakhs ringawt dah hi a tawka em aw ? ka ti a ni.

Tin, chulo lehah chuan hei Police Budget hi kumin chu a tha hle in ka hria a, 645.30 lakhs 93 in a tam a ni. Helaiiah hian a lawmawm hle in ka hria. Amaherawhchu, hemi ka han sawi lan lai hian thil pakhat ka han sawi lan duh chu Law & Order hi duh angin a kal lo hle a ni tih hi a hretu theuhte kan niin ka ring a. Niminah kan Home Minister zahawm takin Statement a siam a, mi 7 rukbo an ni a. Tin, chumi zawhah chuan 3 te chhuahin 4 an hreng tih a sawi a, hetiang hian kan bula helho mi tlemte hian kan Mizo Sorkar hnathawk te leh midang tenduh duhin min ching thei mai, vawiin thlenga a la fel thei lo hi a paw tak zet a ni. Helaiiah hian Law & Order-ah hian kan Sorkar hi a fail Chiang hlein ka hria a. Hemi a fail-na chhana hi ngun taka kan bih chian hle a fulin ka hria. Hetah hian engvanginge hetiang thil hi a thlen ? Kan tih chuan Sorkar kalphung a dik tawka lo **niin** ka hria. A bikin kan Sorkar hnathawk hmun hrang hranga thawk, khawi atangin nge an rukbo thin chu kan hria ang a. Khilai kan hmar chhak lampang HPCD te operate-na leh khulam BMLF operate-na lai khu a ni a. Heng laia kan Sorkar hnathawk tena hna an thavhnaah hian engvanginge Security kan provide theih loh ? Chu chu Sorkar tih tur a ni a. Tunhmaa kan experience tawh atang pawh hian engah nge kan hriat chhuah theih loh va, engvanginge kan mi leh sate hi an rukbo leh thin tih hi kan Home Minister ka zawt duh a. Hemi thu-ah hian fimkhur lohna vangin thil a awm niin ka hria a.

Tin, chulo lehah chuan kan Police te moral pawh hi kan enchian a ngai khawp mai. Hmanah khan kan hriat tawh ang khan nikum lamah khulaiiah BMLF ten engeni buaina an siam niin kan ngai a chumi chu chhui turin, Sorkarin Police thlan chhuah te a tir a. Nikhat ke a kal turin kan han ti a, mahse ni khat pawh kal thei lovin harsatna an tawka a. A hnuah pheh chuan an mahni te pawh thahin an awm ta anih kha. Khangah te khan an training a tha tawka lo tih a Chiang khawp mai a. Police training tha nei ni se nikhat kal theilo tur an nilo. Chutiang ang bawka chuan

kha hmanni lawkah March ni 4 ah khan Police bomb hman theihloh te kha dispose turin khulai Tlawng Reiek kaiah an pah vel ta mai mai ni te pawh a lang ta a. Khang te kha a zahthlak in ka hria a. Hengahte hian Police te hian training tha nei sela khatiang khan bomb te an thehdarh mai mai lo tur a ni a. Khami avang khan thihna a lo thleng ta a, Lalnuntluanga a thi a, chubakah chuan Lalhuma, Lal-thakima an hliam anih kha, khangte pawh kha a nihna tak-ah chuan Police kut atanga thi ang an ni a. Chuvang chuan Sorkar hian Compensation a pe ngei ngei turah ka ngai a ni. Khatiang a thi te chu Sorkar in a pek dan angin nuaikhat pek nise, tin, chubakah chuan hliam te pawh kha singna pek theih nisela a tha hlein ka ring a.

Tin, chubakah chuan Police ten an zuk zawn dan te pawh kha a fel tawk lo in ka hria. An pahna hmun an hria a, mahse khawiah nge a darh tak tih hre lo khan mi tam tak an awm a, khulai Reiek kha a ralmuang lo em em a ni. Khatah khan sniffer dogs te leh metal detector tih te pawh hi hman an ni lo a, an zawng sathiah mai mai a. Chuvang chuan heng zawng zawng kan ngaihtuah hian kan Police Training hi a tha tawk lo a ni. Chubakah chuan sawi tawh ang khan kan Police te moral hi a down em em a ni tih hi a lang chiang reng mai a. Engvangingge kan Police te moral hi a down na chhan kan tih chuan an entitlement, an thil hmuh tur ang hi an hmu lo a ni a chiang khawp mai, House-ah pawh kan sawi lang fo tawh a, Ration Money te hi Rs.350/- chauh an la a, CRP ten Rs.570/- an lak lai leh Assam Rifles ten Rs.711/- an lak lain kan Police te hi chuan in Rs.350/- vawin thleng hian an la la a. Tunah hian Bachelor mess a chaw ei te chuanin Rs.200/- thla tin an thawbelh a ngai a ni. Chutianga kan tih chuan engtingge ni ta ang? Tin, promotion thu-ah te pawh in supercede nasa tak te a awm a, dan tlangpuin heng Police promotion te hi chu ACR te pawh en tur ni awm tak hi a ni a. Exam-na te an han nei a, examna te thih dang, ACR tel bovin an ring leh ringawt a, khangah te khan a chianguang lo em em a. Induhsakna remchang tak a lo awm thin a, mahse an ACR ah engge inziak te pawh en lo in promotion te an pe thin a ni. Tin, chubakah Assistant Sub-Inspector (ASI) dinhmun hi han en in a lungawi thlak loh hle ani. Arsi pakhat an bek a, mahse an hlawh hi Havildar nen a inang reng a ni. Rs.4000/- ah an tan a, Havildar pawhin Rs.4000/- ah Arsi 1 bel hian awmzia a nei reng reng lo. Hei hi Force-ah chuan tih tur a ni love, promotion anih chuan a hlawh pawh a hma a in a tam ngei ngei tur a ni. Tin, chubakah chuan kan ASI te hian kan ASI Excise ami hlawh hi an pha lo lutuk. Anni chu Rs.5000/- ah an tan a, Police a ASI te chuan Rs.4000/- ah an tan a ni. Hetiang te hian thil awm dan a ni a.

Chuvang chuan Police te moral that theihna a awm lo. Police te moral a that loh chuan, hna tha an thawk thei lo reng reng ang. Chuvang chuan kan Police dinhmun hi ngun zawk a kan bih chian a tul a, administration tha zawn a, kalpui nisela a tha ang.

Tin, chulovah chuan an hnathawh duh loh kan thawh tir tam lutuk. Aii Puk ah te mi 8 (pariat) lai mai kan Chief Minister in a lo chhawr mai mai a. Chutiang chuan Insakna (an hotute Insakna) ah te hian engzatnge thawk vawinah hian ? Chubakah an Bawng leh Vawk enkawltu ah te an hmang thin. Hetiang anih chuan engtingge kan Police te, kan Law & Order vawngtu tur te hian hna tha takin an thawh ang ? Hetiang mai mai hian kan ti tur a nilo. Chuvangin hengte hi bih chian a tul em em a ni. Law & Order hi dik taka tihtheihna tur chuan a vawngtu tur leh a hnathawh tu tur hi tha takin kan enkawlin kan siamtur a ni. Chuvang chuan heng te hi sawi ngaiin ka hria.

Tin, Home Guard thu hman-niah kan zawt a, hengah te pawh hian Law & Order vawngtu te an nih avangin, ngaihtuah chian a ngai hle in ka hria. Hei kan Minister zahawm takin min chhan ang khan an daily allowance hi Rs.100/- per head, per day a ni a, Washing allowance hi Rs. 25/- per month a ni a, messing allowance hi Rs.50/- per head, per day a ni a, Out of pocket hi Rs.25/- per head, per day a ni a. Tunah hian kan Home Guard te hian an hlawh chu Rs.3195.25p ani. Amaherawhchu, hetiang anga kan han chhut sak chuan Rs.5,275/- hlawh tur an ni. Mi thenkhafin an sawi dan chuan "Hemi Messing allowance hi chu Training lai chauh thil a ni e", an ti a. Hemi pawh hi han pah ta da, Rs.3775/- Home Guard te hian an hlawh tur a ni a. Mahse, chumi la ta lo chuan Rs.3195.25p chauh an la a ni. Hei document lah engkim ka nei. Chuvang chuan hengte hi kan Sorkar hian enchian a ngaiin ka hria. Chuvang chuan, Pu Speaker, henga kan han sawichhuah hi kan Minister zahawm tak hian Special Attention lo pe turin ka ngen duh a ni.

Tin, thil pakhat ka han sawi leh dhh chu. PHE lampang kha ni selangin, hei Mamit hi District Headquarters a ni ve a. Mahse, ka zawhnaah hian Mamitah hian Water Scheme siam engemi awm tih ka zawhna min chhannaah chuan. Hetiang hian min chhang a. Mamit Greater Water Supply Scheme hi sanction a la ni lova. Chuvangin a tih puitlin hun tur a la hriat loh. Tiin helaliah hian engmah Scheme la siam lo angin sawi a ni a. Mamit hi District Headquarters a ni ve a, an khawngaihthlak em em a ni. Tunah hian tui sem an dawng a, mahse, he tui sem hi a tawk lo em em a. Mi tam takin 'Hnahin' chaw an ei a ni. Avang chu thlang silna tur tui an nei lova, chuvangin hnahin

an ei a ni. Chuvang chuan Mamit Water Supply hi khawngaih takin kan Minister hian rawn ngaihtuah rang thei sela ka duh khawp mai.

Tin, Hmunpui Water Supply hi a hmun ngeiah dt. 4th March, 2001 khan ka zuk hmu a. Water Supply Hmunpui atan hian Rs. 15,52,230/- sanction a ni a. A pipe an lak zawng zawng hi ka zuk chhiar vek a. Tahchuan an pipe lak zawng zawng chu 635 a ni a. Chu chu a man han chhutin Rs. 4,00,700/- vel a ni a. Mahse, thil an tih dikloh em em chu hmun sang atanga la lovin a hniam atanga lak a ni a. A tira an siamna chu a sang atanga lak tur a ni a. Chu chu an khaw chhunga lut tur a ni a. Mahse, a hniam atanga an lak tak avangin an khaw chhungah a lut thei ta lova. A thlang daih mai an khua atanga hla tak an tuikhur bulah a lut ta a. Tin, chu aimah a tha lo chu siam peih vek anih hnu-ah, tui far-khat mah a haw thei reng reng lo a ni. Chuvang chuan he-mi expenditure han calculate hian nuai 5 vel hi hman a ni a. Nuai 10 vel dang hi khawiahnge tih hi vawinah hian kan Minister hi ka zawt duh a ni. Heng thil tih dan te hi a diklo khawp mai. Chuvang chuan Pu Speaker, khang kha hmanhmawh takin ka rawn sawi a ni. Ka lawm e.

PU H. RAMMAWI

: Pu Speaker, a hmasa hi chuh ila a tha awm e. Minute 10 hun kan nei a, Minute 10-ah chuan kan

sawi tam thei lovang a. Pu Speaker, a hmasa bera ka sawi duh chu Demand pahnih 36 & 37 aa Agriculture leh Horticulture atang hian tan ka duh a. Pu Speaker, Mizoram hi Pathianain malsawmna India ram hmun dangte a pek aia tha malsawmna min pe a. Kan ram leilung a tha a. Sik leh sa monsoon ruahtui kan dawng bawk a. Amaherawhchu, zofate hi kan rethei em em a, kan harsa em em a, enge a chhan tih hi kan chhut ngun hi a tulin ka hria, hnathawhah chuan kan taima em em a, kut hnathawktute an taima em em a, amaherawhchu, a hlawk lo zawng a hna kan thawh tlat avang hian kan rethei ani a. Kan buh chin a hi leilet nei silovin thingtlangah buh kan ching rei deuh hlek a, a hlawk tawh silova, a thakna thil dang kan ngaihtuah thei silova, chuvanga rethei kan ni tih hi a pakhatnaah chuan a chiang em em mai a, Pu Speaker, Agriculture leh Horticulture hi a bik takin rehheihna ruam atanga zofate chhanchhuahna atana Department pawimawh tak anni in ka hria. Vawin niah hian Pu Speaker, ka sawi duh chu, leilet zawl nei ve si, Chhimtuipui District ah te leh hetah khawhhak Ngopa bial thleng

...874/-

khian tui lakna nei silo tui awm reng bawk si, a lakna pawisa neih loh avanga leilet siam thei lo hi tam tak an awm a, ka bialah pawh hian an tam viau rih ani. Chutih lai chuan Pu Speaker, Agriculture a Minor Irrigation an tih wing atang hian hma an han la tan a. Mizoram a hmun kilkhawr ber Tuipang bial Phuro zawl bul Maisa Project an tih te pawh leiletna hmun chu a tha em em a. Mahse, tui lakna an nei lova pawisa an neih loh avangin. Nikum lam khan kan Sorkarin Minor Irrigation atang hian tui lakna bul a tan sak hlawm a, tui an la tan a. Khalai leilet zawl nei ho kha chu tui an neih tawh chuan buh an nei zel dawn a ni mai a. Ka bial, Ngarsah Project-ah pawh ram zau tha tui lak tur awm reng, a lakna tur kan neih loh vanga kan enkawl theih loh, nikumah khan bul min tan sak a, vawiin niah hian a leilet zawl zatva chu tui a thleng tawh a. Agritulture Department hian hetiang hmalakna atan cheng nuai tam tak an seng a ni. Khatiang zela kan kal chuan Pu Speaker, kut hnathawktu te kha khalamah khan an phur ve tawh ang a, an tha a tho ang a, awmze neia hna an thawh theihna kawng a inhawn ka ring a. Ka bial, Cheuralah chuan leilet zawl ram tha an nei ve lova, Amaherawhchu, Zotlangah Phawngpui tlang sang ber han chhun, Zotlang kan tih a awm a, Horticulture afangin Sorkarin hma min lak sak ve a. Lo kan vat thei, kan thlo thei, mahse a chi tur kan nei lova, Sorkarin alu chi te min ngaihtuah sak a. Chu chauh a ni lo, chu kan fhar chhuah phurhna tur kawng kha Km 8 chuang a ni a. Tunah hian Km 5 bawr vel chu an lai tawh a, Km 2 bawr vel hi kan la thlon lo deuh hlek a. Kuminah hian alu hi quintal 4000 vel kan thar theih kan ring a ni. July thla hian a thar mai dawn. Tunhma a thlawhma siam pangngai ang kha chuan an hlawk lo em em a. Alu-ah hi chuan kan hlawk tlat a ni. Khatiang khan anmahni in an tih theih loh Horticulture te, Agriculture te, R.D te tang tlanga hma an han lak tak tak kha chuan Cheural, in 150 vel khua an ni a. Alu khatiang zat an thar chuan lehlahmah Sawhthing an lo ching bawk. Shifting Cultivation hi chu tuma zir tir lohin kalsan an tum tawh a ni. Nakum kum lej atang hi chuanin 90 percent in kan kal theih tawh kan in ring. Chutiang ang chuan, Sorkar nena tan tlan chuan, kut hnathawktute harsatna hi kan sukiang theiin ka ring a. Tiang khanin, ka bial Lungpher, khuaah chuan hmun zawl tha an nei ve lova, Terrace zau deuh deuhin an lai a, anmahni tha in, anmahni sum sengin, tui lakna an nei lova, Saihaah District Agriculture Officer fel zet mai kan nei a, Amah thurawn ka pek chu, Leilet siam lo, Leilet siam reng reng lo tanpuina hi hmu suh se an tih chu ka thurawn pek chu a ni. Kan DAO chu kan ngaihtuahna ai khan a lo fel a, hrilh lawk reng reng loin leilet neia insawi te kha chu a va kal a, khaw chhungah, chumi Project kawng chu khawilai nge a ti a, DAO tih an hre lo,

Project kawng a zawh ta ngar ngar a, a pawhchat zel, hnathawk tha na na na chu a hmunah an va in hmu a, lamah lawm bawk, lo neitupa lawm bawk, an lawm tawn hie mai a ni. Tui lakna an neih loh, harsatzia te a hriatin, tui lakna pipe, hotute hnen atangin tui lakna pipe te, lian tak pawh a ngai lo a then phe chu, ti khan an pui hlawm a, pipe te an pe a, tunah chuan an lawm tlang em em a. Khatiang taka a Department leh kut hnathawktute an tan tlan chuan vawiin niah hian Ram tha deuh hlek nei kha chu, Terrace-a siama theihtawpa hmalak an tum deuh vek mai a ni.

Khatiang zawng khan incentive sorkarin a pek a pawimawh tak zet a. Pu Speaker, ka tawng tu-in naw lo sela, tunhma kha chuan leilet pawh nei reng reng lo te tanpuina pek an nih thin khan leilet neitute kha an hnual tlat hthin. Chu chu a pawh ta thin a, anaherawhchu, sorkarin chak taka hma a laka Department in chutianga hma a lak chuanin tun atanga reivak lovah hian Pu Speaker, Zoram kuthnathawktute hi awmze nei a kal theih ka ring.

Vawiin niah hian kan sawi belh leh duh chu Pu Speaker, tunhmain Aizawl atanga Silchar-a chhuk thla Truck hi a ruak vek a, phurh tur an nei ngai lo, Sihphirah Iskut an thar a, Sihphir Iskut lo kha chu phurh tur an neih awm pawh kan hre lo. Kuthnathawktute rilru ah phurna leh thathona vawiin niah hian a piang tan ta a, Sawhthing kan thar chhuah a, hr:lhna tur he House-a kan sawi kan sawi hi Zoram hmasawna ani lawm ni ka ti ani. Kma kan sawn ani lawm ni, kuthnathawktute pawhin hna an sawi ani lawm ni? Hectianga ke kan pen a, Shifting Cultivation hi zawi zawia kan thlak theih chuan kan ram leilung a tha a, kuthnathawktute hnathawh ni a hlawk zawnga kan kalpui theih chuan kuthnathawktute an hlawk a, miretheite hi retheina ruam atanga chhanchhuah an nih chuan ram rethei kan ni lovang. Mirethei an changkan chuan kan ram a changkan a ni mai.

Zoram mipui hmangaihtute, Zoram mipui rawngbawltu inti te hian-in he House-a kan thusawi tam tak hi ka ngaithla a, a constructive zawnga sawi aini a engemaw ati zawng, a infir zawng a sawite hi a tam zawk mah mah emaw tiin ka ngaithla thin a hi pawh ka ti em em a, Pu Speaker, he rorelna khawl ah hian he rorelna hmunah hian Zoram mipui tana rawngbawltute rorelna hmunah hian a constructive zawnga, a hlawk zawnga mipui te ngaihthlak atan pawh a tha zawng a tha kan sawi hi a tul tak meuh tawhin ka hria. Kuthnathawktute dinhmun kang chho tur hian Sorkar ringawt a taw lo, kuthnathawktute ringawt a taw lo, a inkara mipui rawngbawltute pawh hi kan pawimawh tel ani, kan vai hian kan pawimawh ani tih kha Pu Speaker, ka sawi duh a ni e, ka lawm e.

PU F.LAL THANZUALA

: Pu Speaker, ka lawm e.
ka hma a member zahawm
tak khan a sawisel zawng
ringawtin a sawi a, a ni

bik vekin ka hre lova, tunah pawh hian a sawisel zawng
ringawtin ka sawi dawn lova. Fak phu hi chu fak tur a
nisa, a phu lo erawh hi chu a diklo kan tih lai hi sawi
tur a ni.

A hmasa bera ka sawi duh
chu Pu Speaker, PHE Department hi a ni a, ka bial bak hi
chu ka hawi thui thei vak lova mahawh a tam em avangin.
Ka bialah sawn thil min tih that sak hle a, lawmawm kan
ti em em a. Tui harsatna, tlanga chengte kan lo ni a,
Mizote hi. Chuvang chuan tui hi mihring mamawh hnaivai
ber, a lova kenawm theih loh zinga a lo a kan awm theih
loh lehzuah chu tui hi a ni a. Chaw chu kan nghei fo
mai thei a, mahse; tui hi erawh chu kan nghei rei thei
lo tih thin a ni a. Hemi chungchang thu-ah hian 'As far
as my constituency is concerned' tih ang deuhin lawm-
awm ka ti takzet a. Thingsai lamah tawp, tuisem tam
tak min pe a. Cherhlunah an siam mek bawka. Tin, Chawng-
tui ah te a thar, tui lak tur pawisa engemaw zat min pe
bawka. Tin, kan ngaihpawimawh ber, Tuichang atanga tui
pump chhoh a Hnahthial tlangdung Hnahthial khua chauh
nilo, khaw 10 aia tam chawm theihna tur kuminah lian
takin tih theih rih loh mahse a bul tanna te min han
tihsak hi lawmawm ka ti tak zet a, Hnahthial bial hming-
in kan Minister zahawm tak hi ka hrilh duh a ni.

Tin, lawmawm lo deuh lam-
rang ka'n sawi ve thung ang a, Bogus MR chungchang hi,
ka sawi fo va, ka ngaih pawimawhna tlat a awm a. Kan
ram hi corruption chianguang lutuk, langsar lutuk,
hriat lutuka tih thinna tak ata kan chhanchhuah hi a ngai
a. Mihring hi chu misual kan ni a, corruption hi chu khawi-
maw laiah chuan a awm neuh neuh reng ang, mahse, dan ang
maia a kal thin hi a fello a, PHE Department ah pawh hian
Bogus MR hi 29 lai an awm ve a. Hun kal tawh lamah khan
PWD Minister khan 'Kan la hre rih lo e' a ti a. A chhan-
na hi a la hnaivai deuh a, an la hre rih lo pawh a ni ang
a. Heta Bogus MR 29 lai awm hi tute ngenni le ta a
lo chhawr a, mipui sum leh pai tam tak mai mahni puala
lo la tute hi zawng chhuak a, a tul dan anga action la
turin ka phut a. Hetianga zawhna chhana a awm a, fel
takin hetiang thil ha a awm a ni tih hriat a, engmah
an chunga tih a nih si loh hian nakin hnu zel atan pawh
thil tha lo tak a ni a nga, chuvangin hei hi tifel turin
kan ngen duh a ni.

Tin, March ni 23 ah Unstarred Question chhannaah khan, 2nd battalion MR chung-chang thu zawhna alo awm a. A chhanna-ah chuan, "2nd battalion thar tan hian mi 200 lak an ni tawh a, chung chu Saiha te, Lunglei te, Aizawl atan te a, MAP, MRP leh Constable an lak a, an recruitment a panel list ami kha 200 kan la lut tawh a, an training mek a ni" an ti a. Hetah hian mi 200 zingah hian recruitment hi Aizawlah an ti a, Lunglei leh Saiha-ah an ti bawk a, Lunglei leh Saiha ah recruitment hi a awm ve chung hian mi 200 zingah hian a zat ve aia tam hi Aizawl khaw chung mi an ni a, mi 200 zinga pahnih (2) hi Rawpui khua tih a awm ve a hi. Chu chu Lunglei kawng Bungtiang bul ami saw ni ngei turah ka ngai a. A dang chu Lunglei leh Chhintuipui district a mite ka enpui a, kan hmulo tlat mai a, mi 200 lak zingah hian Lunglei leh Chhintuipui district ami chu pahnih chauh anawm a ni. Pu Speaker, Chhimlam ho hi kan lungngawi thei nganglo a ni. Saiha leh Lunglei a mite hi pekhatmah an tlinglo em ni lo !!! mi 200 zingah hian an tolve pha lo em ni tih hi ngaihtuahnaah a awmlo thei lova. Hetianga min thlauhthlak te chuan U.T dilte pawh kha kan duh ngei dawn a sin, chuvangin kan Minister zahawm tak hian hei hi a tihdanna ngaihtuah sela a tha hle in ka hria. Mi 200 zingah Lunglei leh Chhintuipui district chhunga mi pahnih (2) chauh awm hi an tling loh hrim hrim lam aia, khawimawlaiah hian lo push chak leh sawichak te thiltih a nih chuan a fel dawn lova. Compensation te pawh min siam loh chuan nakin ah pawh an la la zel a nga, thil fello tak niin ka hria a ni. Chu chu kan sawi duh a.

Tin, tukin zing khan Lunglei atangin min rawn phone nak nak a, uluk takin ka zawt a, kan Minister zahawm tak hian a tih dikna kawng a zawh theih nan han hrilh ka duh a. Lunglei SP chuan Kawmzawl bulah huan a nei a. Tahchuan nitin Police Motor-in police engemaw zat a chhawr thin a ni. Chuvangin hetiang hi a lo nih chuan ngaihtuahna thui tak kha a lo awm ta a. Kan police ho rilru put dan turte pawh a lo ngaihtuah theih ta a. Sawlai Lunglei-ah pawh a chhawr ngem a nih chuan Aizawlah pawh engnge ni ang tih kha ngaihtuahna a lo awm lo thei lova. Chuvangin tiang thil lo awm hi kan ram avangin, hetiang thil sual sawi hi a nuam lo. Mahse kan ram kan tih thatna atan a sawi loh theih lova. Hengte hi a dik em? Min enfiah sak sela. A dik a nih chuan, a awm tawh leh a phu dana action la turin ka ngen duh a ni.

Tin, a tawp berah chuan kan CM hianin ei leh bara intodelh thu a sawi uar hle thin a. Chu chu kan mamawh pawh a ni reng a. Amaherawhchu,

vawiin demand ah hianin PHE Department demand hi crore 34.76 leh sing 6 emaw a ni a. Agriculture leh Horticulture demand belhkhawm hi crore 30 nuai 53 leh sing 4 a ni a. Ho Department pahnih hian PHE a tluk lohna hi crore 4 aini a tam a ni. Hetah hian kan priority hi kan rilru priority a ni em tih kha a ngaihtuah theih viau a . Sawi hian priority a tih mai theih zel a. PHE hi a hnuk hniam zawngin ka sawi ~~miam~~ lova. Hei hi kan mamawh zawng zawng a mihring mamawh hnai vai ber, a lova kan awm theih loh, Tui kan neih tlem chuan kan lo bal a, hma kan sawn lova, kan lo hrisel lova. Mihring nun zawng zawng kha a tibuai vek a. Hemi hi a aia tam zawk mah hi pe thei sela a duhtusam awm em em a. Chutih lai chu an engatingeni Horticulture leh Agriculture, intodelhna kan sawi uar em em si a pahnih pawhin a hei hi a tluk zawh loh ? A tluk tal hi awm sela, a va tha ve. Heta tang hian kan thil tum leh step kan lak danah hian kan sorkar kaldan hi in enngun chu a ngai a ni. Rei lote intodelh turin kan in sawi a, mahse, hei hi pawisa pek leh ngaihpawimawh dan chu ani leh si a. Kan kaldan hi a hawchawp ringsang kalsum ang deuhin a lo chhuak chawp apiang hi kan priority kan ti mai mai zel dawn anih chuan Ram ropui tak hi kan thlang dawn lo. Heng te pawh hi a fello em em ani. PHE hi khamkhawp chu ani chuang lo. Amaherawhchu, Department pawimawh ber ber a sawi pahnihna pakhat a zat lo hi thil dik thei ani lo tih thu orawhchu ka sawi ani. Ka lawm e.

PU H.LALTANPUIA

: Pu Speaker, ka lawm e.
chawnu lamah ka sawi ang
e, ka ti deuh a, thian te
mawng a la rit deuh a, kan

sawi hmasa mai ang e. Ka sawi hmasak duh chu tuna Hnahthial bialtu sawi ang khan - Sorkarin priority an pekah hian sum leh pai pawh uar turah ka ngai a. Sorkar kalphung vawiinah hian kan sorkar hian eng hawi zawngin nge Mizoram mipui min kalpui a tum dawn tih kan demand ber han en hian a hriat theih reng reng lo a ni. Khawin nge priority a pek lai hi ka hrethiam lova. Entirnan, Agriculture ei leh bara intodelh chungchangah Horticulture leh Agriculture ngaihpawimawh bik ani ang tih te C.M Speech ah a lo lang a, demand bu han en chuan 1999-2000 budget estimate te, 2000-2001 budget estimates bu en khan revised estimates chu sawi loh 2000-2001 budget estimates ai hian a tam a, a tlem zawngin Agriculture ah chuan kan kal chho zel ani a, he kan sorkar hian

Mizoram mipui hi khawiah hian nge min hruai thlen a tum tih hi kum 2 1/2 a lo kal tawh hnu hian hriatthiam a har a, hriatthiam tur pawh a awm lo, tih demand bu en hian chiang takin a lang a ni. Chuvang chuan he dorkar hi a mumal lo hle a ni tih hi demand bu han en hian leh kan budget speech te han en hian a langchiang hle in ka hria a. Tin, chulo lehah chuan Pu Speaker, thil pakhat, hei Agriculture chungchangah hian answer paper min rawn pekah hian Land Development chungchang bikah hian Pu K.T. Rokhaw zawhna March ni 21 a kan Minister zahawm takin min chhanna-ah hian Land Development-ah hian Manual Labour leh Machinery, in a vaim Manual Labour leh Machinery belkhawm hian Rs.88,87,000 a ni a, mahse, a hnu lehah tun thla April ni 11 a Land Development bik atana zawhna pawisa engzat nge sen a nih tihah chuan Rs.85,92,460 a ni a. Chuan Land Development bik atana a chhanna pawh hi nichina i sawi ang deuh hlek khan chhanna dik lo min pe nge ka hrelowa, a difference a hi Rs.2,94,540 difference a awm tlat mai a, hei hi khawiahnge a kal ? Hei hi corrigendum a rawn siam te zingah khan a tel turah ka lo beisei a, a tel ta bawk silova, nichin lawk khan, tah hian chiang em em in machinery khawl hmanga an tihah hian Manual Labour hei chu a dik a, a total hi Machinery-ah hian ni 21 answer paper min rawn pek ah chuan nuai 23,17,000 a ni a, mahse April ni 11-ah veleh thung chuan a hiam zawkin nuai 20,22,460, a hma March ni 21 hnu lam a an lo thawh belh leh te a nih chuan thu hran a ni e ka ti a. Mahse a date kan en a, a hmasa zawk a hi a tam zawk tlat mai a ni. Chuvangin hetah hian eirukna lian tak a awm a ni lo maw ? Pu Speaker, Aii Puk bawk hi a dang a awm a ni lo maw he Land Development-ah hian, Pu Speaker, correction an siam zingah pawh a tel lo a nih si chuan Pu Speaker, Land Development chungchang-ah hian engyanginng e thil inthup leh inzep a awm, Pu Speaker, tih kha kan Minister zahawm tak hian min chhang fel thei a nih chuan a lawmawm khawp ang. Question No.206 alo en leh atan thil inmil miah lo a ni. Chuvangin hei hi thil serious tak a ni Pu Speaker,

Tin, ka sawi leh duh chu Horticulture Department-ah ka bial Vanbawngah khian Tui-vai Link Road Horticulture Department in min laih sak a ni awm a, tahchuan Rs.1,00,000 min dah sak a. Amaherawh-chu Departmental in an thawhtir rual rualin, khilala MNF hruaitute Ratu a MNF hruaitu lu te an sendarh tir a. MNF Block II Vice President a hming ka sawi lo mai ang, chu chuan Rs.13,000 a la a, hmunphiah pakhat pawh a lei chu sawi loh, a phiat lo hrim hrim a. A MNF pui Vanbawng ami ten an zawhin lai rawh an tihin, hengte chu kan hotuten thingpui in nan min pek mai amai ani te a ti a ni. MNF mi leh salte lawmia leh an hotute tawngkam a nih tak tak pheichuan Pu Speaker, thil rapthlak tak a ni.

Tin, Pu Vanlalluaia, Vanbawng MNF hruaitu chuan Rs.37,000 man a thawk a. Tin, Pu Rintluanga Vanbawng MNF bawkin Rs.25,000 man a thawk a. Rinpui Ratu in kan C.M in a ziah sak a ni nghe nghe a. Rs.25,000 a thawk bawk a. Amaherawhchu, a kawng khi lai tak tak a awmlo reng reng Pu Speaker. Hmanni lawkah kan session lai khan ka han kal a, kan chawlh chung khi hmunphiah pakhat pawh a awmlo reng reng, heti zozai pawisa hi Pu Speaker eng atan nge he Horticulture Department hian a theh thang bo, lai ve hming pu si, amaherawhchu, thawk miah lova Rs.13,000/- la te an awm a ni Tuivai Link Road-ah khian. Hei hi Pu Speaker kan sorkar tawp zia leh fel lohzia leh induhsaknaah pawh induhsakna uchuak, thawk miah lova pawisa pe, induhsakna uchuak a ni a Pu Speaker, hei hi kan ram tan a hrisc lo a ni, kan ram tan a tha lo a ni, kan hnam zahawma atan a tha lo a ni. Chuvang chuan moral lama kan in educate-na kawngah te, physical-a sum leh paia kan in-rehabilitate-na kawngah te Pu Speaker takna, Kristian kan nihna anga rinawma leh dikna nena hekan sorkar MNF Ministry kaihhruai sorkara hi a kal loh chuan Pu Speaker, roreltu chu Pathian ruat a ni kan tih angin a paihthla leh thei tu chu kan Pathian bawk ani tih i hria ang u, wawin niah pawh, nimitah ka sawi tawh a, Sawthing chungchangahte pawh, sorkarna MNF leh keini MPC Party ten inthlanna a tang dunin Pathian leh mipuin sorkarna siam turin min tia, amaherawhchu han inthen hnan tak hnuah meuh chuan a nih tur ang a nih tawh lohah chuan Pu Speaker thil hi a buai zo vek mai a ni.

Tin, Pu Speaker, kan sawi leh duh chu hei PHE Department ah hian, Hnehtthial bialtu zahawm takin a tih angin thil dik lo chu thil dik lo a ni a, lawmnate kan nei a, lawm lohmate kan nei a, a bik takin PHE Department Minister chungah hian ka bial tan hian lawmthu han sawi ve kan duh a. Ministry kan siam hlim hlawtah khan Phullenah Mizoram a tuilak sei ber ni hial tura sei min han lak sak a, tunah hna a kal mek a ni a. Tin, a kum lehah Phuaibuangah kan han ti a, min tihpuitlin sak leh a. tin Vanbawngah te, tin, tun kumah khan Work Programme kan han en khan Khawlianah Rs.nuai 25 min han dah sak a, tun kuma hman theih turin Rs.15 lakhs kha earmark nghe nghe a, a lawmawm ka ti tak meuh meuh a, hemi chungchangaht hian. Tin, chumi piah lamah Suang-puilawn khua ina tui lak khi kan kham lo em em mai a. Chumi a belh chhahna tur pawh chu proposal a kal mek a, min bawhzui sak zel niin ka hria a, chungah te pawh chuan a hlawhtlin zel theih nan kan Minister hi kan ngen duh nghal bawk a ni.

Tin, Pu Speaker, kan sawi leh duh bawk chu a demand bu -ah lut ila, Agriculture demand hrim hrimah hian lut ila, material supply hna hi

a tam em em mai a. Material Supply hi a nuai 100/200 tel a ni fur mai a, hei hi engnge ni a chhan aw ka ti a. Material engemaw zat chu supply ngai chu a awm ngei ang. Amaherawhchu, ka hlahthawn chu kan Minister leh Sorkar pawh fimkhur se ka duh chu kum kal ta ang a, kan duh duhna a Material hi Aii Pukah emaw kan han dah leh ngawt thin angah hian ka hlau va, material supply hi corruption rawn tona bul kan sorkarah hman atanga kan neih tawh a ni a. Chuvangin Agriculture hetiang material supply lo lang tam lutuk hi demand bu a mi hi MLA kan nihna ang leh ram hruaitur kan nihna angin kan lo enzud zel dawn tih hi kan sorkar ka hrilh duh a, chuvang chuan fimkhur takin hman tawh sela, tih hi kan hrilh duh a, Aii Puk ang mai main kal tawh lo sela tih hi kan hrilh duh a ni. Ka lawm e.

PU C.SANGZUALA

: Pu Speaker, ka lawm e. Tlem a a han in karthlak deuh kan en niawm in kan ring a. Khaihlak lai a ding pawl

te awm ila a tha awm e. A hmasaah chuan Demand 36 na leh 37 na, Agriculture leh Horticulture tehi thliarhrang teh chiam lovin a subject deuh zawngin han sawi ta ila. A tlangpui thu-ah kan ngaihthlak tak ang khan a ve ve hian ngaih pawimawh Department nisi a tla hniam mang o tih kha figure work tak pawhin a dik viau mai a. Amaherawhchu, khati chung khan heng Department changtu ten hna an lo kalpui dan erawh chu ngaihnawm tak awmin ka hria a. Tun maiah pawh zawhna chhanna tih dikna kan han dawng a.

Khatah khan han sawi kim mai sen hauh loh, point paruk lai hmasawna duhawm tak tak kan hmu a. Khang kha lawm-awm tak niin ka hria a. Tin, thil pakhat ka'n sawi duh bik deuh hlek chu sik leh sa mil a thlai chin tur chung-changah te pawh hian hei, buh enchhin tur te pawh an lo dap chhuak dia diam tawh a. Terrace a chin chi buh hlawhtling ngai a an rin, amaherawhchu, experiment tur a la ni a. Chungte chu nakumah chiang leh zualin kan hria ang a. Kan hotute heng Department chang tu te hian theihtawp an lo chhuah tih te pawh min ngaihtuah tir a, Sangau bialtu zahawm takin a sawi ang khan hei Minor Irrigation te, tin, Integrated Wasteland Development Programme te tin thlai chi a ram leh a sik leh sa mil te, tin, Pilot project tuichhuah-en a mite, Champhai a mi te, a dang dang pawh a awm. Heng atang te hian black and white-in, Horticulture leh Agriculture leh Soil Department ah te pawh hmasawna kal mek leh hmasawna kal zel tur intam, kawng zawh tur fel tak a awmin ka hria a, ka lo hlahthawn ai ngawt chuan ka lawm leh si a ni. Chu chu a

a hmahruaiah Agriculture leh Horticulture-ah hian ka'n sawi duh a.

Tin, ka rilru a awm hotute, mawhphurtute ka chah duh leh chu Link road chungchang hi a ni. Tunhma in khawimaw lai laiah. lo leh huan link road lo reh pawh deuh thleh thluah chu a awm a, ama'-rawhchu han hman theih meuh chu a tlem hie awm a. Kan link road lo sial tawh te hian hmanlaia khawchhaka Puzamanga te, Thangtinliani te lamlian pawh a tluk lo. Chutiang kawng chhumbung chu ram tinah hian a awm deuh thluah ni awmin ka hria. Tun hnu-ah hian link-road hman theih ngei a siam pawimawh zia kan hre tan ta niin a lang a. Tuna kan Sorkar hi chuan Link road tha leh hman theih ngei sial zel tum sela, Agriculture leh Horticulture link road te hi pawimawh em em a ni. Ka bial Hlimen-ah te, ka'n hmuh phak ve chin Aizawl North I bial Sihphir ah te a hlawhtling tan viau in ka hria a, chu chu lawmawm pawh ka ti. He lamah hian tan han la sauh sauh sela, ram huan nei te, leilet nei te tana chet vel- na communication - transportation tha a awm hi a pawimawh hmasa viau a ni.

Tin, he mi chungchangah Horticulture link road anga sawi remchang zawk maw, ka hre chiah lova, Aizawl South II huam chung Salem te, Venghnuai te, Dam veng te, Sawng lai 3 ho feh kawng, Mualpui atanga Chite lui kan sawn kawng a thlur deuh sung a, tih puitlin tak tak awm mang lovin tunhma atanga lo laih tan tawh a awm hlawm a, sawng te pawh saw tam vak lo sanga han tih puitlin theih tur a ni. Chite ralah Tuirial kam, ram zau takah sawn lo leh huan thahnem tak a awm a ni a. Chungte pawh chu kuminah hian tel ve tawh ngei se tih ka ngen duh a (Salem ramah te sawn ani deuh ber a).

Tin, Serthlum chinna bial kan ni a. Serthlum kung tam tak Saikhamakawn atanga Hlimen huam chungah sawn kan nei a ni. Kan Agriculture leh Horticulture Minister te leh Official ton min phurpui viau mai a, vawihnih/vawithum min en sak tawh a, thla a muang hle a. Eizawna tling tak tak, a nuai tel a sum han ruh awk awk na tur, sorkar tana chiah pawh hring ve tham tur min tih puitlin sak turin sorkar tha pawh kan la mamawh a ni zeuh zeuh chuan, huan neitu te an taima a, an harsatna lai han pui zauh zauh a hlawhtlin mai hmabak anni.

Tin, priority chungchang kha han sawi ve ila. Kan intan te lun pawh ni chuang lovin 'Priority kan nei lo' han tih chiam chiam ang hi chu kan duhthawh lu deuh em aw chu ka ti a. Hei priority sawina tawng chi khat ni ve thei awm tak,

'Essee', 'Bene' an ti thin a, 'Esse' chu 'Essential' ani, 'Bene' chu 'Beneficial' a ni a. Entirnan, tui kan nitin khawsakna atan 'Essential' a ni tlat mai a, mamawhna avangin priority hma tawnga dah loh theih loh niin a lang. PHE chuan sum a lo chang tam deuh a nih pawhin, loh theih loh thil vang a ni ang. Kan priority pawimawh zual, heng Agriculture leh Horticulture lam erawh hi chu 'Essee' chu ni ve bawk mahse, 'Bene' ni zawk mahse sawi theih dan pawh a awm a, kawng dang atanga ngaihtuah rih theih pawh a ni a. Chuvangin tuna kan mamawh dan a zirin siksawi leh siam rem deuh thei te pawh a ni ve a, Priority te pawh a ni ve a. Priority kan nei lo a ni han tih ai chuan, kan dinhmun mek mila insiamrem vang a ni ang em le tih te pawh min ngaihtuah tir a. Demand 14-na Police ah hian lut ta daih ila. Security-ah hian kan fail der a ni han tihte pawh hi han innawr nan chuan a tha mai thei a. Chu sia dawnawn hahdam zawk tawngkam hman tur a awm awm mang e tiin ka la ngaihtuah ta cheu va. Security thu-ah hian Fail leh Pass hi eng ang hi nge maw ni le min ngaihtuah tir a. Fail a awm chuan Pass pawh a awm tur a ni a, kan State-ah hian kan ral-muang hle a, Pass phak lo chu kan ni dawn em ni ? Harsatna lo awm zauh thin te hi chu kan thunun theih bak pawnlam atangin thil lo awm a ni thin tih pawh kan hre tlang vek alawm. Chuvangin a pawl thin mang e kan ti zawk tur niin ka ring. Tan lak mar reng erawh a tul a, kei pawhin Security lama tan lak tulzia hi mawh-phurtute kangen tho mai. 'Fail' han tih tur erawh chu a ni chiah dawn em ni ? Full Mark erawh an hmu phak bik lo va, tih hi hei ka ngaihtuah dan ani. Budget han en hian nei a tlangpui thu-ah sum pawh dah pun a ni leh a. Tin, I.R battalion tharte pawh kan nei tan chho mek niin a lang a, thil thar dangte pawh a awm a, a lawmawm hle zawk a ni.

Thil kawng hnin han sawi lan duh ka nei a. Pakhatah chuan kan Police tan rilru hlim loh lungawi taka hna an thawhtheih nan an sum hmuh tihpun sak tura an dihhmun ennawn sak ngai te pawh a awm nual a. Kei ka lo hriatpui ve chu gazetted lo chin Inspector chin hnuailam hote ration money tipung tura vawi engemaw zat an lo ngen tawh hi a ni. Mahse, ennawn lohvin a kal reng niin a lang a. Tunhma deuh va an hmuh thin ang ngar ngar in tun thleng hian pung miah lovin an la ta a ni. Hei hi kan hotuten lo en nawn thei sela tih ka ngen duh a. An dil ang zat hi a theih chiah loh pawhin an harsatna puhru tura an ration money rate hi ennawn sak tul hlein ka hria.

Tin, kan bialin kan ngen ve mek, kan bial thil bik pawh ni chiah lo, Kulikawn Outpost hi Station-ah siam ni rawh se, tiin kan ngen

reng , a ziak pawhin kan nawr a. An bial a zau hle mai a. Pu Speaker, tawite, kam khat chauh, Kulikawn Outpost hi Station a hlangkai turin infrastructure lam chu a awm deuh vek ti tih tawh a, tihpuitlinna turin thil bak tam tak a awm tawh lo. Hma kan sawn ta mek mek bawk a. hemi kawngah hian hmasawn lehzual theih nan, kan Police te kan equip na ni zelin, an tangkai zauk theihna turin kan ngenna ding mek kha vawinah hian ka'n tuihnih duh a ni. Sawi tur ka la ngah hle a, mahse hunin a daih si lo. Pu Speaker, ka lawm e.

PU NERUJAM CHAKMA

: Pu Speaker, hei Agriculture leh Horticulture ka sawi kawp ang a. Amaherawhchu, under the sha-

dow of scandal, ka sawi chu a interesting viau lo a ni. Aii Puk Scandal a ni. Pu Speaker, Sorkarin conspiracy a siam a nih chuan thu dang a ni a. Hei lehkha kha ka sawi dawn a ni. No.D-15014/5/2000 - DTE(AGR) - LUB dated Aizawl the 15th March, 2001 District Agriculture Officer, Aizawl West. Aizawl hnenah Allotment of G.I Goat Proof Wire Mesh tiin, with reference to the above, I am to inform you that 30 rolls of Goat Proof Wire Mesh is allotted to your district for sale at 50% subsidy to the needy farmer for which proposal is being processed. Sorkar thu tlukna pawh a awm lo. Proposal is being processed at allotment kha siam a ni. Minister in hei hi khawngaihni lo sawifiah rawh se, process tawh em? Gov't Approval a awm em? Dr.O.P.Singh, Director of Agriculture and Minor Irrigation. Hei hi allotment a nia. Pu Speaker, challan 26th March, 2001-ah siamah khan for sale at 50% subsidy for Aii Puk-zau cooperative Farming Society tia Challan kal a ni. For sale, for Aii Pukzau Cooperative Farming Society, pakhatna a ni a. (2)-na Allotment Order, Allotment of 660 Nos of Angle Iron for thereby made by DAO, Aizawl West for sale at 50% subsidy to Aii-puk Farming Society. Co-operative leh Zau kha a awm tawh lo, tunah. The Amount of to be realised for 1 no is 300 nge 200, a chiang thei lo. Hei hi a chhiar theih loh tlat. Dr.OP Singh, Director of Agriculture, 20th Feb, 2001 ah allotment kha siam a ni a. Mahse, challan no.DTE(AGR) of _____CS)/98,DAO Aizawl, 23.3.2000 a ni. Kum khat hmain siam a ni. Society, a chang leh Co-operative kha a awm tawh lo a ni. At 50% upgrade rate at 330, _____313-in pakhatah ziak a ni a. Hengte hi Doctor tihdan chu a ni.

...885/-

Agriculture Department kaime
ngaihtuahnaah chuan Pu Speaker, hetiang lehkha chhuahtu
hi Sorkar hian eng action nge a lak dawn ?

Tin, materials pek hi, Aii-puk
zau bawk, Co-operative Farming Society leh Aii-puk Far-
ming Society hi awm tak tak lo a ni. Sorkar tharin ma-
terial dawn vangin lawmthu sawi, chu chu President, All
Aipuk Farmer Association, Sihphir, Chuvang chuan Agri-
culture leh Horticulture Chief Minister zahawm takin a
enkawl a ni.

PU SANGHMING/THANCA : Pu Speaker, tunah khan rawn a
H.PAUTU chhiar chhuahah khanin Aii-puk
Farming Society tih emaw Zau
emaw tih a ni chuang lo a ti a.

A lehkha rawn tihah khanin an rawn charge-na berah khan
in CM hming a awm bawk silova, kha kha engnge a awmzia?
Chief Minister an accused ber anih si lain, CM hnena
pekna order a awm bawk silova, chuvangin 'Thudik lo'
a inpuhna mai a kaww zawk a ni e.

PU NIRUPAM CHAKMA : Pu Speaker, Aii-puk Department
pakhat atangin Material pek,
Farm pawh engber nge ni chiang
lo chu, Aii-puk nge Ai-puk zawk.

Farm pahnih awm em ni ? Hmanni ah CM in pakhat a ti si a,
kan Chief Minister zahawm takin Aii-puk Farming Society
tiin a sawi a. Engati nge Aii-puk Zau Co-operative Far-
ming Society tiin a sawi a, lehkha an chhuah. Pu Speaker,
hemi thil ah hian Opposition hian Opposition lam Member
zahawm tak tak te hian Parliamentary Enquiry Committee
kan Demand tawh a ni. Vawiin ah pawh Demand ang, nakinah
pawh Demand ang, mehse, kan ruling kan CM khan Opposition
thukha engahmah a ngai ta lo a ni tih kha a paww zawk
a ni. Under Parliamentary Democracy the Opposition why
should be had the Government should not keep a blind
Demand ? engvang nge ? engati nge ?

Kan CM zahawm takin tun thlenga
hemi chungchang ah kan Demand hi concept loh, Parliamen-
tary Committee din kha a hlau em ni ? engnge duh lo zawk
tiin vawiinah Sorkar atangin sawi fiahna kan duh a ni a. Pu
Speaker, hei Home Department ah khan HPC kidnapped tih kha
nimin ah Statement siam a ni a kan ngaihtuahna ah chuan
hmanni ah an kidnapped-a pawisa pekin a kidnap. mipuite
Sorkarin engnge ni... pein an chhuah ta a ni tih kha ka
sawi duh loh vangin kidnap em ni ? zawhna a awm anih hi
mipuiah.

A dawt lehah chuan HPCD claim engnge ni Sorkarah Demand a nei em ? A nei reng reng em? Sorkarin sawifiah a ngai a ni, an claim tawh em ? an Demand kha engnge. Chhinlung Hills Development Council Sorkar hmasa kha HPC non accord siamin Chhinlung Hills Development Council siam kha provision engemaw zat kha, provision thenkhat hlawhtling lo kha kan Sorkar hian engnge a fullfil tihsak dawn em ? tih hi zawhna ka zawt duh a. Refugee chungchang kha hei chanchinbu ah te a lang thin a, Sorkar kha refugee chungchang a buaipui a ni awm e, engzat nge awm ? Sorkar hian refugee te hi return turin facilities pe thei dawn em ? tih hi ka zawt duh a, BNLF te non Sorkar hian biak tan tawh em ni tih kha vawin ah House-ah Member zahawm takte hrilh sela ka duh a.

Tin, Home Guard chungchang ah kha (Speaker: Ngawi rawh) Ration Money te, Allowance te kan Sorkar hian pek theih em ? tih hi ka sawi duh a. Tin, additional Battalion hi theih em ? Anti Corruption hi a theih em ? duh leh CM chu Governor-in man mai ang chu maw le. Hemi hi Officer pek belhin pawisa pek belh in a sawi thei em tih kha ka zawt duh a. Pu Speaker, minute khat chiah Pu Speaker, min aubuai lutuk, Pu Speaker, Chawngte ah !Water Supply adequate lova. Chuvangin Greater Chawngte Water Supply ang ~~zawngin~~ hma a la thei ang em ? Tin, Sanitation Service hi pawisa dah tlem a ni a, Aizawl Greater Water Supply Scheme hi Pu Speaker, Complex, tender settlement kha dik lo ka ti a, a dik lohna chhan chu tender amount 33 crore a nih lain 99 crore pek kha chu dik lo ka ti,

PU R. LALZIRLIANA : Pu Speaker, ka lawm e. Demand No.27-na ah hian kan sawi ve ang a. Greater Aizawl Water Supply Scheme II hnuai hna thawh mek hi a tui pipe ber tur hi estimate aiin 4 inches in a te zawk e an ti a, a hmutu ten. Hei hi enchian a the hle in ka ring a, chutilochu a man kha a inthlau bhei hle dawn a; tin, mipuiton tui haw tama hlel hlel kan duh lain 4 inches ngawt a a tet chuan a fel dawn lo hle in a langa.

Tin, Pu Speaker, nimina ka zawhna chhan hman ve tak loh kha PHE -ah hian Caddy 150 Postable Electric Welder Single Phase hi mi engzat hnenah nge Supply pek a nih tih ka zawt a, mi 4 hnenah tih a ni a. Tin, he khawl hi cheng engzata supply tir nge a nih tih chu Rs.3,84,488/- an ti a. Hei hi Department approve a ni em ka ti a, Department hian a approve lo a, Department hian approve sate pawh a nei lo a. Chutiang chuan engtin- nge he khawl hi an supply tir theih ka ti a. Hei hi kan

Minister zahawm tak hian lo ennawn ngei sela. Ka hriat dan phei chuan EASB Company ah chuan he khaw! hi Rs.78,000/- man chauh a ni. Chu chu Rs.3,84,488/- in an supply tir a ni. Hei hi Departmental approve pawh nisi lo chu tu thuin nge an supply tih hi min lo ennawn sak sela tih ka han ngen duh a.

Tin, Pu Speaker, helaiia kan awmkhawm dan hi a chang chuan hriatthiam harsa ka ti deuh thin a. Nimin lamahte khan Food & Civil Supplies Minister zahawm tak khan a wind up naah khan Legal Metrology hi a ngaihpawimawh ber thu a sawi a, MLA ten kan sawipui lo kha mak a ti a. Amaherawhchu, Minister te hi engnge kan nih tih hi kan inhre lo emawni aw ka ti a. Sorkar an ni a, a sorkar ber chuan a demand-ah khan a ngaihpawimawh chu rawn telh mai sela, tiang chuan keini hian kan lo sawipui zawk tur a ni a. Kan nihna kan hre lo deuh thin em ni aw ka ti thin.

Horticulture ah hian kal leh daih ila. Nikumah khan Horticulture Department khan thlai tiak an sem hnem hle a. Thenkhat chu a tha a, a lawmawm a. Kaipawh ka huan-a phunah ka la ve nual a. Hatkora tiak ka lak dawn khan a semtu pakhat khan min lo duhsak deuh a, 'Ka pu, kha chu la suh, Sertawk a ni', a ti a. Hetiang hi tak tak a ni a, kan enfiah ngun a ngai hle in ka hria. Supply Order kan pek danah te hian kan Minister zahawm tak hian khilai atanga thu nei lo in Department Officer te, a hre zawk te hnenah hian tute nge Nursery nei, tute nge khatiang ching thin te kha zawtin Zoram tana hma nai tak tak an nih chuanin Department lam hotute hi ti thu deuh zawk sela, thlai tiak tha kan hmu theiin ka ring a. Chutiang a nih loh chuan tun atanga kum 7 velah hian thingtlanga kan lo neitu ten an thlai rah Hatkora emaw an tih kha an han lo dawn ang a, Sertawk a lo ni dawn si a. An thawhrim rah an hmu ve dawn tawh emaw an tih khan tahna in arawn zui dawn a ni tih kha ka han tarlang duh a. Tin, theifeimung tiak ka thianpa in a la ve a, tam tak a la a, an en chiang a, a zung a awm lo reng reng a, kawlawm a ni a. An lo fun bawk vel mai mai a, khur khatah a dah a, pakhatmah a nung lo a. Chu chu kan Minister zahawm tak in lo chhinchhiahin, tun hnu-ah chuan Nursery nei ngeite leh a kung nei a, kawlawm dik tak te hman tum sela. Vairengte leh hmun dang-ah te Nursery a tam mai a, chutiang a mite chu Supply pek dan te pawh a awm tawh lawm ni ka ti a. Chutiang a nih loh chuan nikumah te pawh an hralh leh a. An sawi ka hriat dan chuan a Department lama an lo lei sak a, engtin tin emaw an tikawi leh vel nite pawhin a lang a ni.

Pu Speaker, Home Department-ah hian, Police ah hian Demand 14-na ah kan kal ve ang a, nimin lamah kan Minister zahawm tak khan Statement a

pe a. HPCD ten mi pali (4) lai an rukbo. thu kan hria a, a vanduaithlak hle a ni. 31.3.2000-ah khan HPCD bawkin NEEPCO hnathawktute kha an rubo tawh baw a, ka lo hriat dan rinawm takah chuan Sorkar hian pawisa kan pelo an ti a, an tang tlat a, mahse an pe niin ka hria. Sorkar in pawisa petu tur mi pakhat an tir a, chu mi chu Sorkar pawisa kengin a zuk kal a, mahse, a pe kimlo nge ba an nei a, an bat avang chuan HPCD te hian bill hmasa tang nawr chhuah nan mi pali ngawt hi an rubo leh ta mai a ni, an ti. Pu Speaker, an bill tang nawrna tur hi demand engzatnge an neih leh dawn hriat a ni lova. Hel kan beihnaah hian kan Police te pawn an duhtawk loh hian kan bei niin ka hria a, a chhan chu an man hma lawka opeation han neite pawh khan Tuivaiah lawnglenga lokalte pawh an hmu reng a ni. Amaherawhchu, border an rawn close loh chuan kan police ten, sorkarin kan an awih silova. Khatiang anga kah an awih siloh chuan kan Police te hi an lo chang a an kap leh mai thin baw si a. Kut lukhum hian kan dah tak zet zet a ni wawiinniah hian kan Police te hi. Chuvangin sorkar hmasain a tih ang khan sawtah, Manipur, Imphalah Nagaland thleng thlengin an va um a. Chutiang chuanin kan rama min rawn thawnga hetiang ang a kan mi leh sate nuam lova awm tirtute hi chu kan bei let mai tur a ni. Chutiang lo chuan keini hi hel thin kan ni a, helte kha kan khawngaih ta lutuk em ni tih hi wawin niah hian ngaih-tuahna min neih tir tak zet zet a ni. Pu Speaker, thil pawl tak mai pakhat kan sawi leh duh chu ni 10.2.2001 khan Vaivakawn outpost a police te khu Sairang kawngah kalin Lalliankimi, Vaivakawn buhfai, kawng bul ami, bag 2, quintal khat a ni a, Bag te kg 50 ve ve. Chu chu an motor ah an load sak ringawt mai a. A lo nghaktu mi pakhat kha vauvin an motorah an load sak a. Tiang chuanin an kalbo pui ga a. Tihian a neitute hian an zawng an zawng a. A rutute khan an hre chhuak ta a. Chu a rutute chu Lalbiakthanga leh Thanchhunga, Vaivakawn Outpost a police te an ni a. Tihian, a neitunu hian hemite police hnenah hian pe leh turin a dil a. Min pek theih loh pawhin a pawisa talin min pe rawh u a ti a. Nimahsela anni chuan an vau ta zawk nghe nghe a. Tute nge kan nih, chhungte eng ang nge kan neih. Mi lian nge kan neih tih te in an van ani. Chu chu thil serious tak niin ka hria a, hei hi O/C pawhin an hriatpui tawh a, wawin hian ongtingmah tih loh in an awm ani.

Nimin 16/4/01 khan Vaivakawn Police baw hi Sairang kawngah Rangvamuala Pu Nguna Inah zu an check a, tahchuan bur 9, litre 10 bur an man a, nimahse heng police te baw hian Rs.800/- min pe la kan ngaidam ang che an ti a, Rs, 800/- a pe a,

an ngaidam ta a, bur l erawh chu an chhuh lui ani. Hetiang thil thlong hi a pawl hle ani. Kan ramah Dan leh Dun kongkawh tute hetiang anga an chet chuan thil pawl tak ani. Home Minister hian heng chungah hian a na thei ang berin action la sela, Police te hi an sual chuan mi tha police tang duh kan ngah lutuk a, heng hi ren turah ka ngai lo a ni. Ka lawm e.

PU VANLALHLANA

: Pu Speaker, ka lawm e, sawi tur a tam si a. kan sawi thuai thuai mai ang a, a hmasa berah chuan Agriculture Department

ah hian kan lut phawt ang a. Agriculture Department hi kan sorkarin ngaih pawl mawh a a neih a ni a, mahse kan demand bute han en hian a ngaih pawimawhna lai a lang lo ang reng hle mai a. Hei kuminah kian kum dang a kan hmun ngai loh performance budget document kan nei a, tichuan sorkar hmalakna te theih ang tawkin kan han zir a, mahse sorkar hmalak dan kha a eng nge tih kha ka hmuchhuak thiam miah lo mai a, ka hmuchhuah thiam loh lai a ber chu Agriculture Department-ah Land Development bikah hian he performance Budget ah hian sorkarin a hmalak chu machinery hmangin hectare 70.35 pawisa nuai 60 sengin performance budget-ah hian hma a la tih a tilang a ni. Tichuan member ten zawhna kan han zawt a, ni 24 March-ah chuan Land Development atan pawisa Rs.23,17,000 hman a ni a tih a ni a, chumi in a thawh theih chu hectare 51.48 a ni, tichuan Starred Question ni 11 April ah chuan zawhna chhanna ah chuan Land Development Machinery beihna a hmanah chuan pawisa Rs.65,70,000 hman a ni a, chumi pawisa hmang chuan hectare 146 Land Development siam a nih tur a lo lang leh a, tichuan kan Finance Minister budget speech hi kan en leh chuanin Land Development Wet Rice Cultivation by Mechanisation 200 hectares tih a lo ni leh ta a, a eng ber kha nge sorkarin hma a lakna lai a kha ka hrethiam lo a ni. Pawisa tam tak sen a ni a, pawisa sen na chih hrang hrang a awm a, zawhna an chhan apiangin hectare kha a danglam ta ziah mai a, chu chu a dik tak hi kan Minister hian min hrilh hi ka phut a ni. Tin, kha kha Machinery ah a ni ta. Land Development by Manual ah pawh a danglam ta vek a. Budget Speech ah hian hectare 144 hi Manual alaih a ti a. Mahse hetah question chhanna ah te Budget performance a lo langte kha a in ang leh ta miah lova. Heng hi chiang takin a eng ber hi nge pawm tur tih hi kan Minister hian min hrilh thei turah ka ngai a. Chu chu ka'n sawi hmasa lawk a ni.

Tin, Horticulture leh Agriculture Department chungchangah hian thlaichi Supply hi a namen lo hle mai a. Antam chi ringawt pawh quintal 500 a ni a. Mizoramah hian quintal 500 thehna tur hmun pawh hi kan nei reng reng em ni Pu Speaker. Heng hi Aii Puk atanga lo chhuak vek a ni. Chuvangin enfel a ngai hle a, kan sorkar hi a ti lang chiang em em mai hian ka hriana. Tichuan ka sawi leh duh chu tukinah khan report ka dawn danin Home Police chungchangah hian Arunachal Pradesh-ah khian Tirap District Khonsa Central Jail-ah khian Mizo tang an awm a ni. Chung Mizo tang paruk awm- te chu Mizoram chhung atanga hel pawlten Naga hel pawl- tona an hrueichhuah a ni a. Tichuan Arunachal Pradesh an thlen chuan hel pawl pakhat Siki ruk sakin an tlan- chhuak ta a Assam Rifles hnenah in surrender turin. An- ni chuanin an lo kawl ta a, tawng dang an thiam lova chuvangin Assam Rifles-ah chuan tawng let thiam Havildar Thangliana ruain Interogation te pawh an ti a, chung chu tunah hian Arunachal Pradesh Khonsa Central Jail-ah hian an la tang mek a ni a kan Mizo unaute an ni a, khawchhak lam a mite an ni a, khitilai khawbung bial, Champhai bial ti ang vel te. Chungang chu kan Sorkar hianin Mizoram chhung ngeiah hian la se a tha hlein ka hria a, chu chu House leh Minister te pawh kan hriattir duh a. Hemi Interpreter atana an hman Havildar Thangliana hi a pension tawh a, tunah Selingah khian a awm a, tukinah amah ngai pawh ka hia a, kan Mizo tang- te State danga hatiang a an awm hi kan sorkar hian a ngaih pawimawh a thain ka hria, a khuaa hi a hrechiang hlei thei lova, Interpreter a ni a, tawng danga khatia an inbiak, Mizo tawnga rei lote an inbiak pawh khanin rinhlalhna a an khah avang khanin an titawp zel a. Chuvangin Communication kha, khati zawnga, an address te kha hre tur kha chuan a ti hman bik lo a ni. An Jail tanna hming chu Khonsa Central Jail, Tirap District tih a ni. Tichuan Pu Speaker, kan sawi leh duh a chu Po- lice Department chungchangah hian hei kan sipaite min venghim turte an ni a; amaherawhchu, venhinna lam a in Private a hnathawhtir lamah kan chhawr nasa niin kan hria a. Hei MLA ngeite kan han kal a, Aii Puk-ah chuan Police C.M Security, Chief Minister venghim tura ngaih- te chu Aii Puk Farm Ngihbawihah Huan hnathawh tir an ni. Thingte an zai a, leite an lai a, kan han hmu a, khang ang kha kan Police te kan chhawr dan a nih chuan, Police an nihna a in Labour ang maia chhawr tawkah kan ngai em ni ? Chu chu Sorkarah kan Ministerten an en dan a nih chuan. Min venghimtu turte khatiang a kan chhawr kha a thiang lo va, chu chu Sorkar pawhin an sim' kha a tha in ka hria.

Tin, I.R 2nd Battalion kan din dawn a, Sorkarin, he IR Battalion din thar turah hian fitness te, Interview te, kan nei a, Mizo tlang- val 1000 tol an interview a ni a, tam tak chu thing- tlang atangin lo kal an ni a, hun sengin pawisa sengin

an lo kal a ni. Vawiin ni thlengin a result a la chhuak lova, amaherawhchu, Starred Question te, Unstarred Question te chhannaah chuan I.R Battalion tur hian tunhma M.A.P leh M.R.P panel list a dahtawh mi 20th chu I.R Battalion, 2nd Battalion din tura lak an ni a, tunah hian PTC-ah training mek an ni. Chutih lain I.R Battalion a tel ve duh em em kan tlangvalte thingtlang hmun hla tak tak atanga lo kal result hren beh a ni a. Hei hi hriat thiam a har hle in ka hria a, kan sorkar hian vawiin thleng hian hei hi a result a la ti-chhuak lo va, a la thei dawn ta lo nge? hetiang a p list atanga hnawkhahate an nih takah te pheih chuan hriatthiam hi a har hle in ka hria a.

Tin, he I.R 2nd Battalion a hman turongeni silai zathum Uttar Pradesh lam atangin lak a ni a. Chungah chuan zahnih chu silai hlui a ni a SLR silai, za hi a-thar an ni a. Heng hi sorkar hian a lei a ni em ni tih kha kan Minister in min hen hrilh-fiah sela ka duha. A lei anih chuan silai hlui a te kha a man te a tlawm duh em. Silai hlui zahnih a awm a silai thar za tih te kha report kan han hriat te a ni a. Chung a chu min han hhlilh-fiah turin ka duh a.

Tin, Mizoram hi kan ralmuang kan ti a, engchenge kan muan ang tih hi sawi thiam har ka ti a, Pu Speaker, ka ngahdan tak chuan zen pang tak chungah hian kan thu niin ka hria a. Silai licence kan pek chhuah dan a hi hei zawhna kan za a lang a. District thenkhatah pheih chuan a lo a luak chhuakin kan pe ta em ni ka ti deh a, Koalsib District ah chuan 1999 January atanga 2000 August thla vel thleng khan silai chi hrang hrang licence 22 pek a ni a, Mamit District ah 27 silai chi hrang hrang, Serchhip District ah silai chi hrang hrang licence 33 pek a ni a. Champhai bialah chuan 479 pek an ni, Champhai District ah hian engvanginngge heti em em a Arm Licence hi pek tam anih bik. Kan Chief Minister bial a ni a, kan Chief Minister in a recommend zawng zawng te khan an hru ta mai em ni. Hetiang a District khata Arm licence pek tam hi chu a dikin ka hre lo, Serchhip District-ah te, Mamit District-ah te, Kolasib District-ah te pawh sawmnga a tling lo, chutih lain a za tel 479 lai mai an pe hi Pu Speaker, a diklo em em mai hian ka hria a ni.

Tin, ka sawi leh duh a chu Home Guard chungchangah hian kan sawi tawh a. Vawiin ah hian ka'n sawi lan leh duh a chu nichin pawh khan sawi lan a ni tawh a. Kan Governor hian a speech ah meuh Rs.144/- atangin Rs.200/- ni khatah an hlawh tur hi tih san a ni tawh tiin a sawi a. Order te pawh a

chhuak a, ama 'rawhchu vawiin ni thlong hian hei hi zawm a la ni ho a ni. Kan Home Minister khanin Question Hour ah khan mi a tiam tawh te an ni a. Hei hi vawiin niah hian kan remind duh a ni.

A tawp nana Pu Speaker ka sawi leh duh a chu, PHE Department chungchang thu ah hian theihpatawpin sorkarin tan an la a. Drilling Machine hmanga tui pekna hi khua motor kal theihna ah chuan uar turin ka chah duh a. Tin, Sorkar hian tunah tui metre 327 a pe tawh a, pek vek hi, metre min vuah sak vek hi a tum tih kan hria a. Chutih lai chuan he tui metre min pek a hi Legal Metrology ten Clearance an pek a ni lo a ni. Chuvangin eng ang pawhin lo chhuak se mipuite hianin metre bill tui metre ina a rawn herchhuah pui a hi pek hi kan ba lo a ni. Legal Metrology ten Weight & Measure a thuneitu ten he tui metre a hi an certified a, licence an pek a, an certified hnu-ah chuan kan pe tur pawh a ni ang. Ama 'rawhchu, chutiang clearance chu an neih loh avangin mipuiin pek hi kan ba lem lo a ni tih kha kan sawi a ni e, Pu Speaker, ka lawm e.

S P E A K E R : Aw le, kan chawl rih ang a, Dar 2:00 P.M-ah kan lut leh dawn nia.

Meeting adjourned
1:05PM

Recess

S P E A K E R : Kan business-ah kan kal zel ang a, tunge sawi leh dawn ? Aw-le, Pu Lalrinzuala.

PU LALRINZUALA : Pu Speaker, ka lawm e, Demand sawi tur a tam a, i sawi zung zung ila, kan sawi kim hman lo ang a. Amaherawhchu, theih ang ang ka han sawi ang a.

A hmasabera ka'n sawi duk chu Demand No. 14 Police ah khan han sawi ka duh a. Hei Police, kan ram venghimtu te pawimawh dan sawi ngai lovin kan hre vek a. Anni tello chuan helai House chhunga awm te hi zankhat pawh kan awm thei lo ti ila kan tisial awm love. Chutianga pawimawh a ni a, kan ram pawh hi Hel-in min hual vel a, chumi karah chuan kan State te Remna leh Muanna, "The most peaceful State" kan ti a. Heng te hi State him ber kan nih theih nana thil pawimawh ber chu kan Police te anni e. Kan pha thei lovin ka ring. Chutihlai chuan kan Police te kan enkawl dan hi a tha tawk lovin ka hria. Mizo upa-in'Sakhua-in a ngek a hlawh' tih ang deuh hian, "An pawimawh a ni, an tha a ni" kan ti a. Amaherawhchu, an pawimawhna leh an thatna Sorkarin kan enkawl dan hi a tha lo hlein ka hria.

Thenkhat chauh han la chhuak ta ila, An hlawh chungchangah te hian entirnan A.S.I. of Police hlawh hi Pay Commission Revision hrang hrang lo awmah hian vawiinniah hian an rumin an tap takzet a. An level puite hi an tluk ta lova. Hei MLA te min han sem den den a, in hmu vekin kan ring a. Tunhmaa an hlawh tlukpuite chu vawiinniah chuan a tam pawlte chu 5500-9000/- ah an tan a. A tlem ber lawrlak ah hian Rs. 4000/- ah ASI ho hi an la thu ta a ni. Chumi dawtah chuan SI of Police ho pawh hi a tira an levelpui ten Rs. 6500/- a an tan tawh lai hian anni hian Rs. 5500/- ah tunah hian an tan mek a ni.a. Tin, Inspector pawh han en leh ta ila, an level pui ten tunhmaa pay revision-ah te Rs. 8000/- a an tan tawh lai hian Rs. 6500/- ah an la thu ta a ni. Pu Speaker, hetianga level puite tluk loh hi a hrehawm berin ka ring a. Vawin hian kan Police te hi han hel ve a, lungawi lohna han lantir a, strike ve thei loin kan phuar sauh sauhva hetianga khawpa an hlawh leh anmahni enkawl nana kan inphallo a nih si chuan chumi chu lungawilo awm khawmah kan siam ang a, nakinah chuan kan tuar tho tho-in ka ring a. Hei hi a serious em emin ka hria a. Chuvang chuan, vawin hian he House hian kan thinlung tak takin ngaihtuah ila, an level pui a te hi han pel rawh se ka ti pheih chu a ni lova. Amaherawhchu, mahni level puite na na na kha chu engah nge an phak loh

bik, hei hi kan ngaihtuah atan a pawimawhin ka hria a. Tin, chawhma lamah pawh kan ngaihtua tawh a, kan Police te hi ram veng tur atan keimahni leh kan ram veng tura tan lak an ni a. Tunlaia Opposition lampang amite kan nih vang nge an sawi ngamna kan nih vang ka hre lova, an sawi tam bera chu hlo kan thlo tawh lovang chu kan ti a, inhlawhfa chawpin kut hnathawhte kan tlansan ve tawh ang a, ram ven himnaah kan tui zawngah Police ang hian hna kan thawk ve ang chu kan ti a. Police-ah kan han tang a, amaherawhchu, kan hna tam ber chu hotute hlo thlawh hotute In sak, hotute hna thawh hi a ni tlat reng mai a an ti a, a then hi chu an beidawng lutuk, ban tum hi an awm thinin ka hria a. Tun hnai maia min rawn hmu tu thenkhat phei chuan strike ve thiang lo chu kan ni na a, Amaherawhchu, tun in sexion-ah hian kan tana eng kan hmuh loh chuan kan hma lama kan kal dan tur chu kan sawi ngam bik lo a ni te an ti tawh a ni.

Hei tunah pawh kan hria a, HPC 'D' in an han ru leh ta a. Mangan nikhua chuan nangni kan ti a. Tu pa thusawin emaw ni, hnathawh dawn chuan hreipui min pe a, chawei dawn chuan kan thleng min seng sak a, a tih ang kha a ni. Hnathawh tul hunah chuan hreipui kan pe a, chem kan pe a. Amaherawhchu, a ei hun ah chuan an thleng kan seng sak tlat mai hi a ni a. Chuvang chuan helai hi kan ngaihtuah chian pawimawhin ka hria a. Chu chu kan Minister pawhin thahnemngai lehzualin han nawr pui sela ka duh a.

Tin, chubakah chuan, promotion ah pawh hian tul lovah kan tibuai rei lutuk niin ka hria a. Deputy S.P. atanga Addl.S.P. kai tur te, Inspector atanga DSP kai tur te, MPSC in an lo recommend tawh an zavaia belh khawma mi 17, rei tak pendinga an awm tlat te a paw em em hian ka hria a. He department hi lungawi lo department-ah kan siam mai ang tih ka hlau a. Chumi a nih chuan kan ram hian a tuar lutuk dawn tlat a. Chuvang chuan, hengte pawh hi engatinge ni MPSC in a lo recommend tawh hi kal tlang pui mai ni ta sela, a dik takin a chhuanlam chu a tam, kan hre vek mai a. Amaherawhchu, hun ka neih loh avangin ka sawi vek seng lovang a. DP&AR lam atanga chutiang anga ngaihtuah leh ni ta se an ti a. Amaherawhchu, an lo ngaihtuah tawh dana hi ngaihtuah nawn leh tur pawn ti dawn ta ang sela, tunah hian MPSC ah chuan Member pakhat chauh kan nei a, a dang kan dah belh si lova. A chhan te pawh hi an han sawi a, House Leader Sephung laihpui thin a ni a, Lalberah dah a tum si a, chu mi avang chuan dah a thiang lo a ni te an ti a; a dik a nih phei chuan khang han ngahte chu mi zawng zawng hi kan tikhawtlai dawn a ni mai a.

Chutiang ang body pawh kan la neih loh lai si chuan ngaihtuahuin an lo ngaihtuah tawh anga hi champion pui ni sela a lawmawm ngawtin ka ring a. Hei hi kan Home Minister hian min han hriatpui se ka duh a.

Tin, Pu Speaker, hun ka neih rei loh avangin PHE ah han kai ila, lawmthu sawi tur tam tak ka nei niin ka hria a. Hei, mihring, Pathianin min siam danah hian 2/3 tui kan ni a, kan mamawh a tam bawk a. Chumi avang chuan kan sawi thin a. Minister then-khat ka cut mai ang an tih laia khatanga kan mamawh tam tak min tih saka, chuvang chuan hetah hian lawmthu kan sawi duh a.

Tin, chumi piah lamah chuan Bunghmun tuilak min siamsak a. A hnathawk tute tan leh tin, ka bial Bunghmun hi, khu border a ni a, Officer leh Officer lo te pawh thleng se thlenna tur pakhatmah a awm lova. Harsatna kan nei a, PHE Department hian hmun dang ah an ti ngai lo a nih pawhin thil dang lian tham lokal pakhat mah a awm loh avangin Rest House hi min siamsak sela, a thawktute tan pawh a pawimawh a, min lo sawipui tsh an ti ve bawk a, chuvang chuan, kan PHE Minister kan ngen duh a ni.

Tin, Buarpu, Buarpu Constituency tiin a hming putu ber tui harsat dan te kan hria a. Motora tui lakna te, Motora tuisem te min tihsaka, a tawk lo hle a, Buarpu bul lawkah tui lak tur hnaivai a awm a, Hengte hi min tihsak sela ka duh hle mai.

Tin, Pu Speaker, a pawimawh ber Aii Puk Scandal Department hi sawi ka duh a ni. Hei hi a pawimawh em em a. A demand rawn siamtu hi ka khawngaih a. A chhan chu a pawimawh (kha lei an commander-a kha lo ngawi hram hram sela ka duh a. Kan Lunglei High Power Committee Vice Chairman a ni a, a chhuanawm tehlu nen, kha lam atang khan an commander an neih chhun a ni a, a pawi khawp mai). Tichuan, Pu Speaker Aii Puk scandal Department hi han sawi ka duh chu M.O.S. hi engmah hi a pawimawhna phe chu a nih ka ring lo, a hre pha pawhin ka hre lo va. Kan chhut kan chhut a, tunah pawh hian kha Aii Puk scandal department ah khan thil mak tak chu galvanised wire 600 quintal ah hian 450 quintal an pe a. A roll-a chu 1200 roll a ni. Roll pakhatah hian 38 Kg te a awm a, an receive ngam lo a, mahse, a chungbera Aii Puk khanin lo ti mai rawh u a tih avangin an receive leh ta a. Tunah hian district ah an han sem darh leh ta a. Pu Speaker, hei hi enfiah a ngai a ni. Chumi karah chuan 150 quintal hi a bo a ni. He department, he eiru department hi chu tih tawp tur niin ka hria.

Tin, vawina chhanna kan han hmuhah te khan Farm Road kan ti, siam nate kha a gang lutuk a. Rs. 45,351/- per Km. an ti a, a leilet siamna tur kha Km 45,000 a ni a. A Leilet siamna aia tam kha Farm Road a Leilet inkar kalna mai mai tur, dik tak chuan thil awmlo a ni a, a zahthlak lutuk.

PU C. THANGHLUNA' : Pu Speaker, ka lawm e. Home Guard hlawh chungchang sawi ka duh a. An hlawh chungchang a kan Home Minister zahawm takin a chhannaah khan allowances te kha pe daih tawhin a insawi a. Mahse, Home Guard te hlawh lak dan leh an allowance te hi an hotute hian an pek dan hi a in ang lo nge ni? vawiinni thleng hian allowances kha la la lo an awm tlat mai a. Washing allowance Rs. 25/- te, Out of pocket allowances Rs. 25/- te, pawh hi Home Guard thenkhat chhim lam a mite chuan an la la lo reng reng a. Lawngtlai a Home Guard te chuan April ni 6 khan lehkhah ziakin min rawn thawn a. He House ah ngei hian sawi chhuak turin min rawn ngen a, chumi an lehkhah pawh chu hei hi e ni a. Hei Home Guard ho hian an hlawh Rs. 3000/- chiah chiah, ni khata Rs. 100/- zel hlawhin an duty, duty allowance an ti a. Rs. 3000/- chiah chu an la a. Vawiinni thleng hian allowance an la la lo a ni, tiin an sawi a. Chu chu kan Home Minister zahawm tak khan min chhuisak ka duh a. Home Guard pawh engati nge heng laiah Rs. 3000/- chuang thenkhatin an la a, saw lam chhim lam ami tena vawiinni thlenga Rs. 3000/- an lak bik? An hotute nian an pe kim lo nge? Enge ni? kha kha ka han sawi lang duh a.

Tin, Police lam bawh kha han sawi leh ila. I.R. Battalion thar tura Sports, Physical fitness leh Interview-na bei tawh tute zingah khan engzat nge lak ni tawh a, tute nge an nih tih unstarred question, ka zawhna Home Minister zahawm takin min chhannaah khan a list min rawn pe a. Chutah chuan mi 200 lak an ni a. Ka han en a, Chhim lam atangin an awm ve em ka ti a, pakhatmah ka hmu lova. Chhim lam atanga Police pakhatmah tling ve ta lo hi, physical fitness ah te, interview ah te hian an tling lo hrim hrim nge ni a, Mizoram min enkawl danah hian kan Home Minister hian hleih nei takin min enkawl nge? a Police lak danah te pawh hian a va han rual lo em em ve, hetiang tur hi em ni ang? kan Home Minister zahawm tak khan min lo enchian sak leh aten ka duh a, ka han sawi leh a ni a.

Tin, Water Supply chungchangah hian han sawi leh hlek ka duh a, tun hma kha chuan PHE Department hian tui lak tur mumal tak an lak hma pawh hian khaw thenkhatah chuan tui pipe supply hi an tiang erh urh mai a, an dah rei em em thin a. Amaherawhchu, tunah chuan engkim tui lak tur tha tak tak te pawh ruahmanna a awm vek hnuin, tui pipe an neih loh avangin a hna kha thawk thei lovin, rei tak an awm a, chutiang chuan saw lam, Chhim lamah te pawh tui pipe a thleng tan tawh e, a ti a, tui pipe stock an neih loh avangin hna a kal thei lova. Tui pipe a tui lak a nih loh chuan tui-khur te te, PHE in an siam ve reng reng hi kan Minister te hian an mi duhsak zawngte pek atan Chit order an pe zel a, rintlakin pakhat mah an thawk silova. Chuvangin a tha berah chuan an hna hi politic take pek an nih avang-

in rintlak in thawk duh lova, intact pawh nise, reservoir pawh nise, tunah chuan a tha bera ka ngaih chu PHE Department hian Government contractor hi a hranin nei sela, hna thawk chhe lutuk ho reng reng hi an registration cancelled emaw, hremna engemaw kha awm thei se chuan a thain a rintlak deuh ang tih ka ring.

Tin, ka sawi tawh watuampui W/S pawh kha a dik tak chuan concrete an chung ve a, hei zungte leng leng hian a pawp hrup mai a nia. Khatiang tui tlin tir tum chu a ngaihna a awm lo reng reng. Registered a ni bawk si lova, kha kha an hnathawh dan a ni tlat a, kha kha departmental work a ti leh nghal a. Department in a departmenta an thawk a nih chuan a beidawnthlak hle a ni. Department hming pawh a chhe lutuk. Khatiang kha chu a ngaihna a awm lo. Hna thawh nana pawisa kan senna ang ngeia kan ram tana hna kan thawh hi a pawimawh hlein ka hria a.

Tin, chubakah chuan Agriculture hi sawi tlakah pawh ka ngai tawh lova, Ei leh bara intodelh te kan han ti a, tun term hi a han ral ang a, kan intodelh loh dan tur hi chu a chiang khawp mai a. An thil han tihdan reng rengah hian a in-todelhna tur lam hi a hawi lo a ni. Sum leh paia a Department a Minister te intodelh na lam tur hawi vek hi niin ka hria a, ei leh barah hi chuan kan into-delh lo hle ang. Pu Chairman, hun a lo tawp ang a, vawinnia ka sawi hi a takna a lang ang. Budget han en ila, material supply na hi a tam em em a, tunah pawh hian hei material supply tur ringawt pawh hian lakhs 230 a awm a, tin CSS atanga an rawn pek tur a token 5000 te singkhat te lek lek chahna a tam bawk a, material supply hian a budget hi a khat a ni deuh thaw mai a, material supply tih leh nichina an han sawi Aii Puk kha a inhlal lo a ni. Kha khan tum a nei tlat, tin, kha lam kha chu a hriat leh a sawi pawh hi a ninawm tawh a, keini hian sawi sawi ila, inhnial ila, a awih duhin an awih a, a awi duh lovin an awi lo tlat a. Amaherawh chu, kan thiltih dan hrechiang em em tu leh hmu rengtu Pathian a awm a ni. Chung lam a mi khi ti ila, khi khian a hrechiang em em mai. sawi mam mai mai chi pawh an chuang lo a.

Tuna ka'n sawi duh chu Thlaichi supply chungchang hi a ni. Pawisa hi Department danga indaih lo em em a nih lain Agriculture department hian an hman sen loh hian pawisa an nei tlat a. An ren lo lutuk an thlaichi supply dante hi keini Lawngtlai engmaha duhsakna awm ngailo thlaichi supply-an chuan min duhsak lo chung chung pawhin kan chin sen loh Bekang chi leh Behlawi a pil na chi ei theih miah loh tam lutuk an rawh dah a, kan ching seng thlawt lo a ni. Sub-Divisional Agriculture Office in kudam an nei a. Behlawi chi quintal 30, Bekang chi quintal 50 an rawn dah ve a. Thehtawpin a free in sem tur or pek tur an han zawng a, mi thenkhat ten an la ve bawk a, amaherawhchu hmun sawma thena hmun khat pawh an sem hlei

thei lo. Behlawi chi te chu an han ching a, a na chi a lo ni a, ei theih miah loh, Bekang chi lah kha a thar rang chi a lo ni a, a buk chu kuttum tia tawk a tling thei a. Khatiang thlaichi han lak chhuahte kha, Pu Chairman, sawi duh an awm vak lova, pahnih sawi ai ka sawi dawn a. Agriculture Department ah hian thlaichi heti em ema an supply hi kan mamawh chu nisela, a lawm awm a ni. Kan mamawh loh thleng thlenga pawisa hmanana hre lova an han supply mai, tunah sawn a lung nuai nuai mai a ni. Pawisa hman sen loh nei ang hrime khawhral mai mai hi a uiawm em em a ni. Department dangah kan duh-khawp pawisa a awm lo tih a ni reng si a. Agriculture Department-ah chuan pawisa hman sen loh an nei a ni berin alang. Tunah chuan a rahchhuak leh a intodelh lam ni lovin a chi-ah hian kan intodelh lutuk a, han china han thidanglama lei a chin ngai lo khawpin a chi hi kan la seng thlawt tawh lo a ni.

Amaherawhchu, a chi a pawh kha ei tlak loh, Vawk tan pawh ei tlak loh, ran tan pawh ei tlak loh, ran tan pawh ei tlak loh hman tlak loh vek khawi atangin nge khing khi an phurh chhua min rawn pek, tam hruai a ni zawk ngawt hian ka hria a ni. Chumi ka han sawi duhna chhan chu kan thlai chi te hi a tha chi, a hlawk chi ni thei sela a lawmawm tur a ni a, khatiang a chin tlak si loha pawisa paiha kha a awmia taka chu Agriculture-ah intodelh ila tih ni lovin kan mi duhsak zawngte, sum leh paia vur tumna mai mai a ni a, a rawn supply-tute hi kan sawi ang khan tutenge ti ila, Minister chhungte vek zu ni zel a. Party-a mihachte aiin Minister chhungte vek an ni. Chuvangin Agriculture-ah hi chuan kan intodelh dawn lo hrim hrim niin a lang a. Tin, Leilet tur tha tak tak te pawh kan nei a, kan District Council-ah sum leh pai a tlem em em si a, Leilet han siam ve na tham pawh a awm si lova. Mizoram Agriculture Department-in min rawn cover duh bawk si lova. Tuichawng luidung ram tha zawng zawngte pawh siam tumna a awm lo, Tui lak tur te pawh tam tak tuilak ngai tam tak kan nei a, Tui inlak sak pawh a awm si lo. Chuvangin, tuteemaw Agriculture Department-a pawisa kan dah hian an intodelh em em ang a, mipui erawhchu kan tam reng dawn a ni. Pu Chairman ka lawm e.

PU. K. T. ROKHAW : Pu Chairman, ka lawm e. A hmasain Home Department hi sawi ka tum a, hei kan Minister zahawm tak khan min lo ngaih pawimawhsak sela, a pawimawh khawpin ka hria, Home Guard chungchang hi.

Home Guard-te hi dt. 15.12.1999 ah order chhuakah chuan an duty allowance hi Rs. 100/- per head per day tih a ni a. Washing allowance Rs. 25/- per head per month a ni a. Chuan messing allowance hi Rs. 50/- per head per day tih a ni a. Tin, out of pocket allowance

hi Rs. 25/- per head per day tih a ni a. Mahse, kan Minister-ina ni 10.4.2001 tun Session-a answered question 123-na Pu Vanlalhlana question a chhannaah khan messing allowance hi Rs. 50/- per head per day tih a ni a. During training only tih kha a belh a ni. A order nen khan a innil tlat lo a ni. Chuan out of pocket allowance hi Rs. 25/- per head per day .a ti a. During training only tih kha a belh leh ta a ni. Chuvangin Pu Chairman, hei a order ka nei a, hei hi a order chu a ni. Ni 15.12.1990 ah hetah hian messing allowance hi Rs. 80/- per head per day a ni a, during training only tih hi a inziak lo reng reng, a order ah hian. Engatinge Home Guard te hi Home Guard an nih avanga hetiang hian kan tih mai mai. Hei hi a na ka ti khawp a. A chhan chu an hlawn hi thlakhat ah avain Rs. 3000/- tawr vel a ni a. Chutah chuan Home Minister chhannaah hian kan pe zel e a ti a. An la pe reng reng lo tun thleng hian an la pe lo a ni. Tin, chumi bakah an messing allowance cheng sawnga per head per day ni turah khan nitin a an hlawn tur leh out of pocket nitin Rs. 25/- an hlawn tura kha during training only tih an belh sak leh ta a ni. Chuvangin, kan Home Minister hian hei hi an order kalhin a chhanna hi a ni tiin he House hi ka hrilh duh a. Chuvangin tun chinah chuan hemi an hlawn ang thlap hian pek ni tawh sela a lawmawm viau ang.

Tin, Pu Chairman, a pahnihaah chuan Police he hi Rifle allowance Rs. 4/- ni thin akha Rs. 70/- a tihpun a ni ang tih leh Ration money Rs. 350/- ni thin kha Rs. 600/- a tihpun a ni ang tih a ni. P.T.C. Training Centre passing parade neihah kan Home Minister zahawm tak hian a puang a. Chuan Police ho pawhin an head quarter tinah an puang bawk a ni. Mahse tun thleng in pek an la ni lova. Hei hi engpawh nise pek ni tawh sela, hmannah an roll call-ah zingah ka zu kal ve a, Police ho rawn kal reng reng kha, roll call tura rawn kal ho kha P.W.D. leh P.H.E. a labour ang main an thawmhnaw kha a hran hran a ni a. Engtizia nge ni ka ti a, clothing min pe thei bawk si lova, chuvangin clothing te pawl hi a hun takah tun chinah chuan supply ni tawh sela.

Tin, a palinaah chuan an TA/DA te hi kan ngaipawimawh lo lutuk a, an TA/DA pawh hi tunah hian kum 2000 March leh April thleng chauh kan pe a ni. Chuvangin kan Police te hi lungawi ngaihna a awm lova, hna-thawh that ngaihna a awm lo a ni tih kan hriat a pawimawh in ka hria a.

Tin, Law & Order ah hian kan fail khawp mai a, tun kan sorkar hian. Tunah Pu J.Lian-chungnunga rawktute kan la man lova, tin D.F.O. Bethlehem a rawk tute pawh kha kan la man lo bawk a, Buichali a Driver kaphlumtu te pawh tunah hian kan la man lo a ni. Tin, thil mak pakhat BNLF Assam Police in min man sak pahni an man tawh hnuin Bairabi ah chhuah an ni a, kan Home Minister Press Conference-ah khan Co-Operation matter a ni e, a ti ringawt mai a, mahse, engatinge chutiang anih

si chuan Bairabi Police Station atang khan escape case a siam sak a nih leh si, khami 2 an chhuah te kha ? chu chu kan Home Minister hian min hrilhfiyah sela a tha khawpin ka hria a.

Tin, chumi bakah ASI Police ho hi an basic pay hi Rs. 4,000/- a ni a, excise a ASI basic pay chu Rs. 5,000/- a ni a. ASI ve ve hetiang taka a inthlah theih hi a mak ka ti a. Engpawh nise kan sorkar hian hei hi chu a rang thei ang bera en ni sela, tih fel sak nghal nisela tih ka lo ngen duh a. Kan Home Minister pawhin hei hi chu tihfel sak thuai a ni ang a a tih angin, hei hi a pawimawh khawpin ka hria.

Tin, Pistol a number chu Pu Chairman, pathum a ni a, a number chu - 070333, 070459 leh 070439 Police in an man a. Hei hi exhibit court case a awm lai mek a ni. Hetiang Pistol hi civilian ho tan kawl a thiang lova, Police hovin an kawl thei a. Chutiang anih lai chuan kan Home Minister hian he Pistol hi a naute pathum zuk pe mai a mawle. Chuvangin Pu Chairman, hetiang civilian a Pistol kawl thiang lo kan Home Minister in a chumi Dan a bawhchhe tlat a nih chuan engtingge Dan ang thlapin thil kan tih theih ang ? Chuvangin kan Home Minister in he thil hisawifiyah sela, a lawmawm viau ang. Hei hi a pawimawh khawpin ka hria.

Tin, tunah hian Law & Order ah hian kan failed khawp a. Hmannia khulai Driver kaplum tute pawh kha an lehkha ziahah khan thunder force tih a ni a. Congress Sorkar lai khan khatianga revolutionary army inti te, Zoram thuhruk inti pawl te kha an Seal atangin an man mai a ni. Engatinge wawinah hian tuna hemi te hi tun thlenga kan Police te hian an la man loh kan tih chuan kan Police ho hi an lungawi lova. Sorkar in an chungah tihtur kan tih loh avangin wawinah hian hmana Congress hun laia Police tho kha Police an la ni a. Engatinge tunah hian he Sorkar hi Law & Order ah kan fail tak kan tih chuan an lungawina turin thil kan tihsak tawkl a ni tih hi kan hriat a pawimawh khawpin ka hria, Pu Chairman.

Tin, Pu Chairman, hei Agriculture-ah hian tlemte han sawi ve ka duh a. Seed and seedling supply naah ngawt hian 4,88,99,251/- a ni a. Chuan wawinah hian ei leh bara intodelh policy kan ti a. Chutah chuan buh chinna tur atana pawisa kan hman chu nuai 60 lek nia mawle. Chuvangin Pu Chairman engtingge ni ei leh barah intodelhna tur nuai 60 kan hman lain seed and seedling-ah hian vaibelchhe 4 chuang kan la hmang a ni a. Chuvangin, hei hi ei leh bar intodelhna kawnga kan policy nen hian a inpersan hlein ka hria a. Tin, Agriculture Minister khan min lo hriatsak thaa ka hriat chu link road leh land development-ah hian Aizawl West Agriculture District-ah hian nuai 60 te nuai 50 te kan pek lain Lunglei leh Chhimtuipuiyah chuan Lunglei ah nuai 15 an pe hram a.

Chhimtuipuih chuan nuai 3 lek min pe a ni. Chuvangin, kan Agriculture Minister pawh hi a lehlamah chuan Lunglei chhuak a ni a. Lunglei Agriculture Division atana nuai 15 chauh hi a dah thei a, Chhimtuipuih pheih chuan nuai 3 chauh a ni a. Chuvangin Chhim lamah chuan Sorkar hian min ngai pawimawh tawlo a ni tih hi a chiang khawpin ka hria a. Engpawh nise kan Minister hian kan rural ho te pawh saw lo tlawh sela theih tawpin hma la ve sela kan duh a.

A tawpnaah chuan PHE ah hian kan PHE Minister hriat atan tlem han sawi zawk ka duh chu, hmanni khan MTP Conference Tuipang-ah kan nei a. Tuipang khi Tui a vang khawp mai a, kan Home Minister hma lakna zarah MTP Conference tha takin kan hmang thei a. Tui indaih tawkin min pe a, kan lawm viau a ni tih kha ka han sawi nawn leh duh a. Tin, Tuipang hi tui a vang khawp a, engpawh nise Tui lak theih dan kawng hi min ngaihtuah sak se tih hi ka lo ngen duh a ni e, Ka lawm e.

DR. LALZAMA

: Pu Chairman, hun min pek avangin ka lawm e. Kan Demand han sawi hi a pawimawh khawp a, eng pawh niselangin, ka'n tarlan hma-sak duh chu thil awm lote hi thenkhatin kan sawi kan sawi mai a. thil awmte pawh hi sawi thain ka hria a. Tin, kan hmabak tihtur pawimawh tak takte sawite hi a tha a. Tin, lehlamah chuan, kum 4 vel naupangin a nu leh a pa a ring em em a thil tithei vek turah a ngai ang deuhin thenkhat hi chuan kan ring lutuk emaw ni aw tih min ngaihtuah tir a, a chhan chu kum 2/1 lek chhunga Mizoram mipui rethei tawhte intodelhna tura hma lakna hi chuti teh thut hi chuan a ni lo tih kan hriat hmasak thain ka hria a. Kum 2/1 lek keinin kan intodelh tir puk mai hi chuan tun hma lama Sorkar awm hmasa zawng zawngte tan a mualpho thlak lutuk dawn te hian ka ngaihtuah a ni. Chuvang chuanin, Pu Chairman, kan rilru put dan tur hmang ngaihtuah thiam hi a ngaiin ka hria a, kum 2 lek chhung a han tih vek mai hi chu a har a ni tih lo hre phawt ila, tha ka ti phawt a ni. Engpawh nisela hmalakna theih ang tawkin a awm a, tin, duhthawh pawh a na a. Vawinah hian Sorkar hmalakna hi a tawka a a duhthusam awm a ni ti a sawi bik tur pawh a ni chuang lova, tangka harsatna karah duhthawh a na em em theuh a ni tih chu kan hre tlang ang a.

Tichuan Pu Chairman, tunahte khan chulai khalaiah chuan pawisa pawh an pe tam hle a ni, tih te pawh kan han ngaithla a. A lehlamah chuan dik pawh a dik ang a. Mahse, thil ti tak tak leh tak tak le thei sem rual ringawt hi chu a dik lohna lai a awm a ni. A ti tak tak pek tlak awm a ni a. Heng te hi kan hriat a ngai a, Phungthlua khawi lai emawa han sem darh ve ringawt te hi failna a ni. Tichuan Pu Speaker, kan tarlan duh chu, Mizoram hmasawma tura thil tih that pawimawh tak tak atam khawp a. Hengte hi tarlan vek theih pawh chak-

awmin ka hria a. Hei PHE lampang atangte pawhin Greater Aizawl Water Supply Scheme Phase - II han tihte pawh kha, tunah heih mup mup tawh a ni a. Hengte hi nichinah pawh kan tarlan tawh kha, a ropuiin ka hria a. Champhaiah te pawh, chutiingin Greater Champhai Water Supply Scheme han tih te pawh kha tan a ni tawh a. Tihian hmun hrang hrangah thingtlang khuaah te pawh pipe a laka tui hnianghnar ngai lovah hnianghnar a lo ni sup sup ta mai hi kan ram hmasawna lian tak a ni a, hei hi Hriselna atar pawh a tha a, fai te a tha a, fai te hi ram hmasawna a ni tih te hi kan hriat a pawimawh em em mai a ni.

Tin, chubakah chuan Link drain pawh siam a ni a. Heng kawngah pawh hian hma han la chho zel sela, a Department hian thain ka hria a. A chhan chu kan ram leilung hi a nem a, tui luanna fel tak tak hi siam a ngain a hun takmeuh a, lei tlahniam te pawh hmun hrang hrangah a awm hi.

Tichuan, tui in tura intodelhna kawngah hian, Tuikhur han siam te, Rain Water Harvesting Scheme an ti a, heta tanga Tuizem han siam te hi hmannah pawh kan ngaihthlak kha khaw tam takah chhungkaw tam tak in an dawng a, Tuikhur pawh kan siam belh a, tunah pawh siam tur a la awm bawk nen, Tuiah hian kan hnianghnar ve hret hret dawn niin a lang a, thil lawmawm tak niin ka hre nghe nghe a ni.

Tin, Pu Speaker, Police lam atang hianin Budget han en hian nikum lam ai chuan a tam tha viauvin kan hria a, lawmawm ka ti a. Police Department hi pawimawh deuh mai a ni a, Law and Order kengtu leh kan hmanrua te an ni a. A fail a ni tih te an han sawi a. Amaherawhchu, kan hriat atana ka duh chu, kan Ram hi State pawn atanga hel pawl ten an rawn khawih buai chang a awm zauh zauh a. A zawn zawn hi chu kan Police te tan pawh thil harsa tak a awm ni pawhin ka hria a. Kan Police te hi an huaisen tawk a, an taimaa, an chak tawk a ni tih kan hriat hi a pawimawh a. Tin, hei tunah pawh I.R. Battalion thar din a ni dawn a, Khawzawlah Headquarters tur buatsaih a ni a. Tin, Police Training Centre Thenzawlah te kan buatsaih chho zel a. Hmasawna lian tak Police Department-ah hian, Staff Quarter sak tur te, tiang khan rushman chhoh ut ut zel a ni a, Staff Quarter tur 96 lai sak tur tih te a ni a. Chuvangchuan, kan hmasawna hi a ropui em em mai a, tun hma kum 3 kal ta te ngaihtuah chuan nasa takin kan kang chho mek tih a hriat a ni.

Pu Chairman, pakhat ka sawi leh duh chu Horti lam atang hian Sapthei te, Hatkora te 1 leh Balhla te, Serthlum te, Grep te, Kuhva te, Alu te, kut hnathawktute tan kan intodelhna tura chin tur, hmalakna ropui tak tak kan hmu a. Heng hi thil ropui tak mai, kut hnathawktute leh thingtlang hla zawk deuh te tan pawh hna thawh tur pawimawh tak tak a ni a. Tin, hei Aii Puk tihvel kha an sawi thin a, ka bial chhung a ni

bawk a. Pu Chairman, han sawifiah ve leh deuh hlek hi thain ka hria a. Helai hi kan hriatchian a pawimawh a. Aii Puk an tih chu Sihphir - Neihbawiha LAD bawlhhlawh paihna peng, zawn hnuai zau pheh zawn zawn saw a ni ta a, khimi zau zawn zawn khi, Aii Puk lai tak pawh hi kawng thlangah khian a awm a, kan han hmu emaw. Kan thian thenkhatte hi an tui viau mai a, nakinah Session zawhah hian kal a, han en pui vek hi a tha awm mang e ka ti a. Engpawhnisela, Pu Chairman, a hungna khitiang chi khi hmuh theih vekin a awm a. Eiruk leh tihruk hi hmuh theih a ni ngai lo tih kan hriat a pawimawh a ni. Pu Ramnghaka te leh a thenawm ramte khi hung chhoh zui a ni a. Khingte khi han en tlan a thain ka hria, a kal vel zawn zawn hian an hmu a, link road pawh laih a ni a, chutiang chuan a hmandan tur diktak ah heng hmanruate hi hman a ni tih kan hriat a tha.

Tin, Pu Chairman, Sihphir ah khian Dakla Lui zau te, Bangla zaute, Chamdur zau te, Vailui zaute a awm a, Vasih zaute, Hatkora zaute a awm a, Aii Puk zaute a awm a, Farm nei ho zawn zawn khan Association an din a, tanpuina pawh Sorkar atangin an hmu thin a ni a. An hmu zel ang a, a changin a zamna tur thirzai te, tuikhuah laihnate pawh an pe a. A chang leh a hungna te, a chang leh a panna kawng laihna/link road laihnate an hmu a. Chuvangin hei hi Department hmalakna a ni a.

Tin, Rangvamual Kawrthindeng zau pawh hi pek an ni a, Aii Puk lo ah pawh pek a ni a, kawrthindeng zau ah pawh khuan Society an awm ve a, Member pawh 25 an ni a, link road pawh 2 1/2 Km laih sak an ni a, a huan mawng ber thlang pawh hian Motor a kal thei a. Tin, Tanky pawh feet 24x12 in siam sak an ni tawh a, Pu P.B. Rosanga kan MLA zahawm tak pawh hian a neihna a ni nghe nghe a, a huan terrace chung a siam a ni a, a tui lak na Maumual ram atangin Pipe 68 leh Alluminium Pipe pawh 17 an nei tel bawk a. Kan member zahawm tak huan chhunga awm hi a ni a, a zau a mite hian an duh angin an hmang tha thei lova, a vui pawh an vui deuh nghe nghe a ni. Chutiang chuan enghmun ami pawh hi kan Sorkar hmalaknaah hian tanpuina an pe zel dawn a ni. Tin, intodelhna turin thlai chi hrang hrang kan chin theihna tura hmalakna kha a ni. Chutiang chuan heng laiah pawh hian kan member zahawmtak dengte pawn an nei a ni (Pu Zakhu... hriat theih loh) Ti thei e. Nia, chuvangin a man pawh hi Rs. 1,34,500 tih a ni a. Chuvangin hei hi (PU ZAKHU HLYCHHO : Clarified a ngai a ni) Pu Chairman, hei hmun dangah pawh pek a nih tho dan ka'n sawi mai a ni. Chu chu a ni a. Hmun dangah pawh pek a ni zel dawn. A chang chuan laih sak te pawh a ni ang a, a chang chuan (PU ZAKHU - MLA chuan a hre tur a ni a, a bial a hria a nih chuan khami) A tuikhuahte pawh a ni ang a, a chang chuan a link road te pawh a ni ang a, a chang chuan tuikhuah siamnate pawh a ni ang a, a chang chuan a zamna thirzai pawh a ni ang a. Chutiang chuanin pek a ni a. Chu chu a kalphung a ni.

Pu Chairman, tunah pawh hian ka bial chhungah pawh khatianga a zauvin a pe a ni. Khilala Sihphir khawtlang ngei pawh khianin, hei hi chu pawh an ti a ni. Nizan te ngei pawh khan Sihphirah kan Party ah hian mi 81 lai kan lawm luh phah a ni. Pu Chairman. (PU LALRINZUALA : 50% subsidy a ni chung pawh khan bazar rate ain a la to zawk a ni... Chuvang chuan dawt tan a nang meuh in ding kha chu i inhme lo a nia) Department lamah pawh hianin intodelhna tura Sorkar-in hma an lak chhohnaah hianin a fakawm ka ti a, lak chhoh zel rih hi a pawimawh a, kumtin hian Horti leh Agri atang hian thingtlang khaw hla zawk leh helai khawpui chhehvel atangte leh keima bial chhung ngei atang pawhin hmalak chhoh hi a pawimawh ka ti em em mai a. Ka bial chhung tak phei chu thlai chin lama eizawng reng leh ti ti tui bera neite an ni nghe nghe a. Chuvangin, Aizawl khawpui chawm turin tunah Hmarchapui hian Mizoram kan chawm thei tawh a ni tiin kan Minister zahawmtak hnenah hian vai ram atanga la lut lo turin an ngen nghe nghe a, tukinah pawh ar rawn sawi leh tawh a ni. Chutiang chuan kan intodelhna turin hma an la tak tak a ni a, hetiang hi chu a tu pawhin Opposition lam kan ni emaw ni lo emaw Mizoram mipui zawng zawng hian kan intodelhna tura hmalakna hi kan tawiawm tlang tur niin ka'n hria a ni. Chu chu kan kalzel dan tur pawh a ni. Kan ram hi rethei reng bika awm tur a ni lova, intodelh tura hma kan lak chhoh zel hi a tulin ka'n hria a ni, ka lawm e.

PU J.LAWMZUALA

: Pu Chairman, ka lawm e.

Hei Demand No. 27-na PHE hi sawi ka duh a, an tihthat tlan ah lawmthu sawi ka duh a. Lunglei Greater Water Supply Scheme improvement leh Extension atana work programme atana pawisa tlem tlem an dahte enin a lawmawm thawkhat a, amaherawhchu, a tawh hauh lova, chungah chuan lawmthu sawi tulin ka hria a. Ka bial chhung tui harsatna Theiri at leh Hrangchalkawn ah te Truck-in Tui an chawitir a, alawmawm em em a. Heng tuichawi turte hian Department hian Truck hi an hmu zo tawh lo a ni. A chhan chu Bill pek an harsat a, tlawmngai turin a khaw mipui ten Truck an zawng a, Tui phur tura ngaihtuah chawp a ngai ta a. Kan Minister zahawmtak pawhin a Department enkawlah khatiang thil a thlang a ni tih kha a hre tawh ang a, min lo hriat nawn sak leh sela, a lawmawm hle ang.

Greater Water Supply Scheme extension te chak zawkin min tihsak thei sela, tih hi kan thlahlel em em a, kan nghakhlel a ni. Thil pakhat Session apiang deuhthawin ka sawi tawh a, kan Minister zahawm tak pawhin min lo hriatpuin ka ring a. Lunglei a Fire Service Station saw 1974 a din a ni a. Sub-Station a din a ni, chu chu vawiinni thlang hian sub-station ala

ni char char mai a. Kan Minister te pawh hi kan be thin a, kan zawt bawk a, House ah te pawh kan sawi thin a. Vawinnni thleng hian Strength t. lem te main Sub-Station angin an la kal reng mai a ni. A hmu tawha an din te Kum 5 hnu a an din te chu full station-in an tihsak vek a, mak ka ti khawp mai. Lunglei mipui rualawhna leh thlamuanna turin hemi kan Fire Station hi full fledge a min tihsak turin ka ngen a, ka beisei bawk a ni.

Tin, hei Mizoramah remna leh muanna kan ti a. Peaceful State kan ti a. Most peaceful te kan ti a. Kan lawm viau mai a, a lawmawm bawk a. Amaherawhchu Law & Order te han thlir ngunin leh ram venhimna security lamte han thlir chang hian remna leh muanna kan nei a. State ralmuang ber kan tih thin hi kan chhehvel ramhnuai mi helmiten tualchai nan kutthak hnawihnan an duh hun hunah min rawn hmang ta a. Hei kan Home Minister statement pawh a la thar hle a, heng en te hian a paw em em a a lungchhiat thlak a. Rukbo an lo awm leh ta teuh mai a, kan hre vek a. Chutiingin kum 2 kal ta chung khan Bank rawk te Insurgency hrang hrangte kha a tam em em a, kidnap te Motor halte buaina tam tak kan tawng a ni. Khang zawng zawng kha han thlir letin nimpiah lawka thil thleng rukbo chungchangte kan han hmu leh hian a thlamuan thlak lova, kan security hi a derthawng hle a ni tih pawh hi a hriat theih a. Hei vang hian Peace Pay kan ti thin a, muanna chuan engnge a thlen thil tha pawh a rawn thlen teh meuh mai. Mahse, he Peace Pay kan tih lai hian engnge kan mangnghilh leh tak zawk, keimahni ram chung security te Law & Order te hi kan va thlahdul leh ta si em !

Nikum te kum hmasa atangte khan han chhut teh ang u thil rapthlak tak tak kan ram chungah hian a awm tawh a ni. Chuvang chuan a ni lawm ni kidnapped te pawh a awm tawh a, kan Home Minister meuh pawh khamin Resignation kha a tender tawh a nin kha, kha kha a tichiang em emtu a ni. Chuvang chuan vawinniah hian kan inthlahdahna chhan hi engeni, kan Police hote hi an fel lo kan ti em ni, an fel em em ang. Amaherawhchu a neitu Sorkar hian a chhawr thiam lo a ni lo maw, a hmanna turah hian a hmang lo a ni ange, hei hi i enchiang ang u. Outpost kan siam a, tlemte te kan indah a, Motor pawh kan pe hlei thei lova, a outpost luah lum turte Sipai kan dah ve a, Petrolling tham pawh hi kan nei lova, khawpui kan veng ngun em em ringawt mai a, a lailumah kan inveng viau a, kan Minister-te kan veng khup a, chutiang chuan hun hi kan hmangral ta zawk em ni?

Tin, kan Police te pawh hianin anmahni phu em em allowance hrang hrangte hi hmu ve sela, hlim ve sela, hnathawk turin phur ve sela, pawisate hi pe ila, chu chu phur takin hna an thawk ang a, kan security te, Law & Order te hi a tha zawk lawng maw, kan chhawr si a, mahse kan duat si lova, mahni induat nan kan inventir khup khup a, khawpui thawl tak zawkah hianin kan Sipai

zawng zawngte hi kan dah zawk deuhthaw emaw ni tih tur hianin kan awm a, Party leh lam ep nante em ni kan hman tak mai mai zawk. Heng hi a dik dawn em ni. Leh lamah min kidnapped a, min that a, Police engzahnge min thah tawh, kha kha i ngaihtuah nawn leh ang u. An security hi a tha lo a ni. Engnge Peace Pay what kidnappings, killings everything kha kha a ni ringawt mai a ni. Hei hi chu i ngaihtuah ngun ang u.

Hei kan House Leader a rawn thleng ta a, a thlen hma kha chuan sawi pawh a phur awm lovin ka hria a. Kan No. 1 Agriculture top priority kan pek, a department neitu kan Chief Minister hi hemi sawi lai hian a chhuak leh ang tih ka hlau va. A ngaihtuven ta lo nge hmana "Ka tuina ber a ni a, chuvang chuan hemi Department Agriculture Department te, Horticulture Department te ka lak ni" a ti a. Kum thum chhunga intodelh pawh ka beisei a, ka tum ang tia phur taka min hruiatu kha a ni. Amaherawhchu vawiinniah hian engnge a puitu Minister kutah a hlan tam ta lutuk a ni lo maw? A puitu hi a fello chu ka ti lo. Amaherawhchu a neitu tak hian a hlamchhiah lutuk ta a ni. Nichin pawh khan kan hawi thin a, a awm si love, he Demand hi sawi chi pawh a ni dawn em ni ka ti. Aii Puk lamah khan a kal ta zawk emni? ka ti a. Ka ngaihtuah khawp mai, Heng top priority kan pekah hianin thil hi kan ti tak tak dawn lo em ni? Engnge thil hi lo neitute hlawkna tur a ni nge ni lo? A supplier hlawkna a ni zawk em? tih ang zawng kan kelpui nghe nghein ka hria, Thlai chi Supply zozai hi, Lo nei mite hamthatna main Supplier te hi an vannei ta zawk a nih hi. Kum 2000-2001 inkarah hianin kan hriatthiam zawng vaibelchhe 4, maktaduai 8, nuaih 6 leh sing 8 sang 5, za 3 sawm 8 leh pakhat, 1999-2000 ah khanin Rs. 4,69,24,633/- khang ho zozai kha a total phei chuan vaibelchhe kua leh maktaduai nga leh nuairuk kha thlaichi supply nan an lo hmang ve ringawt mai a ni. Kha kha a uihawm lutuk a ni. Lewngtlai bialtupa in a sawi ang khan a uih hum hum ringawt mai a nih kha. Kha kha a ni mai.

Tin, Horticulture ah pawh hian kan ti nasa lutuk deuh hei hi Party insiamna nge ni tunge supplier chu, list kan neih vek kha khawtinah kan hre thei ang, sawi chhuak lo mai ang kha chu. Hemi Loneitute thlai thar tute leh Buh thartute intodelh ai chuan a supplier te intih hausakna kawng hi kan zawng zawk a ni lo maw tih hi ka ngaihtuah a ni. Aii Puk lamah te hian a kal nasa tawh em? i ngaihtuah nawn leh ang u. Tin, Horticulture-ah pawh hian Vaibelchhe khat leh maktaduai khat leh nuaikua leh singkhat leh sangkhat leh pariat ava han tam em! Heng supplier te hi a list a awm. Hengahte hian chhungkaw insiamna mai mai a ni lo maw. Thlai chingtute Buh chingtute hian an hlawkpui lo tawp mai tih a hriat em em. Thlai quality pawh ni lo kan sawi hman tawh lo ang. Buh thar te hi a tlem ang tawh tawh a. Engtiziange nikum Buhthar pawh kha ei leh bar a intodelh tura hma latu te hianin kan chhut chhuah zawh loh, statistic ah pawh hei kum 2000 Zoram Buh

thar pawh kan Sorkar hian a la hre lo maw. Hei hi a mak ka ti khawp mai. Ei leh bar a intodelh tur hian tha an va thawh tlem lawi si ve. Hei hi chu a zahthlak a ni. Aii Puk kha ka sawi chak khawp mai. Keipawh DAO 'W' ah khan ka kal ngei a ni. Officer pahnihin heng thil hi an la tih ngai leh a ni tih min hrilh a, subsidy in an la pe ngai lova, a lei a lei chhuah ngai pawh a ni lova. Heng chu Registered Farm chiahah kan pe thin, ka mit-thlaah a la chama, ka bengah an thusawi a la cham a. Pathian pawhin min hriatpui ka ring, khatiang kha thil tam tak a awm a ni. Pu Chairman, ka lawm e.

PU Z.H.ROPIUA

: Pu Speaker, ka lawm e. A hmasa in Agriculture Department chungchang hi han sawi lan hmasak tha in ka hria a, lawmthu sawi tur tam tak awmin ka hria a, ama'-rawhchu, kan Member-te an rawn sawi nep ang reng ka ti a, ka hma a sawitu tam tak khan. A bik takin Lunglei South. Leh, Buarpui bial te khan an bial a hmalaknate kha lawmthu sawina chang an hre lo nge, an lawm lo ? helaiah hian in hriat tura ka duh chu Pu Speaker, ka bial Tawipui bial ahte minor irrigation project ah hian hma nasa tak-in min laksak a. South Vanlaiphai, Vaihlokhan leh Thailaw zawl hmuna hte hma min lak sak a.

Tin, Horticulture Department hnuaiahte pawh nasa takin hma min lak sak a. Thingfal ahte Rs.1,00,000/- lekin Nuai engemaw zat man tur (P.W.D Schedule rate chuan sang viau in ka ring a) mechanise a ni a, lawmawm ka ti a ni. Tin, nichina Lunglei South bialtu aiawh khan lawmthu ka'n sawi duh a chu Tuilut, Nghasih ruam lamhnai Project a Nuai eng emaw zat hmanga NABARD pawisa a irrigation project hmalaknate khu lawmawm ka ti a, a hmunahte ka zu tlawh a, an tlawh ve tawh em ka hre lova. Chutih rualin nichinah khan Buarpui bial kan hotupa khan a rawn sawi kai dawn emaw ka ti a. Tuipawl a minor irrigation project hmalaknate khu a hmuh a nuam ka ti a.

Tin, helai Saithah hmuna an lakte khu ropui ka tiin, hmalak chhonzawm zel tura tuna an beihte khu hmuhdawm ka ti tak zet ani. La hmu ve lo te an awm anih chuan la hruai ka chak a ni. Chuvangin, a lawm ka tiin, an aiawhin lawmthu ka'n sawi duh a ni.

Tin, Land development chungchangah hian hma kan la chak lo deuhin an sawi telte pawhin ka'n ring a, mahse an sawi ta si lova, an aiawha sawi leh a ngai dawn tlat mai. Thialret zawl ram ka bial chhung amite khi kumthar hmalaknahte hian a lo lang thei ang em aw ! ka ti a. Tin, Malkawnte, Zaupui Phase - II, S.Vanlaiphai ami te khi hmalak ni thei se. Chutih rualin Lunglei 'S' Nghachih ruam khu, Lunglei 'S' bialtu kha a kal tawh em ka hre lova. Hman-ni khan ka zuk tlawh vek a, khu khu engemaw zat Land development tih a ngain ka hria a. Kan Minister zahzawm tak khan min lo chhinchhiah sak sela. Tin, Land development ah hian a bik takin Buarpui bial khu kan bial tha, helai Zawlpui phehi hi a ni a, Agriculture hmalakna tur atanah, Bolia vengte, Tuisen thlang ruam

te, tunah khuan Land development tih tul tamtak a awm a. Tin, Kauchhuahte, Vathusih te hi a bialtu khan a rawn sawi ka ring na in a rawn sawi si lova, ka rawn sawichhuak duh a ni.

Ka bial chhungah Link Road siam tur tul tamtak a awm a. Vansang kawng Tawipui(W) ahte hma min laksaknate hi min chhunzawm sak leh thei se ka duh a, chutiang bawk chuan Bualte, Sabual Link Road Horti in hma a laknate, Ngengrual, Thingfal approach turte kha hma min lak sak se, a lawmawm hle ang.

Tin, chubakah Lunglei Greater Water Supply Scheme extension project hi tunah Budget ah hian a rawn lang a. Hei hi Vanhne, Thuampui lampang leh Sertlangpui lam thlengin han sawi thleng ta ila, Buarpui bialtu khan lo hria se Scheme kha a ni a, in lo hriat loh takin ka han hrih che u a ni. A lawme awm ka ti takzet a. Tin, non lapsable pool atanga tih tura hemi composite scheme in han design dante Theiriati an design dante kha lo chhuichiang ula a thain ka hria a. Composite Scheme Hrangchal, Zobawk, Bualte, Tawipui thlenga pek pheidi dantur Lunglei South lam pumping hmang lova, gravitational a, fur laia pek theih dan tur Economic deuh maia ruahmanna project te, PHE Department in theih tawp chhuaha ruahmanna a han siam mai hi a lawmawm ka ti a ni. Lawmthu ka sawi duh a.

Tin, Home Department chungchang hi lawmthu ka sawi leh duh a. Home Department hi enkawltu nih a hrehawm viau ang a, a chhan chu thenawm ram hel tawmkuk tam tak a awm a, helai Vaitin chho vel te hi Manipur Sarkarin a rawn enkawl phak bar loh hel tawmkhawmna a nih avangin rawn lut zauhva tlanchhiat lehna a ni tih kan hria a. Tin, Khawthlang tlangdungah Kazalang Forest atangin Batnaisora atanga an rawn attack dan zawng zawngte a hmunah kalin ka zuk en ve a. Chuvang chuan Home Department hi indaih a har hle dawnin ka hria a, Mahse, theihtawp chhuahin hma an la thin a, a lawmawm ka ti a, an huaisen a. Mahse, thil pakhat enchian tul ka tih chu an promotion chungchang hi enchian a tul a ni. Hemi hi L/N atanga promotion tih-te, Naikhe atanga promotion tihte, heng kalphungah hian enchian leh zual ngain ka hria a. Chutih rualin nichinah khan khung khawthlang ram Border, International Boundary a ni a, khulai venhim dan turte proposat-te pawh an rawn thehlut thin a, khalai chungchanga pawh kha uluk leh zual leh ngaih pawimawhah min lo neihsak sela a tha in ka ring. Bungmunahhte, BADP atangin,

Tuikawiah chhuk thla tur kawng sial ni ta sela, Sachanah khatiang khan helai Kazalang Forest atanga helhorawn lut a an in withdraw lehna lai khan dan char mai theih Zawlpui out post te pawh khu, khu ai okhuan thuan changtlung zawk bawk se, duhtusamah chuan Bolia veng atangin Tuikawiah chhuk thla tur kawng jeep road talin laih nise, khulai defence dan tura khu, tin, Malsury emaw ah khuan BOP pakhat dah bawk ilang a tha in ka hria. Chu chu ngun taka min lo ngaihtuah sak in kan ram venhimna tur ani tih hria in, hei hi ngaih pawimawhah hmangin kan Minister hian min lo chhinchhiah sak se.

Tin, chubakah lawmthu sawi leh ka duh chu Thingsai International Boundary hnei a ni a, a bialtu kha a chhuak ani maw, Police Station puitlingah min hlangkai bawk a, a Zoram pum angah kan International Boundary eng emaw Centre deuh a kan han ti hi lawmawm ka ti a, chutih rualin Haulawngahte, South Vanlaiphai ahte leh Tawipui pheiah, Thingfalah emaw min dah chhoh dan kha min dapsak leh se tha in ka hria a ni. Hengahte hian, Home Department pawhin hmalak chhoh tur tam tak kan la nei a.

Tin, lawmthu sawi leh ka duh chu khulai, hmalak chhoh dan, Tlabung khu International Boundary leh Centre leh khaw lian a ri a. Hmalak chhoh an tum dante ka lo hria a, Home Department lam bawk ani a, Prison Department in hma a lak danah lawmthu sawi a tul ka tiin Jail pawh hawn thuai an tum a ni. Sorakar hmasain an lo mutthluk pui tlawk tlawk kha, hma an la chho khu lawmawm ka ti a. Tin, SDPO Office, vertical extension tur proposal an han siam a, RD, BADP atangin emaw siamtura ngaihpawimawh zinga a han telte kha lawmawm ka ti a. Chuvang chuan, kan Sorakar pawh Sorakar hmasa ang lovin Chhim lamah pawh mit an lenin ke an pen zel ani tih ka'n hriat hian Chhim lam atanga rawn chawr chhuak MLA nih pawh a thlamuanthlak in ka hria a ni. Chuvangin, hei hi vawin niah ka'n sawi duh a. Ngaihpawimawh tur tam tak a awm a. Amarawhchu, heng te hi kan Minister ten min han chhinchhiah se, tuna Ka'n sawi kha. Vaw leh khata hma a lak duak duak theih lohva, heng angte hi hmalakna tur tul zual kuminah ngaih pawimawhah neih chho ila, a tulin ka hria a ni. Ka lawm e.

PU K.L.LIANCHIA

: Pu Speaker, ka lawm e.
Thil 3 han sawi ka duh
a. Pakhatnah chuan,

PHE ah hian tawngkam hnih khat lek han sawi ka duh a 2000-2001 Budget Session ah khan kan Chief Minister zah-awm tak khan, "Hemi Biate Water Supply Scheme hi kan take up dawn," a ti a, lawmawm ka ti a. Lawmthu ka sawi pahin, kha laiah khan, Discussion-ah khan a Department concerned Minister ngei PHE kha, hei hi a lawmawm a, Chief Minister sawi hi, a Minister concerned ngei thusawi pawh kan va hre chak em ka tih khan "Thlamuang takin awm rawh," min ti a. Bialtupa kha thlamuang ber rawh se min ti a. Hei, kan thlamuang rei ta ang reng viau mai a, "Khawvel hian a nghah rei avangin a lo ngui zo ta a," tih pawh kha kan ang lek lek ta mai a, kuminah Budget Speech-ah a lo tel ta lova, amaherawhchu, Work Schedule ah khan kan lo la lang ve a. Amaherawhchu, Estimate zat te kha a lang ve lova, Nuai khat kha token provision ah chuan min han dah ve chu a ni a. Chuvang chuan, helai hi rilrua ngaihtuah a na duh khawp mai a. Kan lawm rei lutuk ang tih kha ka hlau a, lawm tak tak kan duh tawh a, kha laia kha kan point out duh lawk a.

Hei, Peace Bonus, kan tih, kumtina vaibelchhe 50 lo kal tur a pawh hi kan la up-to-date lo niin a lang a. Hengahte pawh hian a tih ve theih mai lo vem ni tih laite kha ka rilruah a awm a. Sum zawn mek dante, engkim, Department lamahte pawh ka kal zauh zauh reng a, kha kha kan point out duh lawk a.

A dawt lehah chuan, Agriculture ah khan tawite han sawi ka'n duh leh a chu, tuk-inah khan corrigendum te an rawn siam a, hmanna kan zawhna chhannate kha. Champhai leilet ah Farm Road eng-zat nge ka tih khan, 8 vel niin a chhangin ka hria a, tah hian 15.17 ala ti ta deuh deuh va, tu khaw huatthu suhah Khawbung ala ti ta deuh deuh niin ka hria a.

Tun March ni 14 khan Cham-phai Leilet zawlah khian nilengin heng Farm Road en hian kan kal a. Hmana zawhna chhannaah khan kan Minister zah-awm tak khan Leilet siam nan Nuai 60 hman a ni a ti a. Hei hi rate nen a inmil love a tihah khanin siam tawh zawn zawn chu Nuai 30 leh singnga man a ni si a. Nuai 29 kha khawng kan tih khan Chief Minister in a chul mampui pawh khan..... chul mam takna chu farm road siamte ani ta deuh ber khan ka hria a. Farm road hi engang fakau nge ni ang aw ka ti a, ka han en ngat a ni a. Link road nen a dang daih a ni an ti a, link road chu kan hre theuh mai a, farm road chu a farm laia kawng kal a ni tih a ni a. Tichuan, khilala leilet nei ngei 2 ka hrui a, nileng deuh thawin kan kal a. Kan han zawn hmuh tak chu Pu F.Hranghlira leh Ringliana

inkarah hian F.Hranghlira leilet an tih zawlna leivung kha an dah mar a, nakina tih bel hunah chuan motor la kal theihna mai tur lai chu an dah a ni. Chu chu 60 mts a ni a. Tin, Ramhrangkawn, Lalzova lo atangin farm road an siam a, hei hi a sir vei lama leilet an siam rualna lei chhun pawn zel kha a ni a. Hei hi 212 $\frac{1}{2}$ mts a ni a. A bak hi chu kan han zawng thin a, kan hmu zo ngang lo a, kan hmu zo lova, tichuan, a total hi 272 $\frac{1}{2}$ mts chauh hi kan hmu zova, a chhannaah chuan K.m 15-17 ani dah mai si a, a in tulo ang reng a, khawilalah nge hengte hi thuhrukin a awm em ni ? ka ti a!..... link road kha chu a panna kawng a ni a, a leilet chhunga panna kawng kha anih si chuan kan zawng nilenga kan hmu zawh chhun chu 272 $\frac{1}{2}$ metres a ni a! Kan teh chiah a. Chuvangin, hengte pawh hi a landan chuan Nuai 29 leh a chanve kha hemi chulmam nan khan kan hmu in ka hria a, tuna an senso chu Rs.6,70,000/- vel chauh a ni leh si a, heng ten Nuai pawh hi Champhai lam Aii Puk a ni lo em ni. chu aw !! kan ti lo thei lova! Hei kan sawi lang duh a ni, kan verify ngei anih avangin.

Tin, Pu Chairman, Aii Puk chungchang hi Agriculture anih avang hian han sawi ka duha, kan Member zahawmtak Pu Rokhaw in khatianga thil fello awm nira, a sawi vel leh khan Dt.27 March '2001 ohawnu ah khan Aii Puk farm ah chuan kan kal ta a, kan palai hruaitute leh block President te pawh ka hruai a ni, chuta kan han kal - khita kan han kala kan hmu hmasak ber chu kan CM zahawmtak nupui kan han hmu a. Ani nente pawh kan inbia a. Video Camera kan ken avangin an awih lo zet a, mahse e la rawh u an ti a. Kan la ta a, a tawi zawngin. Chuta kan thil hmu chu pakhatnaah chuan goat proof wire mesh roll 30 kan hmu a. Tin, angle iron kha 660 kan hmu a. Vai pakhat hian rawng a lo hnawih hauh hauh a ni. Kan hmu leh chu policeman ho, log(thing-tum) zai lai ken hmu a. A dawt lehah chuan thlam kawta gypsy 4 ding tlar, pakhat chu VIP a ni a. Tin, kan hmu dang leh chu Tractor pakhat, Agriculture Department ami. Chung chu kan han hmu tlangpui a ni mai a. A awmia ah chuan khatianga thil sawi kha kan C.M. zahawmtak kaihnawih anih avang khan verify lova sawi punlun mai hi thain kan hre miahlo a ni. Chuvangin kan nmu mai pawh nilovin BDO in min hriatpui rawh se kan ti a. Video Camera nena kal kan ti a. Chung chu kan thil hmu a ni. Tichuan, eng eng emaw chu kan sawi nual na a, thlalek min phalsak tak hnuah chuan thla kan la a. Kha kha witness atana la mai kan ti a. Kan la zova. Tichuan, kan lak dawn lai khan motor pakhat kha chu a tlan chho ta a. A haw ta emaw kan ti mai a. Tichuan kan haw chho ta a. Kawngpui kan han chhuah chiah khan, nichina ka sawi Agriculture tractor khan Sairang balu a la a, hmar lam hawiin kawng sirah a lo ding a.

Tichuan, motor kal chho ta, a sirah chuan Secretariat, Mizoram Secretariat tih inziak hi ani a, Gypsy, a hnung seat an thlawn a, kha tractor kha a driver chuan vawiin ah Sairangah Balu la turin min ti a, ka zu la ani ati a, chumi Balu chu a hnung zawngin a han dawh ve chiah a, a lo in mawngzawm chiah a, chutah chuan vai pakhat leh Mizo pakhat hian kha Gypsy ah khan Balu kha an lo unload malh malh ani. Chutih lai tak chuan kan thleng chho va, VDF Camera chuan motor thla te, number te, a driver ho thla te chiang takin an unload lai, an hnathawk laite kan la leh mai a, anni pawh thil tamtak kan zawt a, amaherawhchu, amahni chuan an sawi awm bak chu engmah an sawi chuang lova, tractor hian Sairangah Balu ka zuk la a, tihian ka kal thei tawh lova, ti chin hi chu Gypsy hian khutah a thiar thla ani a ti a, thudik tak a sawi mai a, chu chu nan sawi loh chi pawh ani lova, thil ni kha ani mai ani. Chuvang chuan, he thil kan han hmuh hian kang ka tawng, nichinah, huatthu ah la suh sela, kan zinga lehkha thiam ber, Aizawl N -I bialtu, kan Member zahawm tak in khatiang thil chiang lutuk defend tuma thu a'n sawi kha chu a Ministry defend se tha ka ti, awm ka ti, mahse, khi lai thil khi chu upa tawng takin kut man ani tlat a ni. Chu chu ka'n ngaihtuah let vang vang thin a, kan C.M nupui feh chuan Gypsy 4 leh tractor a feh pui tihna a lo ni a, tichuan a Gypsy te pawh chu a haw leh nana hmang pawh nise thudang, khatiang a thil thiar nana hmang baw, police pawh an thing tan laite pawh kan la vek a, thingtan tura khati zat thawk chhuak pawh kha a mawi lo. V.I.P te chu a feh pui anih pawhin a hawpui leh ang a, engpawh nise, a dang zawng kha engatange ? hemi ni 1 ni a kan han hmuh hian ka ngaihdanah chuan a scandal tak wiremesh leh Angle Iron hi awm miah lo pawh nise, khati zozai Sorkar motor misuse ringawt pawh kha Chief Minister ni ila, min phawk si sela, banna awmah ka ngai. A diklo a ni. A tuk Ni 28/3 kan chawl a, tahchuan, hemi Angle Iron leh Wiremesh te pawh hi engemaw a formalise tumna an nei ngei ang tiin a tukah nilengin Director Office leh Aizawl West Agriculture Office kan kar a, MLA vek in. Midang pawh tir lovin, chung a kan thil man zawng chu chawma khan Chawngte bialtu zahawm tak khan a sawi vek tawh a ni. Thil in mil thei tawh lo, document inmil thei tawh lo hmanhmawh lutuk a, nikhat a phuanhawp, zinga awm lo, tlai lamah chauh awmta kan hawngdarh tawh ang em tih angah lo awmta chauh kha an han phawrh a, heng angthil chiang lutuk subsidized tura han tih chawp an pek pawh Co-operative Society leh farming Society te, Association ten an buaipui leh nghal a, thawhlawm kan thawh e, mi pali chuan 24000 vel hi kan thawh tur chu kan thawh tawh, 50% turte an han ti leh vel a, sual dik tak thup nan a sual dang

han tih leh hi chu dik tak chuan sual double a ni a. Hei hi chu tih loh tur a ni. Ka tawng an huatthu suh ah heng ang defend tuma kan Member zahawm tak tak tena kan Koh-hran hruaitu ten a hetiang anga hmun sang ber a corruption rapthlak lutuk awm hi defend tum a tan an han la hi chu kan ngaihtuah awm mang e aw ka ti a. MOU a ni e kan ti a. MOU a awm lo kan ti a, theihtawpin MOU chu a awmzia chu wawin niah hian an Chiang lutuk tawh ang a, khatiang chiah khan wawin niah pawh MOU awm lo tia a lehka thiam thiam an tang vak mai a, a lo ni leh si lo ang khan he thil pawh hi a ni dawn tlat a ni. Chuvangin, an zirna School hi a dik lova, mi tha tak tak leh thil dik duhte pawh hian thil diklo an sawipha niin ka hria a, hun a tawi si a, chu chu tawk mai ang hmiang mawle.

PU J. LALTHANGLIANA

: Pu Chairman, ka'n sawi ve ang e. A hmasa berah chuan Home Department chungchang hi tawite in ka sawi ang a.

Kan bial ve khu ramri dep kan ni a. BNLF ten min tibuai thih a, mahse, kum 1 dawn lai chu muang takin kan awm de ve a, a lawmawm hle mai a. Mahse, thil pakhat chu, Home Minister khan min lo chhinchhiah sak sela. BNLF nia kan rin kan man te hi Jail atangin an chhuak deuh vek mai a. Bail in a then phei chu Bail mang lohin an chhuak ta ani. Chuvang chuan enzui kan ngai khawp-in ka hria. Chu chu ka sawi duh a. Chulo lehah chuan Pu Chairman, hun a tawi si a, Opposition te hian thil hriat chian duh demand kan nei a. Chu chu Aii Puk chungchang thu-ah hian Enquiry Committee dik kan phut a, chumi avang chuan wawinah pawh House kawtah Police an intlar thep thup a. Aii Pukah hian scandal awm ngeia kan hriat avangin House-ah pawh unprecedent thil a thiang a ni. Zing lamah khan ka sawi duh lova. A chhan chu Agriculture changtu tak tak nilo min hrilhfiah theilo tur awm niin ka hria a. Tunah chuan Agriculture changtu Minister zahawm tak a lokal ta a. Chuvang chuan min hrilhfiah thei turah ka ngai a, chumi chu min hrilhfiah theih loh chuan kan demand hi Pu Chairman, a serious em em a ni. Kan C.M. zahawm tak hian ei leh bara intodelh hi ka priority a ni e, a ti a. Chuvang chuan Agriculture leh Horticulture ka la a ni a ti a. Chuti khawp chuan a ngai pawimawh a, nikum lama Budget Speech ah phei kha chuan khurlaih kan ti nasa ang an ti a, kuminah chuan khurlaih chu a sawilang ta lo a, mahse, a priority a lang reng a. Chutihlai chuan engtizia nge ni M.O.S Independent charge pawh ni lovin wawin ni hian Demand a rawn siam ta tlat mai a, kan Chief Minister hi a beidawng ta nge ni Agriculture ah leh Horticulture ah hian

tih min ngaihtuhtir a ni. Vawiin chawhma zawng pawhin kan sawiho lain a awm tha duh mang lova. Chuvang chuan hengte hi kan Demand zingah kan han sawi duh a. Aii Puk ah thil phuahchawp tam tak awmin kan hria a, Aii Puk Farming Society a awm ngein Agriculture Department chuan an ziaak a, chumi atan chuan angle iron an pe a, Aii Puk Zau Farming Corporation Society awm ngei niawm tak a ni a, chumi hnenah chuan Goat Proof Wire Mesh letter head an pe a, chutih lai chuan Aii Puk Farmer Association in min pek a ni tiin lehkha an ziaaka, lawmthu sawina an sem ani, MLA te min sem vek bawk a ni. Hei hi min hrihfhiah kan duh, tu kiangah nge he Department hian angle iron leh goat proof Wire Mesh hi a pek tih hi vawiin niah sawifiah kan duh a.

Tin, chu lo lehah chuan angle iron supply tu hi tunge ni, kan Chief Minister thiannu u Venghlui ami khu ani tiin an han sawi a, chu pawh chu nepotism a awm em tihte pawh hi kan hre duh a ni, hemi supply chungchang thu ah hian. Tin, a rate hi pakhat Rs.660/- an ti a, kan kawmthlangah khuan tunlai hian an siam mek a angle iron hi an tan a, an tikawi ve a ni, 240 in order kan hmu a, kan siam mek an ti. Chung pawh chu kan hrefiah duh a.

Tin, chulo ah chuan hriat-fiah ngaia chu kan Chief Minister zahawm tak Neihbawih Farm hi tunhma chuan Horticulture Officer ta ani a, chu chuan engtin nge a pe em ni ? hengahnte pawh hian engnge ni hnungthak inhih tawna a awm em ni tihte hi vawiin ni ah hian kan hre duh bawk a.

Tin, chulo lehah kan han hriat leh duha chu hemi Aii Puk Farming Society kan ti emaw ni, hemi Society pathum lai lo awmah hian tunah khian an bung ta tlut tlut mai an ti a, a ri lo lai ni awm tak kawng sirah khian an hung duah mai a. Khingte khi tu ta nge ? Tin, hemi avang hian Sihphir khuate khian nimirah Press Conference an nei a, Press ho hman an sawi chu Aii Puk ah hian a chairman inti ber pawh hian engmah ram a nei lo a, MNF V/C hian, "Aii Puk Zauah hian chungkaw 15 hi kan awmlo hrim hrim a ni" a ti a. Tin, Aii Puk a upa pakhat chuan, "Neng pawh member i ni a," min ti a, "Ka hre reng reng lo," a ti a ni. Chuvang chuan Aii Puk chungchang thu ani emaw, Society kan tin hi phuahchawp vek ani em ? "March Ni 29 ah, Ni 30 zawk a ni. VCP inah zanah ruahsur lain kan din a, tah chuan C.M. nupui pawh hi a awm a ni," an ti a. Hengte hi tak tak em ni ? Nimirah Press Conference a an sawi a ni a, chu chu, chuti anih chuan

ni 30 a an din chauh anih chuan Aii Puk a thil pek zawng zawng hi ni 28.3 a pek ani si a, tichuan, ni 26 leh 27 ah khang zawng zawng kha a thleng vek a ni. Tichuan, kan puhna hi dikin kan hria, Keini chuan chumi dika kan hriat chu heng zawng zawng hi eiruk thup tuma, Agriculture Directorate leh Aizawl West Agriculture Officer te hmanga lehkha phuahchawp niin kan hria a, a lehkha pawh zing lamah a rawn phawrh loh kha chiang em emin tahrik ni in luhkhalhte a awm a. Hengte hi phuahchawp ani reng tak tak em? engtik niah nge he lehkha hi siam anih te pawh hi vawin niah hian House hi min hrilh se kan duh a ni. Chuti anihloh chuan he thilah hian hei Mizoramah hian thil thleng ngai lo hial kan House chhungah a thlen phah ani a. Hei hi a serious em em a ni, Chuvang chuan kan Demand tlat a keini chuan. Hei hi chhuifiah a ngai a ni, helalah hian thil diklo a awm a ni tih a ni a.

Tin, chulo leha chuan kan hriat duh em em a chu angle iron leh goat proof wire mess hi farm dangah subsidy in kan pe tawh reng reng em tun hma in tin hi hriat kan duh bawk a ni. Chu chu Minister zahawm takin min chhang sela. Tin, subsidy a pek tur pawh hian Sorkarah approved a ni em, subsidise item ani tawh thin em? tun hmam tinte pawh hi kan hre duh a ni. Chuvang chuan helai hi Aii Puk farm Aii Puk Scandal kan tih ahi hei hi serious em emah kan ngai a. A chhan chu a involve a hi Mizorama roreltu a kan hotupa ber leh a thiannu hming a lang fo mai a. Hengte hi chhui chian ngai kan ti si. Hei hi vawin niah Minister zahawm tak hian min hrilhfiah vek mai sela. Aii Puk farming Society kan ti nge Association kan ti nge ni. Corporate Society kan ti nge ni. Hengte hi engtika din nge ni tihte hi min hrilhfiah se kan duh a ni. Chutilo chuan, heta tang vek hian corruption kan do tumnate pawh hi Pu Chairman a hna atang hian kan chhui angai a. Heta tanga kan chhuifiah loh chuan Opposition lam hi chuan kan Demand hi kan demand tlat reng mai a, a fello pawh kan ti. Chuvang chuan hei hi min hrilhfiah sak se kan duh khawp, kan duh ngawih ngawih a. Chulo leha ka'n sawi duh chu Home Department ah bawk hian kal ta ila, mahni bial tawite a han sawi ka duh a. Hemi Kanghmun tlangdung hi khaw 9 an awm a, an fel em em mai a, police hi an ngai mang lo a ni. Police lo hian an awm reng mai a, out-post pawh a awm lo. Hun a lo kal zel a, mi leh sa kan inchiahpiah a, eng emaw tih sualte a lo awm ve zauh zauh a. Kulikawn out-post hnuaiah hian an awm ani, an hla veng vawng khawp a, Kanghmun chu 70 Kms. vel a ni a, Kulikawn atang sawn. Thubuai nei an awm chuan Police hian summon te an thawn ve thei si love, tute emaw kal te hi an chah a, an kal lohin

Court lamah thil tisuai an ni a, an lo hek leh thin si a. Chuvang chuan kan buai em em mai a. Khungahte khuan Police out post hi tunah min dah sak thei. sela kan mang-anna hi a reh ve in kan ring a.

Tin, khuti lai tlangdung pakhat, hla deuh mai ina Kulikawn out post hnuaiia kan awm a hi harsatna tam tak kan tawh a. Tin, chu lo lehah kan sawi duh leh a chu, refugee te hi an lokir dawn niin a lang a, engtikah emaw chuan anlokir ang. Kan Home Minister hian ka zawhna a chhannaah chuan "an hmun hluiah kan dah ang, an lokir chuan" a ti a. Hei hi thil fello tak awm thei a awm a ni. Entirnan, Sorkar hmasaah khan an awmna lai a dik loh avangin example kan sawi anga - Saithah leh Lallen inkarah khua an siam ringawt mai a (Tuikuk khua - Hnahthial zawl) V/C pek an ni a, V/C ram an pe leh silova, chuvang chuan, Mizo khaw awm te nen khan inhriatthiam lohna a awm a. Chumi avang chuan buaina tlem a awm khan an khua kha a kang ta mai a ni (Hnahthial zawl kha). Chutiang bawkin Falkawn (Phuldungsei leh Saithah inkar) ah V/C pek a ni leh a, V/C ram pek anni silova, lo neih chungchangah an in tibuai ziah mai a, buaina a awm hlek khan an khua kha a kang leh ta mai a ni. Chuvangin, an khaw ngaia dah leh hian buaina a chhuah leh a hlauhawm khawp mai a, an lo haw anih pawhin a dahna tur hi chu mumal deuh hlek a, khu lama mipui te nena in rawn a, a remchang lai deuh hlek a dah a lawmawm khawp ang ka ring. Chutilo chu, buaina hranpa te hi a chhuak leh ang tih a hlauhawm in ka hria. Kha kha ka'n sawi duh a ni e, Pu Chairman, ka lawm e.

PU ZAKHU HLYCHHO

: Pu Chairman, ka lawm e.

Demand No.14 Police-ah

hian ka han tan chawt mai

anga. Tunhma zawng kha chuan

kan Mizoram Police te hi India rama Police tha berah ka

lo dah thin a. An polite a, an discipline a tha a, an

smart bawk a, kawng tin rengah hian an chhuanawm hlein

ka hre thin a ni. Tin, chu chu dik pawh a dikin ka

hria. Mahse, Pu Chairman, hei kum 2, 1 kalta mai atang

khan kan Police te discipline hi a tlahniam em em tawh

mai a. An moralte hi a down zota emawni chu tih tur

khawp a ni a. Heng kan Aizawl khawpuia Crime thlengte pawh

hi defect chhuah theih mumal pawh hi an nei mumal tawh

lova, misual hi an man ngam tawhlo emaw chu aw, tih tur

a ni ta a. Hetianga India rama force tha bera kan ngaih

thin kha tunah chuan ngaihtuah aww takah kan dah ta niin ka hria a. Hei hi kan Sorkar pawh hian a in bihchian a ngai hlein ka hria. A chhan tamtak zingah vawiinah hian pahnih chauh tarlan ka duh a. Pakhatnaah chuan he Sorkar hian kan Police Force te aia tute emaw rin zawk a neih thin vang niin ka hre tlat. Engemaw thil hlekah kan Police-te tir lovin kan Police te hmang lovin tute emaw silai a pe a, a tir thin a ni. Hei hi thil serious tak a ni. Nikum August Ni 18 a Tuikhurhlu a thil thleng kha Pu Chairman, nang pawhin i hria ang. Kha thil kha engnge ni kha thilah pawh khan 1st Bn. MAP silai kha tute emaw an kawltir a, chumite chuan khulalah khuan Civil mite an lo vau va, an lo sawisa a, an sawisak akha zir-lai thiam thei em em mai a ni a, a pawh khawp asin, khangakte khan case an siam hlei nem. Kan Sorkar hian, lawmawn a pe hial zawk em aw ! khami thil ti sualtute kha. Vawiin ni thlengin case an siam pawh kan hre lo, chuvangin, kan Police force te an chhiatna chhan hi vawiinah hian kan ramah eng eng emaw a thleng hlek a, tute emaw silai kan pe a, kan kawltir thin vang anih hi a chiangin ka hria.

Tin, pahnihnaah chuan, kan Police te hi min vengtu turahte pawh hian kan duh tawh lo aniang ka ti ani. Kan Police te, kan House guard te hi kan in vengtuah pawh kan duh tawh lo aniang, kan PSO te keimahni min vengtu turah kan hmang tawh lova, kan House guard te hi cement chawktu turah kan hmang tawh a, kan huan thlotu turah kan hmang tawh a, engtin nge maw kan Police te cement helper a kan chhuah tawh hi chuanin helper te India rama Police tha berah kan chhuah theih tawh reng ang le, a ngaihna hi a aww lo reng reng. Hetiang hi Police-ah hian a tam lutuk.

Tin, pathumnaa ka han sawi leh duh chu hei hi a ni. Hei, Aizawlah hian Traffic Police te hianin tute emaw in advertise na kawr an ha a, mawi inti ve em emin an vak ve a. Ka lo hmuh ve dan chuan hei tunlaia TV a fashion show kan hmuh ang hi kan Traffic Police te hi niin ka hria. Tukin zing ah pawh Session a ka lo kal dawn khan mi pakhat ka chelh ding a, i form hak kha ka lo en teh ang, ka ti a. A form hakah khan, donated by Johnson Eastern Powers tih a aww a ni. Engtin nge maw tute emaw advertise-na ha a kan Police te an vah an vah tawh chuan Police tha hi kan siam theih reng ang le. Hmanni phei chu, kan nau pakhat hi Traffic Police in an lo man a. Tichuan, an fine dawn emaw ka ti a, an fine dan chu

mak deuh asin. Lucky Ticket an leitir daih. Lucky ticket an lei tir a, an tlak tir der mai. Chu chu an hotute hralh tir ani len nghal ania. Eng lucky ticket tak ni maw, ka hre lova. Chuvangin, kan Police force te hi vawin nia kan hman dan ang anih chuan a that ngaihna a awm lo reng reng. Kan Home Minister hian hei hi serious takin ngaihtuah hram se ka ti. Vawina kan chhawr dan anga kan chhawr hi chuan, beiseitur a vang hle a ni. Kan hnung deuh khan kan Home Minister zahawm tak hian a sawi a, "India rama Police Force tha ber ka siam dawn," a ti a, ka lawm viau a ni. Amaherawhchu, vawin niah hian a chhe berah kan chhuah mai ang tih hi a hlauhawm hlein ka hria.

Tin, chulova, ka sawi leh duh chu - Pu Chairman, Home Guard chungchangah hian a ni a. Kan hriat theuh angin Saiha ah mipui thinrimin Jail an chilchhia a ni. Khalala thiltih kha tupawhin kan appreciate lo, tha kan ti lo. Amaherawhchu, thil a thleng a, a thleng tawh a, mob-violence a ni. Chuteh chuan, khalai thil thleng tur kha kan Home Minister hian a hria, chiang takin. A message ngei pawh Saiha, Damdawiin tualah Magistrate I in a chhiah chhuak a ni kawng an zawh hma in. Magistrate pakhatin kan Home Minister message ngei hi Saiha Damdawiin tualah a chhiah chhuak a. Tichuan, Saiha Damdawiin atanga Jail chu Kms 3 deuh-thaw a ni a. Ke in an kal a, Jail kha an zuk chilchhia a ni. Tunge mawhpur? Home Minister hi mawhpur tu a ni. An Magistrate ten mawh an phur a ni. A police ten mawh an phur a ni. Engah nge Home Guard 6 an ban a, midang Home Guard 1 an suspend? Kan Sorkar thil kalpui dan hi mak ka ti. Chhiah chawi tur nise, mirethei ber atangin an tan a. Kan Minister zahawm takin fiscal reform a siam a, MR thawkte atangin an tan a. Kan Home Minister action rawn lanna chu Home Guard atangin ani leh a. Mi hnuaihnung ber atanga kan ram hi siam that kan tum chuan kan siam tha lo ang. A sang atanga kan siam that a ngai-in ka hre tlat. Hetah hian kan kal dan a fuh lo in ka hria. Engpawhnisela, ka ngen duh chu khang Home Guard 6 Saiha Jail break avanga an bante kha kan Sorkar hian la leh hram teh se, an khawngaihthlak em mai. Pakht an suspend kha re-instate leh hram rawh se. Khangah khan mipui sang tam takin kawng an zawh asin, Sorkar hnathawk pawh tam tak an awm ve ang. Midang tumah ti lova, a firing order pe thei lo, a tawngtheilo berte han tuar tir bika kha a dik dawn em ni tih hi ka rawn sawi lang duh a ni.

Tin, Demand No.36, Agriculture ah hian a ni a. He Sorkar a din tirh atangin kan House Leader zahawmtak hian Mizoram Sorkar kaldan tur chu, "ei leh bara in tohdelh a ni ang", a ti a. Chu chu ka appreciate a ni, engtingge Mizoram Sorkar hi ei leh barah in tohdelh tur hian hma a lak tih hi ka thlir reng a, Session apiangin zawhna hi ka siam a ni. Chunga min chhanna chu Mizoram ina leilet siam theih tur zawl kan neih zawng zawng hi engzat nge ka ti a, min chhanna chu hectare 60,000 Mizoramah hian kan nei a ni, a ti a. Ka zawh lehna ah chuan bulldozer-a laih zawl hian pawisa engzat nge hectare ah sen ngai ka ti a, Rs.45,000/- a ti a. Kut a nawrin engzat nge ka ti a. Rs.15,000/- a ti a. Anih leh MNF Sorkar hi kum hnih a ding tawh a, engzat nge an nawr zawl tawh ka ti a, hectare 70 an ti a ni.

Tin, hectare 70 nawr zawl nan engzat nge in sen ka ti a. Rs.60,00,000/- a ti a ni. Tichuan Sorkar chhanna chu ka han chhut a, hectare 60,000 nawr zawl tur hian kum 1700 kan mamawh dawn a, tin, hectare 60,000 nawr zawl tur hian tuna kan expenditure ang anih chuan Mizoram kum 100 Budget hian a daihlo deuh hlek dawn ani. Heng figures ka rawn chhut chhuah na chhan chu, kan House leader hian Zoram mipuite hnenah hian practical-a thil theihloh hi a sawi thin a, mipui hian kan hre silova. Hmanah pawh hetiang diklo hi an sawi a, kum 20 rambuaiah kan luh phah tawh a. Vawinah hian kan rama thil theih loh hi an zirtir leh a. Heng intodelh policy bulldozer-a kan ram zawl zawng zawng nawr zawl tihte hi thil theih loh a ni tih hi a chiang a ni.

Tin, hmanni a thil thleng mak ka tih tawp theih loh chu Aii Puk ah khan a ni a, ka hma amiten an sawi a. Aii Puk a thil thleng kha phuah-chawp vek a ni tih hi a chiang lutuk a. Mahse, kan House Leader berin thu tak sawiin, Bible thu sawiin a sawive hmiah hmiah mai a. A mak hi ka ti em em a, a rapthlak zawkin ka hria. Kha Aii Puk a thil thleng kha dik chiah chuan Mizoram political history kum 30 chung hian angle iron leh hetiang wire mesh hi Co-operative Society emaw association emaw an la pelo tih hi kan hmuh dan a ni.

Tin, nimin khan Sihphir atangin ka hmaa sawituin a sawi ang khan Press Conference an rawn nei a, a dikloh zia an rawn sawi anih kha. Hei tukina ka phone dawn chu a mak khawp mai. Ngawi teh Pu Zakhu, thil diklo tih hi chu a tuar lo tur tur hian an tuar thin a, kan vengah pawh khami an Society a an President kha chu tunlai chu a rilru hah nge, zu a rui a, Kohhran Upa atangin an suspend der mai

a ti a, a pawl ang reng khawp mai. Chuvangin, vawiin a ka sawi duh chu hei hi ani, kan Pathian thu ah chuan Lalin thil a tihsual chuan Ramin a tuar thin, Lalain thil a tihsual reng rengin a Ramin a tuar thin a ni. Hei thu hi vawiin thlengin thu dik a la ni a. Kan House Leader hi inpuang mai rawn se, helai thilah hian ka tidik lo ani, ka Evi khan thei eiloh tur min lo eitir ani ti sela, Zoram hi a dam leh ka ring. Chuti nilova a inzep chuan Zoram hian kan tuar mai ang tih hi ka hlau ani, ka lawm e.

PU SANGHMINGTHANGA H. PAUTU : Pu Chairman, ka lawm e.
Kan Demand hi sawi vek a
chakawm hle mai a, hun a
tawi a, Opposition Member

ho thliat thliat nena han tih chuan a tam viauin ka ring a. Police chungchang kha kan sawi nak nak a, a lawmawm a, Police te kan ram venghimtu an ni leh mipui pawhin kan hai lo a, ghil kan sawi dan ki hi tai nei ran a sawi chi hi an awm ve a. Chutiang ah chuan kan ngai a. A tlang-pui thu ah Police hi S.I tihte kha i veilama mite khan hmangaih awm takin an sawi a, an hmangaih pawh ka ring a. Sorkar hmasaah khan Pay Commission ahte an Kalkan zel a, chuti khawpa ngaihsak loh kha kan rochun a. Tunah hian Pay Commission kan Sorkarin an din a, an ngaihtuah chho turah kan ngai a, kan C.M. pawhin chutiang chuan a ti ah kan ngai a. Pay Commission te a awm tawh chuan Sorkarin tawng tih chi ah kan ngai lo a. Engpawh nise, kei pawhin kan mind pui hle a, S.I hote an dinmun i veilam mite sewi ang khan keipawh min rawn pe a, khatiangah khan kan Minister zahawm tak pawhin lo chhinchhiah in, khatiangah Sorkar hmasa in midang an up laia an up ve duh lo kha ka sawisel nilovin, han en vang vang hian khami chungchangah kher chuan Nebukanezara kha an angin ka hria. An duh an len a, an duh an tet a ni ringawt a, chuvangin mimalah an select niin a lang. Khavang khan a fellova, asa whole ang a khang S.I te Pay Scale an deserve anga dah kha chu an phu in ka hria a. Chu chu kan Minister zahawm tak pawhin min lo note sakse kan duh a.

Tin, promotional avenue chungchangte pawh kha a dik khawp mai. Tiangah khan thil tam tak han tih dawn hian harsatna a tam a, hei kum 2 hmel erh awrh kan hmu a ni a, khami chbunga kum engemaw zat kal tawh thil kha thlawh khuma, thil han tihfel duak mai hi chu a hun pawh hian a la zir lo hrim hrim a ni. Tin, khatiang kan tih dawn kha chuan a lighter side zawng pawn han sawi ta ila, tunah hianin kum 2 zen zawn vel kan la nei a, inthlan leh turah, tuna kan tih zawh puk mai ahuanin a khawhar thlak lutuk deuh ang a, chuvang chuanin hna inchhawpte pawh hi a ngaiin ka hria a,

chu chu kan Minister te pawhin lo hre hram hram sela, hna an thawh chak lutukah hian nakinah kan zolo palh ang e ka ti deuh a ni.

Chuvang chuan khang laia engemaw promotional chungchang ah pawh engnge maw neuh neuhte a awm thei a. Khangah khan Technical engemaw ACR lamte thlengin. Mahse, kan Minister ten an hria niin ka hria a. Chuvang chuan hma an la chho mek a, thil hi a nghaktu nih hi chuan a rei duh a. Keini Mizo-te hi nghah hi kan peih lo laileng khawp a. A intlar a nghah (queue) ngat pheih chu kan peih lo em em ringawt mai a, kan han chhuak a, midang an lo kal leh a. Chuti chi chu kan ni a. Chuvang chuan helai hi kan nghak ta' rau rau ah chuan kan la nghak chhuak ve mai ang tih chu ka beisei a. Chuvang chuan, engpawh nise, a lehlama Police te puh ang deuh lek lek si nen a kan Law & Order a fail ani tih ringawt mai chu Pu Chairman kei ka pawm hauh lova. Ruling kan nih vang pawh ni lovin. A dik takin helaia kan buaina ber hi kan chhehvel rama hel ten minrawn tihbuai thin vang a ni a. Khatiang tur chuan kan in-veng daih si lova, mitinte kan veng seng si lova. Chuvang chuan ramri fencing kan duhte pawh kha a ni a. Chuvangin, eng hunah pawh khawiah pawh lo kal a thil tiru tur na na na ven theihloh khatiang laia Law & Order a fail a ni intih chiam chiam ang chi hi chu kan hnathawktute moral tih down zawng ang in ankhum hi chu a fel lovin ka hria a. Chuvang chuan, anni pawh kan Police te pawh an hah em em a ni. Ama'rawh chu, an tih theih piah lam ah an ven hleih theih bik tawh loh mi-hring indaihlohna nen a awm a ni a. International Border nei, ramngaw kan ngah si a. Khati laia thil stray incident lo awm thin vanduaithlak em emte advantage a la a, hetiangka kan intih chiam chiam hi chu constructive opposition tan chuan a tih chi lovah Pu Chairman kan ngai hrim hrim a, chuvang chuanin suggestion tha tak takte an tih kha an hen sawite kha, khang khan an khuhbo deuh thin hian ka hria a, a vanduaithlak ani tih erawh kha chu kan sawi duh a. Chuvang chuan, engpawh nisela, a tlangpui thu ah an tha hlein ka hria. Kan Police te tan duh ang anga thil kan ti zung zung thei lo ah erawh chuan heng hi chu vanduaithlak ka ti a kei pawh, ka duhsakna sang ber, a te ber atanga a lian ber thlengin ka hlan tak zet zet ani tih kha ka han sawilang tel ve duh a.

Tin, Minister tanpawh a harsa em em ani Force enkawlte hi tihte chu miin kan tlang hriat vek India ram pumah pawh ani vek, America ramte ngeite leh ram changkang tak takte pawh an harsatna lai ber ani tho tho tih hi khalaiah khan kan

hriattlan a ngai a, robbing te leh killing chungchangte pawh ram changkang apiangahte khawpui chhungahte a tam leh nghal a. Tin, hei khawpui chhungah kan inveng vak mai a te an han ti a, a dik khawpin ka hria. Pu Chairman. Hei House chhungahte pawh keini i dinglam amite phe chu kan mike te pawh hi min ven kan ngai mai dawn alawm mawle te kan ti deuh rum rum a. Chuvang chuanin khatiangte kha ani a khawpuite hi ven chu kan ngai anih hi mawle, mahni bakah te kan ti a.

Le, Pu Chairman, hetah hian han kal thla leh ta ila Water Supply Sanitation chungchangh hianin hei kan Minister hi lawmthu kan hrilh duh a, kei pawh ka bialah Aizawl khawpui hnaih e ti lo chuanin rin aini kan harsa ang reng.khawp mai a, tuite, khu Kawnpuiah phe chu chuanin kumtin mai hianin December a lo nih tawh hi chuanin tui emergency supply hi kan mamawh em em reng mai a, tikhuan, Thingdawl te nen khuan min tihsak reng anni a hei lawmawm ka ti tak zet zet a. Khulaila ka bial Kawnpui Block - I huamchhungho aiawh pawhin lawmthu kan sawi duh a, tin, bhubakah Kawnpui Water Supply Scheme vaibelchhe 18 Nuai 44 lai seng tura kan han ruahman min han tihsakte angte, tunah an bei tluk tluk a, khung avang khuan ka lawm hle a.

Tin, hemi a tlangdung chhak lampang zawk hmar tlangdung phe chu kan tih Bukpui tlangdung phe te pawh khewtinah hemi theih ang angin hma min lak sak a. A theih eng angin hma min laksak a, a bik takin kan Minister chungah hian lawmthu ka hrilh a. Tin, Officer te pawh lawmthu ka hrilh duh bawk a. Kan Harsatna kan thlen hian phur takin an ti sauh sauh a, C.E atangin hnuai tek thlengin kan Officer leh hnathawktute ah lawmthu ka'n sawi duh hrim hrim a.

Tin, hei Emergency Water Supply chungchanga pawisa hi kan thlir vang vanga ka ensual nge ka hre lova, Non-Plan ah hian Nuai nga (5) kan nei a. Plan ah hian Rs.40 Lakhs a nih chuan a pahnih chuan Rs. 45 Lakhs. Hei kei pawh nichina i veilama thu tena an sawi ang khenin nikum lama bill te pawh kha la draw loh kan nei a. A ram pum ngaihtuah chuan a tamin ka ring a, helamah hi chuan Emergency Water Supply hi tun hmaa, kan Sorkar hmaa lo kal chho tawh kha a awm khawmchho ve a ni a. Heng hi chu R.D lamahte chuanin kan hotute hianin ngaihtuah sak an ngai mang e aw ! ka ti a. Kei pawh khulamah tlawngai tura in zawnte hi a ngai hial awm mang e aw ! ka ti a. Hemi Emergency Water Supply tur pawh hian. Chuvang chuan, helaia, a harsa

zualte hi chu kan hotuten min ensak sela, a rampum anga, tui harsa zual bik ang hi chu, kan harsa bik em a ni, tih kha ka'n sawi duh bawk a. A tlangpui erawh chuan hemi kan han Sorkar hnu kum hnih chung lek ah hianin, thingtlang dung leh vang han kal hianin tui hemi gravitation chungchanga hma a lo luang lut leh chi hrang hranga an laknaah hian hma an la nasa a, sumte pawh hi sen a tam a ni. Tiangte pawh an sawi a, sum sen a tam em avang hianin hengah hian tam lo theilo a nihna lai kha a awmin ka hria a. Chu chu ka'n sawitel duh a ni a.

Tin, pakhat erawh chu hemi Works Department leh Works Department lote pawh hi kan Minister khan min lo chhinchhiahsak sela, ka duh a, tin, midangte ho pawh ani thova. Tah hianin, hemi Departmental Works tih loh theih loh chu awm ngei chuan ka hria a. Ama'rawhchu, thenkhat hi chu kan ti lu hrat em tiin ka ngaihtuah a, Departmental Works ah hian, kan Official ho reng reng hian heng pawh hi lo fimkhur deuh a thain ka hria a. Departmental Works anih avanga a vai vai a thenkhatah chuan a Scheme pumpuite Departmental Works tih ang tawp te a awm a, ka bialah pawh a awm chiang mai a. Hetiang chi hi chu a fello in ka hria a. Departmental Works ah chuan tih loh theih loh chi kha awm turania a vaia Contractor ang deuh mai a chet ang chi kha chu kan tih loh tur ani in ka ring a. Chu chu kan sawilang tel duh ani, Pu Chairman.

Tin, hemi Agriculture chungchangah hian sawitur ka ngah hle na a, ama'rawhchu, hei chauh hi kan hailan duh chu kan Chief Minister zahawm tak hi nikumah khanin Plan Discussion a kan kalin kan Minister te an lo tel theihloh avangin Agriculture ICAR Headquarter ah Meeting a awm dawn a, Officer hote leh midang dang te chutah chuan Minister aiawhin mi a tir phei a. Ka ve tel ve a, chutah chuan ka thil va hmuh chhuah a chu hemi research Centre hi chi hrang hrang India hmun hrang hrangah an nei tawh a. Ama'rawhchu, Ginger leh Floriculture hi an la awm hauh lova. Chu chu kan C.M kan hrilh kan ngen a, anin a letter head in Central Minister ah a thawn phei a, helai chungchang hi bawhzuia, hei sawhthing lah kan uar telh telh ani si a. Tin, a tam thinte a awm avang hianin research Centre ginger leh Floriculture atana kha lehkha kha bawhzuin kan Minister in min lo chhinchhiahsak sel. Heti laiah hianin helai Centre din ve ngei turin hei hi kan neih ngei a tulin ka hria, Chu chu kan sawhthing tam thin kan manganna hi kut hnathawktute kan chhanchhuahna ropui tak pakhat anih ka ring bawk a ni.

Tin, Horticulture ah hian-
in research lamah hian Budget ka hmu hauh lo mai a pu
Chairman. Agriculture ah hi chuanin a awm chuan ka hmu
a. Engpawh niselangin kan ram leilung hi Horticulture
ah pawh Agriculture ah pawh kan la kawp deuhin ka'n
sawi mai ang a, hran deuh mahsela. Research chungchang
bikah hian kan ram leilung hi a bikin mithiamte kan rawn
atangin acidity a tam a, ram dang phai lamah chuan al-
kaline a tam a. Kan leitha an han research ahte pawh
hianin chuti lam hawiin an ti a. Chumi avang chuan re-
search hi Agriculture leh Horticulture ah hianin kan neih
that loh chuan kan ram leilunga he acid hi tam a hi,
chumi mila kan thlai pawh hi en a ngai tlat mai a ni.
Chumi avang chuan hetah hian research lam atan hian
pawisa hi kan dah tam deuh a tulin ka hria a. Chumi anih
loh chuan kan thlai reng reng hi phailam a ngeih ti mahse
anni alkaline lei leh keini acid tam lei a inmil reng
reng si lova. Chumi lai mil tur chuan heng chu kan tih
a ngai a ni e tiin hemi research lamah hian ka duhtaawh
deuh a, zirna lama lo che thang kan nih bawk avangin
ani e, pu Chairman. Chuvang chuan heng hi kan Minister
zahawm takin min lo chhinchhiah sak sela. Agriculture
leh Horticulture ah hian research atan pawisa hi R.E
lamah tal emaw dah tam dan ngaihtuah sak ta ila tih kha
ka sawi tel duh a ni, pu Chairman. Sawitur ka la ngah
si a leh ! a dang chu ka sawi tawh lo mai ang e. Ka
lawm e.

C H A I R M A N

: Kan chawl rih anga, Dar4:30
ah kan lut leh ang. Meeting
adjourned 4 : 00 P.M.

...926/-

S P E A K E R : Kan Business-ah kan kal leh nghal mai anga, hei mi 18 lain in sawi ta a, sawi tur dang in la awm em ? Pu Lalhmingthanga.

PU LALHMINGTHANGA : Pu Speaker, ka lawm e. Hei wawihnah hian Demand pawimawh tak tak kan Minister zahawm tak tak te pahnih ta kan han sawi thei hi lawmawm ka ti a. Pu Speaker, rorelna hi zahawm taka a kal fo hi ram leh hnam tan a ni a. Tin, hemi kan House tan hrim hrim pawh hian a ni a. Heng kan portfolio wawihna Demand kan han discuss te hi kan senior leader te pahnih kan Chief Minister leh kan Home Minister kan ram symbol te pahnih Demand a ni a, sawi te pawh hi a phurawm em em a. Mahse, chutihruah chuan, hemi a technical defect hi awmin ka hria a, kan Business kalhmangah hian hemi Agriculture leh Horticulture hi Minister of State without portfolio-in a move tlat mai leh Demand a rawn siam hi chu ram danga an tihdan a anglo mange aw, tiin ka ngaihtuah a.

S P E A K E R : Ngawi lawk rawh aw, ka hun pah sak che chu ka pek belh leh tho che anga. Nia, helai hi keipawhin ka ngaihtuah nasa a, mahse, helai House-ah hian President a lo awm tawh si a. Chu chu kan Officer te ho ka han rawnin tiang khanin kan kalpui ta mai a ni. Keini lamah chuan....

PU LALHMINGTHANGA : Pu Speaker, nangma lamah chuan mawhphurhna ka zuk dah miah lova. A chhan chu heng Demand rawn kal hi a nihna takah chuan Assembly chuan an rawn tih ang ang kha an lo dawngsawng tur a ni anga. Mahse, kan sorkar lam atang hian engemaw khatiang ang thil fuh tawk lo kha a awm tam riau mai a, tun tum kan Session hi corrigendum answer written meuha pek tawh te, a hnua han siam that leh te leh thil chi hrang hrang kha hmannah te pawh khan corrigendum lo anga Governor recommendation meuh pawha move te kha parliamentary Affairs-ah te pawh khan a awm a. Chuvang chuan, tunhnu zawkah kan fimkhur zel a pawimawhin ka hria a. Hei hi ti kher kher nihna ang zawng pawh nilova, point-out loh theih loh ni ah ka ngai a. Tichuan, khalai kha tunhmain President te a lo awm tawh anih pawhin a mawihnai apiang leh a tha, a thangmawi apiangte a lo that avangin tunhnuah chuan Minister of State without portfolio kha chuan tih tawh loh niselangin, portfolio putling

neilotu chuan Demand siam hi a logic lova. Tin, Khami va pass pui pawh kha kan tan hian a nuam lem lo a ni. Chu chu kan sawilang hmasa duh phawt a. Awle, kan Home Minister Demand-ah hianin Police Demand No.14 na hi tawite han sawi ka duh a. Ka hma lamah Khan Treasury Bench lama mi pawh hetah Opposition lama mi Member zahawm tak tak ten Police pawimawh dante leh facilities tha kan siam a ngaih-zia te, tin, kan ram leh kan hnam kan State-in-a an ni hi security chungchang thua te, tin, Border Area sensitive bik kan ni a. International Border zaah 25 lai nei a, kan tan hi chuanin fimkhur bik ngai anih zia thu an rawn sawi zawng zawngte kha a dik em em mai a. Tichuan, tuna kan Police te dinhmunah hianin an service condition-ah te kawng hrang hrangin an hlawh chungchang thu ah te. Tin, an Quarter/Family lane ang te leh Officer Quarter tih angte, chutiang zawng ten improvement a ngai nasa em em a.

Tin, an ralthuam neih chungchang thua te, tin, training regular tak tha taka an neih a pawimawh zia chungchang thua te improvement nasa tak tih ngai a awm a ni tih kha kan Minister zahawm tak pawhin min' lo pawm sak in ka ring a. Member tena an lo sawi tawh na atang khan heng zinga han langsar zual a te chu ASI hlawh chungchang thu te kha an rawn sawi lang a, anni, entirnan- an Driver te a pawhin Driver Havilder te ai pawhin an hlawh a tlem zawk bawk a. Tin, force dang danga anmahni rank pui te ai pawhin an hlawh tiem zawk a, a number thua nise, 400,500/- chuang an ni a. Entirnan- Civil deuh pheh chu nise chuan pendown strike tih ang te hial emaw an ti ve tawh emaw te anianga. Anni chu force an ni a, gun-down strike tih te khu a remchang ve lo a ni tih te pawh kan House Leader zahawm tak khan he dawhkan atang pawhin hmanah khan a sawi tawh kha a ni a. Chuvang chuan Police service condition leh anmahni facilities hram hrim te hi an rifle allowance te ang hi keipawh hetah hian tum 20 ka sawi sakna ni tawhin ka hria a. Rs.4/- a la ni a. Heng te hi chu a awm tawh lo hrim hrim a, tunlai khawvel mila siam that chhoh sak te, tin, an ration money te pawh hi CRP te leh Assam Rifle te station khatah an awm ve vek a. Heng tluka siam sak te, chutiang chuan kawng hrang hranga kan siam sak kha ka'n ngenpui a ni.

Tin, hei, kan Police te hi an sawi tak ang khan training englai pawha an neih a tha a. Hemi kawngah te hian, a sang ber atangin kha, kan ngaih-thlak tawh ang khan kan House Leader atang khan mahai hna-thawka chhawr leh lakpen kha a nasa lutuk a. A n tan pawh moral a sang thei lova, heng hi wawin nia kan sawi vek tawh hnu te hi chuanin tihdanglam chhoh nise tih kan ngenpui duh a ni.

Tin, kan Home Guard te hi, Home Guard ram danga kan chhawr ang ni lova, tilaiah chuanin Para Military Force ang deuhva kan chhawr tak tak te an ni.

A hlawh chungchang thuah kan Governor thusawi atang te, Home Minister thusawi atangte leh khatiang allowance hrang hrang an hmuh tur thuah khan kan lo hlimpui em em tawh a. Mahse, vawin ni thleng hianin an la hmu famkim lo a ni tih te pawh kan han hriatin kan Home Minister zahawm tak hianin khangte kha uluk takin zuk enpui ta selang in a tha awm mange tih kha kan sawi leh duh bawk a ni.

Tin, hemi water supply chungchang thuah hian kanhmalakna hrang hrang kal chho zelah Member te pawhin lawmthu an han sawi thliah thliah a. Amaherawhchu, thil pakhat kan sawilan duh a hi chu, kan ramah hian tui hi a harsat em avanginthngtiang lam, Town-a kan puantawh si hoah hian Truck Carriage ten sem loh theih a ni lova, hetah hian kumin Budget Provision kan han en pawh khanin a Bill pekna tur kha a pachhe ang reng hle a. Plan leh Non-Plan-a han awm a kha, hei hi a duh tawh awm loh khawp mai a. Hemi Carriage Contractor hote hianin Telephone te leh hmaichhanah pawh vawi engemaw zat min rawnhmu ve a. Sorkarah heng kan Bill pending zawng zawngte hi min han clear sak ve selangin, Peace Bonus atangte pawh hianin min clear sak thei lawm ni? Hetiang ang hi chuan, kan laklawh a, han ti lo dawn ila, a lehlahmah chuanin, kha leh chen kha kan lo ti tawh si a. Mahse, Bill hmu thei si lova kha leh chen kha, tianga hnathawh hi kan tan chuan a harsa lutuk a, kan Minister zahawm tak khanin min han enpui sela a tha awm mange kan ti anih chu.

Tin, Demand 56-a Agriculture leh 57-a 36-37 Horticulture hi han sawi kawp leh theih lohah kan dah anga, hun te a tawi avangi. Helai hi hei provision Budgeta dah dan kan han en hianin material supply-na atan pawisa kan uar lutuk deuh hlek a, kan Budget bu atang pawh khan han en ila, kumtin rawn kalah khan. Tin, seedlings leh seed supply tih ah te, khang bakah khanin material, chi hrang hrang supply tih ang te, Member zahawm tak tak te khanin khang kha angahni area-ah thil hrang hrang an rawn sawi tawh a. Kan ram leh hnam ei leh bara kan intodelh theihna tur leh hnam zahawma kan awatheih nan hemi pahnih hi Pathianin kan tobul tura min pek a ni a, kan Chiang tlang theuh a. Hei kan ram hi ramdangte nena han ngaihtuh chuan tlangram chhengchhe tak, mahse, ruahtui leh sik leh sa awma haun tha tak a ni a, chutah chuan engtiangin nge Mizo fate hian hnam zahawm nihna kan va thawhchhuah anga, engtin nge mite mithmuh chuan mawihnaia, za ah za Christian ram kan nih ang te pawh entawn tlaka kan awm kan tih chuanin, Agriculture leh Horticulture atanga kan tihruh dan a zir hianin hetah kan intodelh leh delh loh atangin kan hnam thangmawia a awma tur leh mite entawn tlakna tur hi chu a rawn awm ber dawn a ni.

Khatih laia a ram leilungah a mipui hnathawktu tak tak tena rah an rawn chhuah a, kan ramah hian tunhma pawha kanhmingthatna thin, 1959 Mautam hmalam te a kan hmingthatna thin, supply Buhfai pawh ring lova mahni intodelha kan awm theihna angte kha ti chhuak leh tur hian hemi kawngah hian sorakar hian tih tak zeta hma a lak a ngai a ni. Tuna kan kalhmangah erawh hi chuan loneitute leh huan neitute that phahna tak tak tur ang zawnga scheme siam ai kha chuan kan Budget kalhmang leh a bu-a chuang han en hian supplier te leh mi thil ti thei deuh, Ministry zarzo pha, Party-ah pawha mi zawng zawng ni lemlo, a thiltithe i zual te, thil tiak supply, a lem ang reng tih te; thil chi supply te, fencing material supply tih te ang zawng hian kan Budget hmanralna hi tun kum 2 chhung pawh a sang em em a ni. Hei tak hi chu uluk taka Subject Committee te leh Portfolio neitute pawhin review kha kan kaldan hi siam danglam a tul hlein a lang a. Kha kha policy angin ka hanngen duh a, hemi kan tih rual hian uluk taka co-ordinate ngai ta chu Agriculture lam leh Horticulture lam chuan anmahni thlai leh thei chin tur ang chi te an han buatsaih ta a. Chu chuan rah a rawn chhuahin a pawimawh ta ber chu keimahni State chhunga kan local consumption hi a sang silova, engangzat pawh hi thar ila, keimahni leh keimahniah hian a hnawng nghal zel mai a. Kan thar ang ang hi bekang a ni emaw, chhahwhchhi a ni emaw, balhla serthlum, sapthei, hatkora, sawhthing tih ho reng reng hian kan Agriculture Planning te leh kan Horticulture Planning te hi kan en chuan Agriculture lam keng tel si lo hian a tawp deuh vek a ni.

Tichuan, Trade & Commerce-in a khawih ah lo ngai ta ilang, chutah chuan market hi ngaihtuah tel a, khami market oriented-ah hian Planning kan siam a, kan thil chin tur pawh hi chin theih zawng zawng engkim tilova, kan State-ah tha deuh bik research atanga kan hmuah tawh product kan hmuhsan theih tura sawr zimin intensive takin hetah hian kal ila a tha in ka ring a, kha kha kan Minister-ten min lo chhinchhiah sak bawkw se.

Pu Speaker, kan Member zahawm tak tak te rawn sawi chhuah tawh leh helaia kan buaipui ber Ali-puk scandal chhungchang thuah hian kan House Leader hian mawh a phurin ka hria a, mimal inhuatna pawh ni chuang lovin kan ram rorelna te a kal dik a, hlim taka kan kal theihna tur leh Member ten hei hi chu a kal hmang hi a dik lo a ni e, kan ti ang, kan rilru te hi thenfai a lo nih theihna atan kan House Leader zahawm tak hian Parliamentary enquiry Committee hi min din sak se, Tin, chu chuan Enquiry zalen taka dodalna awm lova, a thawh theihna turin chumiin hna a thawh chhung zawng chu a office hi han chhuahsan zawk selangin, Parliament-ah pawh Defence Minister zahawm tak pawn chutiang chuan an office an chhuah san a, khatiang Enquiry Committee kha a

kal mek a ni a. Hei hi kan ngen a, vawinah hian kan House Leader-in chu chu min hrilh thei silo anih hi chuan. Tin, MOS without portfolio-in Demand a rawn siam pawh hi a dik tawh loh bawk si avang hian, tih dan phung dik lo anih avang hian keini chuanin kha kha min tih sak loh chuan helai hi chu remtilo tiin Opposition ho hi chuan kan vote dawn a ni, Agriculture leh Horticulture hi chu.

S P E A K E R : Tunah kan Minister Pu Tawnluia a Demand te wind-up turin i lo sawm ang u.

PU TAWNLUIA MINISTER : Pu Speaker, hei vawina kan Demand Department hrang hrang te urhsun takin Member tin ten tha nia hriat te, duh khawp loh lai te rawn sawiin, min ngaihtuah puina nasa tak mai an rawn lantir kha a lawmawm ka ti a. Vawin niah hian midang zawng aini kan Discussion-ah pawh huasawma kan nein ka hria a, tunhma lamah kha chuan sawisel duhna hrim hrim kha a awm thinin ka hria a. Vawin niah chuan tha zawk nia hriat leh duh khawp loh lai te, thil tha advise te kan hmu in kan lo chhinchhiah zel a ni tih kha vawin ah hian kan Member te hriatah ka'n sawi duh a.

Pu Speaker, a hmasa berah chuan tukin zinga kan Member zahawm tak Pu Hiana'n Arunachal Tirap District Central Jail-a kan Mizo 6 te tang nia, information-a a hmu a han sawi kha kan han bawhzui nghal a. Itanagar-ah Arunachal C.S. hnenah Mizoram C.S. in message a thawn nghal a, an chanchin kan lo bawhzui nghal zel dawn a ni tih kha kan sawi duh a.

Kan Member zahawm takin-a Vaivakawn Police te thil tih danphung a rawn sawi kha kan han enchiang nghal zung zung a, tun chhun chhawlhhah khan kan information atan pawh sawi chhuah a naitakah si chuan han sawi tha in ka hria a. MRP Constable Lalbiakthanga leh Thanchhunga of Vaivakawn outpost amite hian Dt.12.2.2001 khan Lalliankimi Buhfai Bag 2, 25Kg each an la a. Chubakah ni 16.4.2001 khan Pu Ngura hnen atangin report ang khan Rs.8000/- a zu an man tur chung-changah an lo laksak bawk a, kha kha enzui a, chhut zui nghal a ni a. Tichuan, herai te pahnih hi suspend nghal an niin DE Siam an ni, chu chu ka'n sawi rik duh a ni a. Sawi chhuah an nih takah chuan kan nathawktute pawhin, nimahsela, Pu Speaker, kan inhriatthiam tlan ah pawh tha viauvin ka hria a ni.

Tin, Pu Speaker, a dawt lehah chuan Home Guard chungchang kha kan ngai pawimawh tlang hle mai a, ngaihpawimawhawm tak pawh a ni a. Home Guard te hi kan Police te nena kan chhawr dan hi a in ang thaw-thang a, mi an manna tur ang thil ah erawh chuan an duty hi kan chhiar meuh lova. Vawiin niah hian zoramah kan tang-kaipui em em mai a, chuvangin, Member zahawm tak ten duhsak taka an allowance chungchang an rawn sawina te pawh kha kan lo chhinchhiah a, sawi tawh ang khan anni hi an nih phungah hian regular-a Sorkar hnathawk ang an ni ve lova, Volunteer an ni a. Regular post hi a vai in 150 zet zawt emaw kan nei chauh a, a dang hi chu Volunteers/Guardmen tih an ni a. Kum 1999 May 1 atang khan Mizoram Sorkar in an daily allowance te, washing allowance te leh an training chungah an allowance hrang neuh neuh te a ti pung a. Chuvangin, May 1, 1999 atang kha chuan Mizoram Sorkarin an allowance neuh neuh an tihpun ang thlap hian pek zel an ni a. Helai ah hian Member zahawm tak te sawi ang khan anni pawhin anhriat fuh vak loh leh order atang pawha han ngaihsual theih thil a awm a.

Training chung khan ni 1 ah Messing Allowances nitin Rs.50/- an dawng a, a fai nilo in, an eiral ah a kal a, a pawisa faia an dawn chu out of pocket allowances Rs.25/- in training chung hian a faian an dawng a, washing allowance ah Rs.25/- an dawng bawka ni. Tin, chumi training chung anih loh chuan duty allowance hi nitin Rs.100/- kan pe a, chu chu ni 30 anih chuan thlakhatah Rs.3000/- duty allowance an hmu a ni. Ni 31 anih chuan Rs.3100/-. Tin, chubakah chuan washing allowance Rs.25/- kha thlakhatah an hmu bawka ni. Tin, Messing Allowance hi pek ve nise tih rawtna kha keini pawhin kan ngaihtuah tawh a, hei hi heta anmahni hotute hnen atang pawhin Department-ah lo lut chhovin hotute beng a thlang tawh a. He rawtna hi khang an allowance hrang hrang bakah khan nitina a ration allowance tur kha rawtna Sorkar pawhin a dawng tawh a. Mahse, kan tun dinhmunah hian kan la thei meuh lo nia kan hriat hrih avangin hei hi kan la tipung thei hrih lo a ni a.

Tin, Saiha bialtu zahawm tak khan Saiha Jail incident avanga Home Guard 6 ban te kha rawih leh theih an ni lawm ni a tih kha, keini pawhin khang kha kan duh reng vanga chawltir kan ni lova, kha incident avang khan Departmental enquiry leh a tul anga an thil tih in a phu anga action la turin hotutz hriattir an ni a. Chutianga hotutena tul ngawih ngawih nia an hriat hreh tak chungah an tih kha vawiinah hian kan kalphung tur a ni ang tih ka ring a. Khami anmahni mimal kan lainat lo a ni lova, kan khawngaih lo lam a ni hauh love, tih ka sawi duh a ni.

Tin, Pu Speaker, Traffic lam kai lawk ila, Traffic-ah hian Uniform chiah chu a ni lova, Jacket safety belt kawnghren ang deuha hren leh safety Jacket leh Glove Mizoram Traffic Police te hian an nei a.

Aizawl khawpui bik atan hian hei hi advertise-na em ni tih a awm a, 1997-ah khan Mizoram Sarkar order-in hetiang ang sign board emaw engemaw Police Point kan tih, Traffic Point kan tih te atana sum leh pai rawn sponsored-a hetiang anga mipui leh Sarkar tan tangkai baw si tih theih-na hi SP Aizawl kutah hian thuneihna pek a ni a. Chutiang ang chuan India ram hmun danga tih angin Aizawl SP pawhin khatiang anga tlawm rawn ngai thei te an awm em tiin a lo dap ve a. Tahchuan, Johnson Eastern Power-ten ah sponsored a, chung chu vawin nia kan Traffice Police tena an hak/hman mek a hi a ni a. Mizo pawh, Mizo lo pawhin genuine taka thahnem min ngaihpuina rilru nena hetiang anga sponsore duhtute chu tute pawh MLA pawh MLA lo pawh tute pawhin heng hi chu tih thianga ni e, tih kha ka han sawi duh a ni e.

PU K.T.ROKHAW : Pu Speaker, hei i phalnain order, Home Guard chungchang kha kan Minister hian min lo hrilhfiyah leh sela a tha ang.

A chhan chu order hi Dt.15.12.1999-a chhuak a ni a, chutah chuan Pu Speaker, hei hi kan chhiar chhuak anga.

PU TAWNLUIA MINISTER : Pu Speaker, ka hria a, a order pawh kha ka kawl ve reng a, amaherawhchu, anihphung kha ka sawifiah dan kha a kalphung a ni e.

PU K.T.ROKHAW : Pu Speaker, chu chu a ni a, mahse halaiyah hian Messing allowance hi Rs.58/- per day tih a ni a, tichuan, out of pocket allowance hi Rs.25/- per head per day tih a ni a. Tin, kan Home Minister zahawm takina 10.4-a a chhanbaah hian Messing Allowance Rs.50/- per day during training-only a ti ta a ni. Engah nge ni hetah hianin hemi order-ah hian during training only tite a ni lova, per head per day a ni baw si a, chulai chu a ni a, Home Minister-ina min chhanna leh a order a hi a inmil lova, chu chu a order ang hian kal tur a ni.

PU TAWNLUIA MINISTER : Pu Speaker, ka chhan dan leh ka sawi dan thin hi tuna kan kenkawh dan a ni a. A order kha a fel hlel deuh ka tih kha, a fiah tawkin ka ring.

Tin, Pu Speaker, a dang leh kan Member zahawm takina a rawn zawh, "UP atangin SLR-300 a hlui deuh tawh kha in lei nge ? a then chu a thar a ni awm a" a ti a. Kha kha han sawifiah leh deuh hlek ila, SLR-300 hi CRPF hman hlui hi Home Minister-in min pek a ni a, lawm takin kan dawng a ni. A peka min pek a ni e.

Tin, hei kan Police-ah moral dawnna te phur lohna te a awm ang lek lek in kan ngaithla kha a paw ka ti khawp mai a. Kan Police force te moral hi a up tha vek tawh zawk hle a. Amaherawhchu, hnathawh-naah hian vanneih reng te a awm thei lova, tihsual chang te, tawnsual chang te a awm thin. Mizoram Police te hi India ram Police hrang hrangah hian thlang dawn ila, an ni aia thlan tur chuang an awmin kan ring lova, kan chhuang em em a ni tih ka sawi duh a ni.

Tin, promotion chungchang ah te, sawipuina a awm a, keini pawhin kan hria a. MPSC atanga lo kal kha a dik tak chuan keipawhin ka nawr ve deuh a ni. Christmas present-ah ka ti a, December ni 23-ah khan ka sign turin a lo kal nghe nghe a ni. Amaherawhchu, han en-chian khan a thenah khan a hei hi chu thlir nawn leh a ngai a ni e tih ka neih avangin tih nawn leh turin kan vawn, vawmphei, buatsaih a, DP&AR-ah te pawh emawn a ni a. Chu chu tihfel hman MPSC dinhmun heti anih tak si avangin keini pawhin nghakhlel takin kan thlir tak meuh meuh a ni tih kha kan sawi duh a ni.

Tin, helai hi Havilder atanga Inspector atanga DSP kai tur te, DSP atanga Additional SP-a kai tur te, chutiang ang promotion chu tihdan mai a awm lawm ni tih kha kan chhanna nita ang selangin. Tin, ASI te hlawh chungchang pawh hi nasa takin tihpuitlin tum in an duh dan i ti mai ang, an hlawh excise ASI te nena intluk tlang turin han ti ila a dik mai ang chu. Khatiing ang khan thutchhoh ve an duh a, dik tak chuan tunhma atangin ASI post excise-a an siam hian 1400 in an lo dah sa a. Khami kha tunhma pay revision leh eng eng emaw-pay implementation Committee zelah khan an lo kal chhova. ASI kha 1320 nge 60 a figure chu a chianglo mai thei a. Kan ASI te hi khalaiah khan an thu si a, kha kha siam dik leh hman si loh khan tuna Fifth Pay Implementation a kha an hlawh scale ngai ngai ang, a corresponding conversion-ah khan an kal tak avangin an hniam chho thut mai a. Keipawh in a tir atangin hei hi chu ka ngai pawimawh a, tiang hian kan ti chho a, chumi hnuah pawh tuna kan Pay Commission hnenah pawh hian ka sawi pui tawh a ni. Pu Speaker, tih tak zet zet in tih hian in thu a, hetih lai hian tih dan dang a awm lo maw ? ka ti a. Chutiang khawp chuan helai hi kan pawhzui tak meuh meuh a, anni pawhin (kan ASI Association pawh hian) an hrethiamin ka hria, kan dinhmun helai hi ngai pawimawh khawp mai tih kha ka'n sawi duh a ni.

Pu Speaker, hei kan Police te hi tunah hian hmasawna turin kawng hrang hrangin hma kan la chho zel a. Vawin niah hian sawi dawn ila, a sei dawn si a, Pu Speaker, sawi pawh ka chak viau va. Hei Central atanga a kind a silai leh a mu kan hmuh te, vehicle kan hmuh te, WY leh equipment dang dang kan hmuh te, Bullet proof hmanrua kan hmuh zawng zawng te hi tun kum hnih chung hian a lawmawm tak zet zet a. Kum therah pawh hian allotment min rawn pek leh thual kan duh a ni a. Vehicle-ah hian a pumpuin a chi hrang hrang tuna kan hmuh tawh hi, tun kum hnih chung hian 140 a ni a, Motor Cycle atanga TATA (Motor lian kan tih) thleng hian. Tunah hian Gypsy 10 leh Motor Cycle 30 hi lo thleng mai tur 2000-2001 chung ami kha a awm a, silai leh a mu pawh tunah hian....

PU H. LALTANPUIA : Pu Speaker, kan Minister zah-awm takin a vehicle te Modernisation of Police chungchangah Central atangin tanpuina a kind in kan hmu a ti a. Tahkhan Pu Speaker, kan hriat duh a chu International Border tam tak nei kan ni a, out post tam tak nei kan ni ta a. Heng outpost leh International Border outpost atan hian a bik taka vehicle allotment hi Central atanga tanpuina ka hmu em ? tih kha kan hre duh deuh a ni.

PU TAWNLUIA MINISTER : Pu Speaker, ka lo hope dan ka han sawi mai ange. Gypsy 10 lo thleng tur hi chu keiman a kil khawr khawrah a tul ka tih angin ka sem ang ka ti a ni. Hei hi Member te pawhin in sawi tawh a, a tangkai zawk leh duty-na pawimawh amite hi Motor thar pe ula tiin in duhdan in sawi tawh a. Kan hria a, mahse, thil knatiang ang vek khan tih a lo remchang kher lova, chunglam atang hian remruatpui mai ila tih chu ka rilru a ni.

Awle, khalamah khan sawi tur a tam khawp a, hei Bullet proof Jacket te heng ang hmanrua te pawh hi kannei nual tawh a. Engemaw MLA leh kan hotuten khawimaw laiah mamawh chang a awm thei a, chungah chuan heng Bullet proof hmanrua te hi tul thutna kan neih chuan kan inhriattir tawnin, a in zentawnpui dan te pawh kan ruat theiin ka ring a ni. Tin, hei Police Housing-ah pawh hian Pu Speaker, tun kum 2 chung hian Unit, Quarter leh Police mamawh hrang hrang hi 130 dawn thaw kan sa a. Tin, 10th Financial ah pawh khan keimahni Plan bakah In 30-50 dawn lai sakna tur min pe a. Tin, tunah pawh hian

fire service-ah te pawh 11th Finance Commission atang hian nuai 41 pawh kan hmu a. Chu chu Mamit-ah hian fire station thar kan din dawn a, e hmun tihrem mek a ni a. Hei hi kum hlui pawisa ang nihahselangin, kha kha chu siamrem dan a awm a. Tin, Fire Station chungchang thuah chuan, Lunglei kha kan chhinchhih a, ka rilruah a riak reng a ni tih a kha kan Member zahawm tak ten min lo hriatpui kan duh a ni.

Tin, Pu Speaker, tun hnaiah, kidnapping thil te kan han nei leh a, lehlamah chuan Law & Order hi a va chhe em em ve, tih mai loh theih loh a ni a. Amaherawhchu, thil awmdan chu tuman heng thilah hian kan hai hauh lova, Border lehlama tawmru a, remchang lai melh khan khan a, engemaw tia thil an duh zawng rawn ti leh mai thin an nih avangin kan inven sen lohna chin a awm a. Amaherawhchu, tunah pawh hian tuna kidnap tute hi kan theih ang angin chhuah tir ngei tura hmalak mek a ni a, helamah hian theih tawp kan chhuah a ni tih a kha kan sawi duh a.

Tin, Mizoram hi Peaceful State a ni tih hi waviin niah hian kan la sawi zel tur ni pawhin kan hria a. India ram State hrang hrang te enin Mizoram anga thin thi leh thlamuanga mipui naran te kan vah vel theihna leh kan khawsak theihna hi a vang em em a ni. Chuvang chuan, dan leh thupekah kan chak lo, Sorkar hi a fail a ni han ti dawn thin mah ilangin Peaceful State kan nihna hi tunah hian ka la retain thei a ni lawm ni ? tih chu kan inhriatna ve a ni a. Kan Member te pawhin chu chu kanhmuh thiam vek kan ring a ni.

Tin, Pu Speaker, hei, Police-ah hian tunah IR Battalion thar 2nd Battalion tur kan din mek a, Chhim lampang, i ti mai ang, MLA te khan tun IR 200 training lai mek ah khuan Chhim lam mi kan tel ve lova, inthliarhranna a awm em ni, tih a ni a. Zawhna awm tak pawh a ni a. Amaherawhchu, tunah khuan Basic Training bei mek, khami Recruitment kan han tiha kan lek MRP vacancy, MAP vacancy, 1st IR vacancy leh Unit hrang hrang ami hnawhkhahna tur leh 2nd IR ami tur te tunah khuan 600 dawn thaw an training a. Chumi zinga 200 chu Battalion thar, 2nd IR ami tur an ni a. Tichuan, an training tirh atangin an hlawh leh an particular zawng zawng nena report kha a lo ngai a. Chuvangin provisional-in tunah khuan Unit an siam a ni.

Passing-out Parade kan ti a, a thlen hma chuah tuna Unit an in vuah khu an awm hienna tur a ni lova, provisional-in siam remna a ni e. Training chung pawhin Full Pay la vek tho an nih avangin kha kha provisional-a kan han siam remna a ni a. Enge ni, Chhim leh Hmar, Chhak leh Thlang zawnga han siam rem kha ngaih-dan anih phei chuan, khalam kha Pu Speaker, siam rem thil harsa a ni love, tih kha kan sawi duh a ni.

....936/-

Tin, tunah hian 2nd Battalion IRP kan din tawh, kan ti lo thei lova. A chhan chu, CO appointment siam a ngai a, CO kha a thut phawt loh chuan khami han dinna tur tak takah khan recruitment a kha la kal zel pawh niselangin, vawiin nia, tuna training mekte leh thil dang tul, Camp sak te, enkawltu kan ngai a, chuvangin Battalion CO pawh kan appoint tawh a. Police Headquarters-ah sawn Room pakhat neiin, a tul chhung chu sawlaiah sawn Office neiin 2nd IR hi a tul angin a enkawl chho dawn a ni.

Tin, hetah hian tuna kan la lak fel loh Recruitments, District Headquarters tina intlar te kha, District tinah khan, allotment ti mai ilangin, a aia tlem lo, (chuai aia tlem lo chu) mi lak a ni ang tiin ruahmanna kan siam a. Hei hi peih fel tep tawh a ni a. Thla thar lamah te khi chuanin Training Centre-ah namluh chhoh theih ngei pawh kan beisei a. Amaherawhchu, khulaiah an leng dawn lova, Battalion Headquarters tinah hian sem a, khatiang training nei turin kan ti a ni.

Kan Opposition Leader zahawm tak in a sawi ang khan kan Police te efficiency atan chuan Training hi a pawimawh a ni tih hi sorkar pawhin a hria a, uluk takin Training equipment lam te pawh ngaihtuah zeuin tiang hian thahnemngai takin kan enkawl zui chho a ni a. Kan training equipment leh tul dang training atana kan neih thar dang te pawh sawi ka chak a. Pu Speaker, hun awm lo ah ngai ta ila, tin, PTC tuna kan neih mek khu han tihchangtlun dawn tak tak chuanin duhthu a sam loh avangin Thenzawlah ram zau tak mai, khawtlang hotute nena inhriat-thiam tawna avangin tiang sawn kan nei ta a. Hmanni ah khan Delhi atangin hemi training Dampang Police kan ti ang tih research Unit ami te, an Doctor te an lo kal a, Thenzawlah pawh an va kal a, Bureau of India Research Director hovin an lo kal a. Thenzawl pawh an va tlawh tawh a, chutiang ang chuan tuna Home Ministry-ah khami Plan a kha an theh lut anga, sawlai ah sawn Training Centre puitling zawk kan neih theih kan beisei em em a ni, chu chu khulamah chuan tawh dawn mai sela.

Pu Speaker, kan -water Supply Scheme hrang hrangte vawiin niah hian tihpuitlin tawh neiin khatiang khan hmabak kan va chhawphtluah mai a. Engpawh hi sawi dawn ila, sawi tur a tam anga, kan sawi duh chu vawin niah hian thingtlang khaw hrang hrang 911 ah hian PHE hian tui a pe tawh a. Chu chu tunhma atanga lo target ve tawh thinah khan hemi khawtina tui in tur pek a kha target a ni a. Chutah chuan a tlem emaw a tam emaw sawi thu cheng lo sela, amaherawhchu, khawtina PHE hian tui tinkhawr pek a ni emaw tui lak a ni emaw kawng danga tihsak a ni emaw, khaw 911 hi PHE in kan khawneih zatve a ni a. Chutah chuan kan ti kim tawh a ni a. Tin, tunah hian kan chhiar ve dan chuan partially covered kan ti a, chu chu tun 1st April-a kan dinhmunah chuan kan Mizorama khua 544 te hi tui pek tawh, 40 litres la dawng pha chiah lo te an ni a, 40 litres

chunglam pek tawh khur te hi 367 an ni a. A valin 911 a ni a, thingtlangah chuan 40 litres per head per day hi kan target a ni. Tin, tunah hian Urban Water supply kan ti a. Mizoramah hian target hrang hrang, kan ngaihthlak thin tawh ang khan identified awm chu 22 a ni a, chu chu Urban Water Supply hnuaiah a ni ta a. Chu chu accelerated urban water supply schem nen a kal kawp chho ta a, tunah hian....

PU R. LALZIRLIANA : Pu Speaker, point of clarification, ka hriat sual nge ni Mizoram hi VC nei kha 748 vel ni in ka hria a, tuilakna kha 911 a ni kha engnge a awmzia ka hriat sual zawk emaw chu le!

PU TAWNLUIA MINISTER : Pu Speaker, i hre dik anga, Pu Speaker, khua kan ti mai a. Hetah hian habitation tih a ni, mi chenna, in 10 lek, khua a kan declare lem loh te pawh a awm thei a. Kawng dung khua ah pawh in 4/5 ah pawh tuilak an siamna a awm hi, chu chu nichin khan ka sawi fiah nghal lo a, PHE habitation a ni. Kha kha thingtlang lamah chuan niselangin.

Tin, Urban Water Supply hi Lunglei, Aizawl, Serchhip, Kolasib leh Saiha hi kan scheme a puitling thawkhat vek tawh a. Aizawl hi phase II in a belh chhah dawn a, tuna kan scheme kal lai chu Bilkhawthlir leh Chhim-luang te, North Kawnpui, Khawzawl, Sairang, Saitual, Thenzawl, Vairengte an ni a, hetiang hian kan kal chhova. Tin, Darlawn kan complete tawh a, Ratu leh Champhai tunah hian tih mek a ni a. Mamit leh Lawngtlai te pawh kan nei tawh a, a bik takin Mamit-ah kan scheme lian tak a awm a, cheng vaibelchhe sawm dawn lai a ni a. Chung chu pumpping system-a tih kan tum mek a. Chutiang chuan Lawngtlai pawh saw Greater Water Supply Scheme kan ti a, tunah hian kan work Schedule-ah tarlan ang khan a thenah chuan nuai khat diat diat token angin kan han ti a. Pawisa kumin lo kal chho turah hian khawng hrang hrang atangin, khawi khawi emaw ah chuan kan zeplut thei turah kan in ngai a.

Pu Speaker, kumin ah hian nangma kaihhruainain performance te kan nei a. Tin, work Programme te kan nei a, chubakah PHE ah chuan work Schedule a hranin kan siam a. Khang atang khan kan Member zahawm tak tak ten kan hmalak tawh dan leh hmalak mek te leh kumina kan hmachhawp te chu in lo zir chiang thei vekin ka ring a. Nangma kaihhruaina fing tak hnuaiah Member te tan pawh a chhuanawm viau kan ring a. Heng han en hian Sorkar hian tumah thliar hrang lovin Sorkarin a tul leh pawimawh chu a

tum chat chat a ni tih chu he Department programme atang hian a Chiang viauvin ka ring a ni. Pu Speaker, sawi tur a tam anga, khati khan ka duh tawk mai anga. Tichuan, ka Demand....(Pu Vanlalhlana tawng in a zui..)

PU VANLALHLANA : Pu Speaker, clarify turin kan Minister kha ka duh deuh a. Home Guard chungchang kha, min han clarify leh se ka duh a. A order kha kan Minister zahawm tak khan a nei a, Dec. 15, 1999 khami kha Joint Secretary Government of Mizoram, Home Department-ina order a chhuah a ni a. Chutah chuan an hlawh tur leh allowance zawng zawng kha a ziak a ni. Amaherawhchu, kan Minister zahawm tak khan he order hi a felhlel e a ti ta a, chuti anih chuan Government hian corrigendum te siamin order dang chhuah leh awm tak a ni a. Amaherawhchu, hei hi kan hmuh chhun anih avangin hei hi kan han hriat ang kha kan han sawi a ni a. He order hi lo felhlel nita sengin, nikuma Governors Speech ni 15 March, 2000-a he House-a address-naah khan Home Guard te allowance hi Rs.200-a tihsan a ni tih thu he House-ah hian min hrilh a. Kha kha thil felhlel a ni dawn tihna nge ai ang ? Khalai kha khawngaih takin kan Minister hianmin hrilhfiah thei em aw ?

PU R.LALZIRLIANA : Pu Speaker, he machines hi Department-in approved rate an nei silova, hei hi sawi chian a tha khawp mai, nge kan hotupa hian a lo enzui thei dawn em ?

PU TAWNLUIA MINISTER : Pu Speaker, hei hi chu kan lo chhinchhiah ange. Tin, Pu Hlana Member zahawm takin a rawn zawh kha, ni e, a defective deuh hlek a, khalai kha, anni pawhin an lo hriat sual ve a ni a. Keimahni lam atang pawhin kan bawhzui chak lova, kan pha lova. Governor Speech pawh kha kan Home Guard Commandant, General pawh hian khalai te pawh kha correction sian a ngai a ni a ti a. Chuvangin, vawin niah kan sawi atang khan a hrethiam lo deuh pawh kan chhangchhe em mai a, keini Home Guard te phe chu in hria, kan hrilhfiah zel kha a pawimawh viauvin ka ring a ni.

COL.LALCHUNGNUNGA SAILO : Pu Speaker, Hmunpui water supply ka sawi 15 lakhs man kha, 5 lakhs man vel chauh ni awmin a lang a,

kha kha min chhui sak thei em ? tih ka'n zawt a ni.

PU TAWNLUIA : Pu Speaker, Hmunpui pawh hi
MINISTER Member zahawm takin a ngen ang
khan kan lo enfiah anga. Hman-
nia sawi tawh anih avang khan
keini pawhin kan han enchiang a, engmah kan chhui chinah
chuan a awm lovin kan hria a. Ka'n sawi duh chu, a in-
take, a hnar kan dawtna kha a sang thei lova, chuvangin
khaw chhungah a chhuak thei lova. Khawi maw laiah Khaw-
tlang hotute pawhin a, ti mai rawh u an ti a, an EE te
leh SDO te nena remruet tlanna atanga kha hnar in-take
kha hniam deuh mahsela, laktir tho an ni. Dik tak chuan
khu khua khu a sang lutuk a, tui tha a awm lova, chuvang-
in, tui awm thei ang ang kha khaw chhungin an neih ve theih
na anih chuan tiin khawmawngah pawh chhuak sela, a pawilo
ve, an ti a, inremsiamna a ni.

Pu Speaker, ka Demand No.14,
Police Rs.86,42,13,000, Demand No.18, other Administra-
tive services, Home Guard, Fire services and ATI Rs.8,30,
00,000, Demand NO.27 Water Supply and Sanitation Rs.34,
70,60,000, Demand No.34 Social Security & Welfare (SS&A
Board only Rs.99,30,00. A vaim Rs.130,42,03,000/- te hi
min pass sak turin ka ngen e.

S P E A K E R : Pu Tawnluia'n a Demand No.14,18,
27,34 A vaim Rs.130,42,03,000
hi pass a rawn dil ta e, pass
remti apiangin remti ti ula,
remti lo apiangin remti lo ti ula. Pu Tawnluia Demand-

Demand No.14- Rs.86,42,13,000/-
Demand NO.18- Rs.8,30,00,000/-
Demand No.27- Rs.34,70,00,000/-
Demand No.34- Rs.99,30,000/-

A vaim Rs.130,42,03,000/- chu
he House hian lungrual takin a pass a ni.

PU TAWNLUIA : Pu Speaker, ka lawm e.
MINISTER

S P E A K E R : Tunah Pu C.Lalrinsanga'n wind-
up-in pass rawn dil ve leh
nghal rawh se.

PU C.LALRINSANGA : Pu Speaker, ka lawm e. Hei
MINISTER : vawiin niah a hminga chanvo,
mawhphurhna ka lak Demand te
Member zahawm tak ten thahnem
ngai takin min sawi pui a, kan thahnem ngaih dan silar
hleik te pawha awm a. Mahse, kan thahnem ngaih dan a ni
miau mai a, tin, chubakah chuan hei Opposition Leader-in
Demand pass pui lo tur ang te khan an sawi ri a, pawh
pawh ka ti khawp mai a. Engpawhnisela, he mawhphurhna ka
ken ang chin, a pawimawh nia ka hriat leh House Member
zahawm tak ten in ngaih pawimawh zawng in rawn sawi tliar
tliar a, khangho bakah khan pawimawh nia ka hriat angte
han tarlan zuai zuai ka tum a, rei sawi ka tum lova.

A lo rei thei bawka, Pu Spea-
ker, Demand No.37-na Horticulture Department hi sawi hma-
sa ila, Horticulture Department hi a naupan ngaihtuahin
a thang chak viau a. Mizoram dung leh vang kan awi chhuak
chu a ni ve mai a. Kan achievement pawh hi he ram econo-
my, pawisa dinmun chhawp sangtu Department pawimawh tak
kan ni ve a ni. Kan thlai hrang hrang Plantation lama
kan thlai neih leh hnephnawl anga kan thar chhuah te tun
ah hian engemaw zah ram sum lakluhna hmanrua ah kan hman-
ta a. Hei hi Department naupan ang chuan Mizoram pua tan
pawh hlawn ropui tak niin ka hria a. Hei kan ram hi hec-
tare nuai 21,87,000/- a ni a. Tuna Horticulture Department
cover area kan Plantation leh thil dang dang kan luhna ah
a arga chin hi hectare 45914 vel a ni a. Tun dinmunah
hectare 50000/- vel hi kan thlang tawh mai awm mange a tih
theih ang. Sorkar tharah mipui an phur a, haa chak takin
kan la hlawn a, kan phur a, Plantation lamah pawh hmasawn-
na ropui tak kan nei ve a, a lawmawm hle a. Kan sawi tak
ang khan kan ram economy tak tak sum leh pai kan lakluhna
hmanrua, Mizo mipui a te ber atanga a lian ber thlenga,
a lehka thiam emaw, lehka thiamlo emaw, a tu te pawhin
kan hma theih kan leilung hausakna haichhuahna kawnga
mawhphurhna lian tak kengtu kan nih angin leh income kan
generate-na hmanraw pawimawh tak anih angin, heni keimah-
ni State Budget mai ni lo, State dang atanga pawisa kan
lak luhna atang hmanraw pawimawh tak anihna tunah pawh kan
hmu chho zel a ni a.

Tiang chuan hei, kan ram hi kan
intodelh lo em em a, heni nitina kan eiral ang chi hnep-
hnawl leh thil dang dangah Silchar atanga lo kal te tiang
chuan tam tak kan pawisa Zoram pawna luangral leh kal
chhuak a tam em em a. Tun dinmunah kan Plantation lam
kuhva, hatkora, serthlum te leh Sapthei te tan tan kan
han la chhova, heng atang hian sum tam tak lakluh pawh
kan mai bawka reng a. Hei Sapthei te phei chu nikum lamah
a tiak te kan han sem chhuak a, hman hrang hrangah a zam-
na Horticulture Division hrang hrang ah kan sem darh bawka
a. Nichin khan kan Buarpu bialtu zahawm tak khan Sapthei
zamna chungchangah dik lo deuhva, supply awm ang khan a
rawn sawi a, amaherawhchu, hei hi Sorkar chuan a dik lohna

engmah kan hre lova, a supply-tu hian kim takin supply tur anga ruahman kan siam angin a supply a ni tih kha kan tarlang duh a, tiang chuan sapthei chingtute tan pawh tun ah hian a zamna tur ruahmanna kan siam sak angin phur tak in division hrang hrangah hma an la mek a ni.

Tin, hei thil pakhat kan state-ina kan ngaih pawimawh atan leh Department anga kan ngaih pawimawhna ah ngaih pawimawh tur nia ka hriat a chu a hun lo lai a thlai thar chhuah a hi state dang kan tluk lohna kawng pakhat niin ka hria a. Hei Meghalaya state ang te khu off-season-a an thar chhuah leh a season pangngaia an thar chhuah hi a inang deuh reng a. Chu chuan an ram economy nasa takin a siam tha niin a lang a, chung ang kawng te chu hei tuna kan hma han lakna tur kal chhovah pawh theih tawp chhuaha kan officer te pawhina kan hma chhov tur pawh a ni dawn a. Tin, Information atan kan sawi duh thil pakhat a chu National Productivity Council Government of India, 1989-90 record dan chuan thei lama Assam-in an thar chhuah hi 836 tonne anih lain thlai lama tonne 1961-90 an thar thung a.

Tin, hetih rual hian Mizoram hian thei lama 42.80 tonnes kan thar lain thlai lama 25.80 tonnes kan thar bawk a. Tiang chuan North East-a kan state pui heng Tripura te, Mizoram ai pawha changkang bik lo tur a kan ngaihte pawh an thar tha viau a. Thei lama tonne 325 an thar lain thlai lama tonne 287.20 an thar thung a ni. Tichuan, tun dinhmunah hian heng kan thar tam bi hi economic and statistician, statistic Department atanga inenchian hi ta sela, tun ai chuan kan zia tlan ka ring a.

Hemi kawngah hian kan sawi belh duh a chu Pu Speaker, hei cold storage, kan thlai thar te dahthatna hi hei hnam dang, state dangte hi chuan an nei tha viau a, amaherawhchu, hei hun rei tawh tak atangin kan thil thar, kan thlai thar te dahthatna kan neih loh avang hian kan thar ang angte pawh a zuva a. Tin, Silchar lam atanga Karimganj Vaite pawhin heng khawthlang tlangdung kan zu kal tum te pawh khan farmer tena min hrilh ngun ber a chu cold storage kan neih loh avangin kan serthlum thar te pawh Vai an lo kal a, an duh ang angin rate bi min tuk a, kan pek loh chuan a chhe mai dawn si a, tiin thlai kan thar chhuah tam tak te man manlo taka kan hralh na hmun tam takah a awm a ni. Chuvang chuan kan CM thaham- ngaihna avangin cold storage pawh tunah a theihna hmun a dah theih anih rualin a bultan nan Serchhip ah dah kan tum a. Hei hi a hmunhma leh a kawng approach road te pawh kan lai fel diam tawh a. A rang thei ang bera sak hi kan tum a ni. Tin, hei thlai tiak leh thlai chi chungchang kha an han sawi hlawn a, Member ten a dik a. Hei thlai chi leh a seedling chungchangah hian harsatna tunhma hun atang in kan lo tawh tawh thin a. Nimpiniah lawk pawh khan ka biala tangin kan hruaitu pakhat a lo kal a. NLUP

hunlai a Hatkora anga a dawna kha sertawk a rah tlat mai a. Kung engemaw zah a nisi a, a lungchhiatthlak khawp mai tih thu min rawn hrilh a. Engpawhnisela, hemi chungchangan hian kawng lehlanan chuan a sorkar te pawh kan han dem mai thei bawk a. Chumi rual chuan he House pawhina kan ngaihtuah atana ka duh a chu sorkar kan han dem rual hian dik takin hemi a seedling siamtute hisum-dawng khulai kan thlang hnam dang kan ramri dep amite khu an ni tlangpui vek a. Chungcho chuan an supply theih ang chi tura kha, a chhia emaw dik lo engpawh thlai tiak a seedling han siam mai a kha an hreh lo ni turah ka ngai a. Chuvang chuan Department lam pawhin helaiah hian fimkhur theihtawpa kal kan tum a, a seed a chi kan han tih bik ngat pheih hi chu Division tinah a bikin Antam kauphek, French, Bean tih ang chi te hi chu farmer te i intodelh vek ang u tiin kan inzirtir mak a. Tiang chuan a bika chin tir te pawh kan nei nghe nghe a ni. A seedling hemi a tiak bik pheih hi chu kan CM hian a ngai pawimawh a, seedling a dik loh hian sorkar a mualpho mai a ni lova, hnam anga mualphona a ni tlat a ni. Chuvang chuan kan hun kal chho turah pawh fimkhur kan tum viau a ni tih kha ka'n sawilang duh bawk a.

Tin, chubakah chuan seed chungchang kan sawi rual hian Alu bikah hian kan Alu chin te phai atangin kan la chhuak a. Thui tak kalkawngarawn kalna ah a t'wih chhia leh engemaw a awm bakah Alu chi tam tak te kan duh ang nilo, kan duh aia lian duh te rawn thawn an nei bawk thin a. Chutiang chuan phai atanga kan lak thin hi kan bawhbo ang ka ti lova, amaherawhchu, Horticulture-a kan officer te hi fel tak tak vek an ni a. Trial te pawh an nei tawh a, a that duh dan te an hre tawh a. Chutiang chuan TPS (true Potato seeds) kan han tih mai, a chi tak tak china, kuitiah a, chuta tanga Potato seed pe chhuak thei ang kha kan hma hun kal chho turah hian ruahmanna kan nei nghe nghe a. September-a he TPS hi kan chin chuan January thla velah a chi tura kha a thar theih dawn a ni.

Heng TPS te hi kan ti thei anih chuan a seed lak hmun hrang hranga han phurh kual Motor kal hleih theih lohna te a tam a. Chutiang hmuna awmte tan pawh advantage a ni thei dawn a, tiang chuan Ngopa, Champhai ah te, N. Vanlai phaiah te, Lunglei, Saiha leh hmun hrang hrangah hmalak theih nise tiin a kal mek a ni. Tin, chulovah chuan Floriculture hi kan sawi leh duh zawk a. Hei Aizawl khawpui chhungah hian Pangpar-a ei zawng chhungkaw tam tak an awm tawh tih kan hria a. Hei hi thil lawmawm tak pawh niin ka hria a. Tunhmaa eizawna awma kan ngaih ngai loh kha vawiin ni ah chuan eizawna pakhat a lo ni ta hi thil lawmawm tak niin ka hria. Hei hi Horticulture achievement ropui tak pawh niin ka hria a, ama'rawhchu, a zawrna hmun hma ah harsatna a awm thin a, rem leh rem lo in Pangpar zuartu ten an zuar a. Chung harsatna gutkian nan chuan kan CM ho pawhin nikum lamah pawh an lo bei tawh thin a, ma'rawh-

chu Dawr anga hmunhma remchang kan la hmuh sak mai theih loh avangin, remchang kawng hrang hrang pawh Kan dap chhoh mek a ni.

Tichuan, Demand No.36-ah Khan let velen ta ila, Agriculture and Minor Irrigation hi sawi tam lo turah inngai ila. Hei kan House Leader, kan CM zawhawm takin a lo sawi thin angin ei leh bara into-delhna atan privatisation, mechanisation, large scale product tih unzuinain theih tawpin hma chak takin Department ten an la a. Hei Land Development te pawh hmun hrang hrangah kan nei a, Tuichhuahen ah 62 hectares, Champhaiah 78 hectares tunah an lai zo tawh a. Heng Land development mechanisation-a ruahmanna kan han neih na chhan hi Farm mechanised kan duh vang a ni a. Farm mechanisation hian privatisation thlengin a hril chhova. Tiang chuan heng pilot project anga kan han hmalak mek Tuichhuahen leh Champhai angah te pawh, tunhmaa bial zim te te, bial 2/bial 3 anga te kha bial khatah kan han siam a. Tahchuan Farm mechanised kan seng luh chuan Tractor-ten a leileh, a buhpun leh a harvest thlengin Farm mechanisation hian a hma chho dawn a ni. Chu chu thil pawimawh tak large scale production atan pawha thil pawimawh tak a ni a. Chutiang chuan leilet bial khawl hmanga chei that a lo nih chuan leilet bial tam tak kha mipakhatin machinery pakhat hmangin a hna thei dawn a. Chu chuan privatisation kha a hril bawh a ni.

Tin, chubakah chuan Command Area development-in a zui ve leh turah kan ngai a. Hei tun kumah tun Financial year-ah hian project 40 kan nei a. Chumi hmang chuan Land improvement te, drainage line te hmun tam takah Champhai ang ah te phei chuan September thla, thlasik thlai kan han chin ouh hunah hian tui a la tling pung mai a. Chung ang drain-na tur te leh a farm improvement hrim hrim atan te tam zawk kan thar chhuah theihna tur atan leh double cropping thlasik thlai, antam tel, kan intodelh loh te kan intodelh theih na tura hmalakna te, chutianga hma kan lak theihna tur atan chuan heng Command Area development te pawh hi kan han hma chho dawn nghe nghe a ni a.

Tin, thlasik thlai hi a pawimawh hle a, hei kan intodelh lo kan ti tawh a, heng thlasik thlai te a hun taka kan chin theihna turin tun ah hian buh tharrang, tui bawh si angte Department-in an chah a. Narrenda 359 kan tih te phei chu Basmati Rice ang a ni a. Hectare khatah quintal 60 a thar thei a. Tin, ni 110 velen seng mai theih a ni nghe nghe a. Tin, MTU 7029 kan tih te phei chu hectare khatah quintal 70 a thar thei a ni. Tin, PNR 381 kan tih ang te, tiang chuan heng kan buh thar hma te kan chin theih chuan thlasik thlai awmze nei taka kan luh hman kan inbeisei a. Chu chuan Silchar lam atanga kan hnephnawl lo kal tam tak pawh hi a hun takah kan dangchat thei turah kan ngai a. Tin, thil pakhat Pu Speaker, ka han

tarlan ve duh chu hei 1998 January atanga December in-
kara Economic and Statistician survey record hi he House
hi han hrilh ve a tulin ka hria a. Hei buhfai ah hian
kan thar ve theih phai lama kan pawisa kan nam liam a
kha ka han sawi tum ber chu a ni a. Buhfai ah hian nuai
235. Tin, kan tel ei ah hian Rs. nuai 531/-, tin, Channa
ah Rs. nuai 411, Purunsen ah Rs. nuai 268. Tin, Purun
var ah Rs. nuai 38, Dal ah Rs. nuai 358, a valin Rs. nuai
1783 a hi kan thar ve theih reng si kum khat chhungin
kan pawisa kan nam liam a ni. Chuvang chuan heng ang
Land development kan tih te, Farming mechanisation kan
tih te Command Area development kan han tih te pawh hi
heng ang taka kan thar chhuah leh kan hmalakna a tluan-
tlin theihna tur atana hmalakna pawimawh tak a ni tih
kha ka han sawi duh a.

Tin, chubakah chuan Farm Mecha-
nizationbakah hian hlawk zawka thar thei turin Research
and Development Cell te din a ni a. Tin, Member zahawm
tak Kawnpui bialtu khan heng leilung thur leh soil tes-
ting chungchangte pawh kha a rawn tariang a. Tunah soil
testing laboratory hi hmun hrang hranga kan dah pawh a
tulin ka hria a. Champhai ah te, Lunglei ah te, Kolasib
ah te, Saiha ah te soil testing Laboratory hi dahin a
soil condition azira kan thlai chin tura te pawh hi rua-
hmanna fel taka uluk takin kan neih hi a tulin kan hria
a. Tin, chubakah chuan heni Research and Development Cell
hian Night soil kan tih mai Aizawla kan buaipui em em,
kan septictank tui angte pawh hi treatment pek a, leitha
a siam theih dan tur angte pawh hma chhoh theih turah
kan ngai a. Chung angte pawh chu ruahmanna kan neih kal
mek a ni a.

Tin, Neihbawih Farm-ah Khian
Bio-fertilizer project unit kum khat siam chhuak thei
bun mek a ni a. Hei hian kan farmers te ah hlawkna nasa
tak min pek theih ngei pawh kan beisei a ni. Tin, ka sawi
loh theih loh large scale production atana hmalakna kawng
pakhat a chu Pu Speaker, tun kum tir khan kan CM thahnem
ngaihna in ama hovin Vaimim chinna tur Serchhip bul Mat
phai Zuangleng leh Chamdurah hectare 180 a zau ruahmanna
neih en in kan kal a. Hei hi Vaimim tharna mai nilovin,
Vaimim zawh chiah hian Bekang chin theih nghal a ni a,
a season hi a in la lawn zat mai a.

Tin, chubakah chuan hnephnawl
leh thil dang dang thar chhuah theihna tur ruahmanna a
ni tel nghal bawh a. Hei hi uluk takin Soil Testing te
neiin hmalak a ni a. Tin, chubakah chuan thingtlang
kuthnathawktute tan hian a bikin ruahman nimin lamah te
pawh kan ngaithla tawh a. WDP chungchang te, kan sawi
tawh a, hei kan RD Minister thahnem ngaihna in Integra-
ted waste Land Development Programme Project 13 tunah
ruahmanna kan nei kal mek a. Chung atang chuan project
7 vel hmin tawh a ngaih a ni a. Hemi hmang hian soil

Department ah te Horticulture Department ah te, Agriculture Department ah te heng thingtlang kuthnathawktute ei leh bar zawna kawnga sustainable farm, permanent farm an neih theihna tur ruahmanna hi hei tunah kan CM hovin ngaihtuahna kan nei kal chho mek a. Chu ngaihtuahnaah chuan hei Mizoram State Land use Board hianin adopt, hman tum a neih silvi Pasteral system, a tlangsang lai ber Ngaw-a zuah a, chutah Horticulture, chumi dawtah chuan Agriculture luhna tur, chutiang ruahmanna te pawh chu kan ngaihtuahna ah a awm mek a ni a. Tiang chuan compact leh sustainable taka hma kan lak chhoh theih chuan kha kan lo neihna hmun turah Khan Forest-ah alai-chi. Tin, Horticulture leh Agriculture tang kawpin thingtlang kuthnathawktute tan pawh hlawk zawka hma kan lak chhoh theihna tur kawng a ni dawn a ni.

Tiang chuan, hei tun tumah pawh hian shifting cultivation bik atan Khan Budget Provision-ah kan hmu anga. Khang te bakah Khan hei tun kum tir Khan Guwahati-ah flood control, water resources Ministry hnuaiah Meeting neilin kan zu kal a. Kan ram kan hnam dan leh thingtlang kuthnathawktute kan ram tumah kan kalpui dan min hmu puin theih tawp tan lak pui minhuam thu an sawi a ni. Tiangchuan, Central Sorkar pawh hian hetia hma kan lak chhoh zelna turah pawh hian theih tawp chhuaha min tanpui hi an hnial lo a ni. Theih tawp tang tlang tur kan nihna kawh pawh engin kan hria a. Chuvang chuan kan hmalakna kal zelah Pathian khawngaihna in hlawhtlinna kan chan chhoh zel kan beisei tlat a.

Tichuan, Pu Speaker, vawiin ni ah Member zahawm tak tak te Khanin ngaih pawimawh kawng hrang hrang te an han sawi a. Kan lo chhinchhiah vek a, in thahnemngaihna te ropui kan ti a. Tin, he Department kan CM puihna anga kan tan chhoh ve Khan, kan CM in a ngaih pawimawh em em ei leh bar intodelhna, hnephrawla intodelh nan hma kha han la chhova, tahchuan, Sihphir te, Durtlang te, Hlimen te, bialtutena thahnem an ngaihna a ni tel zel a. Chutiang chuan an hmun hma te enpuina neilin kan han tlawh den den a, kan farmers te, kuthnathawktute hmalakna ropui kan ti a. Tih tak taka hnathawk te an nih avangin tanpui pawh an phu a. Tiang chuan Rain Water Harvesting, Dante pawh kan pe a.

Tin, Link Road Sihphir ah te, Hlimen ah te, Durtlang ah te kan pe a ni. Thenkhat phei chu sorkara dilna chang hre lo, Department-a dilna chang hre lo, mahni thawh thawh a thawh, rama awm chawt mai hnathawkte an awm a ni tih te kan han hria a. Chung chuan min tilawm a. Chuvang chuan, hei tun tumah pawh hian Aii-puk Farmers ho hian Link Road te, Individual Water Tank, Rain Water Harvesting Dam te an mamawh thu min hrilh a. Amaherawhchu, chu aia an mamawh zawk nia kan hriat an ram Fencing-na tur hi kan pe mai a ni. Chu-

vangin, an mamawhna, theih tawp chhuah a hna an thawh naa hi phuin kan hria a, chuvang chuan hetiang a kuthnathawktute hi kan sorkar hian VIP ah kan dah a, theih tawp chhuah a, kuthnathawktute hi sorkar chuan kan dah VIP zel dawn a ni.

PU R.LALRINZUALA : Pu Speaker, Water Tank te, Link Road te kha an duh lo em ni ?

(An inhnial buai)

PU C.LALRINSANGA : Pu Speaker, tichuan, hei vawiin niah hian i phalnain he kan Demand ngun takin kan sawihova, lawmawm hlein ka hria a. Tichuan, ka Demand No.36-na Agriculture-Rs.19,76,60,000/- leh Demand No.37-na Horticulture-Rs.10,76,80,000/- Total- Rs.30,53,40,000/- hi he House zahawm tak hi min pass pui turin ka ngen a ni.

S P E A K E R : I duh tawk ang. An theih ang tawkin an rawn sawifiah tawh a, kan la fiah lo deuh anih pawhin a hranpa in office lamah te pawh in la zawt chiang anga. Pu C.Lalrinsanga'n a Demand te rawn sawifiahin pass a rawn dil a. Demand No.36 leh 37-na Rs.30,53,40,000/- hi pass remti apiangin 'Remti' ti rawh ule.(Remti) Remti lo in 'Remti lo' ti rawh ule.(Remti lo) A va ring zawk ve, ban phar a ngai a ni maw! Remti apiang ban phar rawh ule. Secretary ten chhiar sela. Remti lamah 20-in an phar a, Remti lo lam han phar ve teh ule. 15 an ni. Chuvangin, Remti lam kha a tam zawk deuh a ni.

Awle, Pu C.Lalrinsanga Demand No.36-Agriculture Rs.19,76,60,000/- Demand No.37-Horticulture Rs.10,76,80,000/- Total-Rs.30,53,40,000/- chu he House hian a pass a ni.

PU C.LALRINSANGA : Pu Speaker, ka lawm e.
MINISTER

S P E A K E R : Awle, kan Business chu vawiin atan kan zo ta a, kan chawl rih anga, naktuk Ni 18.4.2001 zing dar 10:30 AM ah kan thukhawm leh dawn nia.

Meeting Adjourned at 6:00 PM.